

西 南
域 詔
遺 野
聞 史

(合訂本)

陳 克 繩
楊 慎 撰

中華文史叢書之七十四
民國二十五年禹貢學會鉛印本
清光緒刊本影印
王有立主編



華文書局股份有限公司印行

司域
遺蹟
問

邊疆禁書甲集之一

中華民國廿五年十
月禹貢學會據江安
傅氏藏舊鈔本印行

邊疆叢書刊印緣起

求民族之自立而不先固其邊防非上策也吾國幅員遼濶人口蕃庶邊地與中土之語言習俗往往絕殊徒以道里山川之寫遠梗塞而隔閼遂益增甚自道光壬寅以來內患叢起早已籌邊不遑外人乃乘茲瑕隙肆厥陰謀國土斲喪實堪痛心自昔已然於今爲烈若長此含垢忍辱不思振拔則兇箠一發恐將無以自存自存之道維何曰在使居中土者洞悉邊情以謀實地考查溝通其文化融洽其輿情庶隱患漸除邊圉以固矣欲究邊情必考典籍淺識者或因先儒著述之不易蒐訪遽謂講求邊事舍外人之書幾無可讀不知彼亦取材吾國卽或出自近今之實地採撮亦大都各有作用倘吾人取爲藍本卽不免蒙蔽之虞吾國在昔殫心邊事者曾不乏人若大吏之獲譴遠戍者又類爲明達之士其于因革興復之閒僉能審厥利弊故筆之于書皆成鑿鑿史實顧以輜軒之採不力致使鴻編鉅製委棄于山崖屋壁而寢失其傳後此遂無從以窺其奧茲可慨已夫居今日而言邊事實地考查固其首要而攷究歷史以明嬗變亦確屬當務之急此邊疆叢書之所以必有也用是亟求先儒遺著彙而刊之俾講邊政者資借鏡焉

凡例

一本編擬以未經付梓之稿刊爲甲集已刊而傳本絕少者爲乙集已入他種叢書者爲丙集

一本編所收以前人所著關於邊事者爲合如專著志略筆記等類俱可不斷朝代不限方域但其人存者其書不錄

一本編付刊以收得先後爲次每十種爲一集

一本編倉卒校刊譌奪難免大雅宏達幸加指正

西域遺聞序

歸安陳君衡北以名進士初任特調蜀之保縣考一統志保邑爲西川緊望松潘金川咽喉要道土司苗蠻雜處必英明強幹始能附衆威敵撫綏得宜陳君至則宣播朝廷德意安撫苗夷馴如赤子曾單騎入重地息兵和衆民賴以安旋擢茂州牧時金川蠢動軍事旁午全蜀騷然川陝總督班公督師闔外知君有幹濟才由茂州牧題補打箭爐同知留軍營任事陳君膺飛輓重任出入於羊腸鳥道叢林密箐中間關千餘里以達軍前不爽時刻士飽馬騰王師奏凱最爲西川第一嗣後出守嘉定分巡川東榷稅夔關所至皆以能稱益信聖天子之知人善任也余承乏西川與君周旋最久會銜命入都道出夔關酒闌燭施追述舊游因出手輯西蜀遺聞二冊曰此余轉饒時所身歷之途目擊之事于風饜雪虐中呵凍手錄者惟君其教之予反覆玩味見其詳事蹟分疆域溯釋氏之源流定政教之約束以及風俗物產詳悉具備至于各土司之承襲強弱番屬與國之和同仇隙聚米畫沙瞭如指掌余因慨然曰君之輯是書也通曉夷情熟諳道里俾後之官斯土者得之可以控馭撫緝邊方享磐石之安民人免供億之役且使諸土番無不震攝天威來王來享其有神于政治豈淺鮮

哉古人曰思報國恩惟有文章是編洵不愧矣君爲吳興望族其先世大廷尉謚簡肅公冰清玉潔爲前朝名臣君由選拔起家以五經領已西鄉薦與予爲同年友予知是書皆得之親歷可備國史採擇傳西域者得所考證是亦懷遠招攜之助也因援筆而爲之序賜進士出身四川分巡松茂道年眷弟張之浚拜撰

西域遺聞

歸安 陳克繩 衡北氏 纂輯

西藏

西藏先屬吐蕃唐太宗下嫁公主于蘇隆策于布即在今藏地德宗時刻盟誓之詞於石列

唐將相名離藏方數千里皆有舊碑文字漢夷相雜大概謂與唐和親戒侵擾內地按唐時和親有

金城文成兩公主文成下嫁吐蕃別為築城以居未知即是藏地否

公主既下嫁絕域乃大修佛宇作大小詔二寺按詔譯音如來也小詔門皆東向望鄉也大詔門皆

西向皈佛也其宮室亦居佛于中而自處於側迄今成爲風俗

藏中婦女皆以紅糖塗面云公主教令然考唐史以公主嫁吐蕃彼中婦女皆頰其面主惡

之爲革其俗則頰面乃其舊俗也

番人甚敬公主其隨行婢僕迄今尙遺部類呼曰唐人不服藏主徭役歲十月十五日公主

誕辰僧衆齊集拜祭詔內諸神佛前燃燈以酥惟公主廟燈以油謂生前不嗜酥也

前藏曰衛後藏曰藏察木多曰康番言喀木皆吐蕃地也唐末吐蕃衰其部落散處河湟間

為苦苦腦兒夷部崇信佛教于三處設大喇嘛管理番衆在衛者曰達賴在藏者曰班禪在康者曰叭吧歷代皆有封號我朝天威愈振黃教日盛各喇嘛皆加封岳威信

苦苦腦兒台吉即西海諸王部落也以藏地歸達賴喇嘛為主下設磔巴汗六員紹按汗字疑衍文

司夷務後有蒙古古石汗自青海起兵逐藏巴汗據其地紹按古石汗即古若汗曾實一作固什汗至其子

達彥汗孫達賴汗皆主藏事後復為磔巴三節所據古若汗曾孫拉藏復請於苦苦腦兒台

吉赴藏理事以計殺磔巴汗自為汗已恐為苦苦腦兒部落不順遣使求援于準酋以己子

順義台吉乞婚準酋澤旺阿喇布坦遂萌踞藏之心陽允之乃言藏人首重喇嘛若以五百

駐布達拉寺化導衆僧餘可盡服也拉藏如命復乘間請於朝求內附康熙初年昇以汗印

藏衆信達賴拉藏廢五輩達賴而別以準酋所納五百喇嘛中擇一人充之面目黧黑眇一

目藏人不服稱為假佛時第六輩達賴名虎必爾汗者紹按虎必爾汗即呼必勒汗轉生之謂非人名應改名字為之字者字則

降生裏塘遠近翕然宗之拉藏怒謂藏中已有真佛此係假者遣其次子發兵三千至裏塘

將擒虎必爾汗以去腦兒部落聞謀先奪之度不能爭亦求援于準酋準酋遣兵同腦兒部

遠赴裏塘時裏塘僧衆已挾虎必爾汗避于德格土司寨矣準酋迎虎必爾汗之兵與拉藏

擒虎必爾汗之兵戰于裏塘之西大敗之腦兒部落遂自德格擁虎必爾汗安于西寧塔兒

寺準酋至藏中途酷寒乏水草兵不能行乃乘腦兒之隙詭遣人報拉藏汗願踐婚姻約送女至藏而令拉藏之子以芻糧親迎拉藏諸準酋兵行半道人馬乏食幾凍斃適拉藏之子率兵馬芻粟以來乃殺之而飽食乘馬以行聲言攻藏拉藏聞曰布達拉天險且兵糧廣聚可爲三年守以求救于朝無懼也而準酋先所納五百喇嘛已應于內焚寺開城以納準兵遂殺拉藏佔藏地自明正土司以西皆附焉而征車零敦多布之大兵起

車零敦多布準酋甥也準酋命以兵聚藏殺拉藏汗藏亂聖祖仁皇帝惻念番民荼毒遣將軍色楞額西安將軍額倫特四川提督康泰率滿漢四千分道進征至通天河三敗賊衆車零敦多布遣賊開道絕我糧餉軍中乏食回至哈拉烏蘇卒遇賊兵官軍敗提督康泰至拉里西亦爲賊衆黑喇嘛所害賊勢復振乃遣將軍駐防巴里坤地方以分賊勢特命皇子十四王爲撫遠大將軍以宗室延信固原提督馬繼伯登州鎮李麟等率陝甘滿漢官兵護達賴喇嘛自西寧出口征西將軍噶爾弼四川永寧協岳鍾琪按今封威信公率川滇楚浙滿漢官兵由打箭爐出口分道進征大將軍王親駐木魯烏蘇調度岳威信先於康熙五十八年隨都統法臘出爐平裏塘巴塘至是由裏巴昌都鼓行前進擒巨賊藍占巴駝駝宰桑黑喇嘛按

藍占巴喇嘛初進之學位係如前清之秀才非人名駝駝宰桑係官名

秋九月入僞藏藏王達格咱等伏誅車零敦多布遠遁

達賴遂坐床于布達拉並封有功之頭目康吉肅阿爾布隆布奈扎爾奈頗羅奈五人爵管理藏務勒碑于布達拉之兩將領陞賞有差大兵凱旋

康吉肅後藏人爲拉藏汗卓義以守阿里功封貝勒轄後藏西北及拉藏汗台吉阿旺雲登都納爾等並韃兵二千人阿爾布工布人爲拉藏汗噶隆以守工布功封貝子轄工布以東兵馬隆布奈本藏人爲拉藏汗噶隆扎爾奈本藏人爲達賴倉諸巴以同至木魯烏蘇嚮導官兵功封隆布奈爲公轄藏東北兵馬封扎爾奈爲一等台吉充噶隆理達賴事封一等扎薩克台吉

大兵進藏岳威信時以永寧協率兵爲前鋒至裏塘隔大江無舟梁未渡賊兵皆駐彼岸乃令軍中善泅者一人前飲之酒裸入水出沒江心作魚游達于彼岸立須臾復回賊兵遙望皆驚謂天兵不懼火水爭詣軍門降大具舟楫渡兵前進大兵定爐都統欲俟大將軍令緩期進征岳公謂機不可失乃先引兵徑過中渡出不意至裏塘以禍福曉賊營官令降未聽語以市茶通貢之便翌日取山中樹葉如茶者數包來曰西土自有茶無藉于內也賊有黑喇嘛者伏兵喇嘛寺後將襲我岳公察營官意游移乃大陳奇異錦幣于帳前示以犒賚營官顧視色動潛約投順期官兵夜至黑喇嘛遁進巴塘有包喇嘛者掌寺事會營官結翁布

以戶口冊降官兵遂進至昌都

黑喇嘛住牧拉里車零之變助逆僞稱河州喇嘛為賊嚮導陰遣番人邀截軍糧官兵至拉

計擒伏誅

車零敦布多分遣宰生

紹按宰生夷官名宰生即宰桑

駐藏中要隘大兵過巴塘遣步卒高雄往察木多偵

探雄善夷語乃作番人乞丐者至察木多達于營官所乘閒語之營官驚乃謀擒獻宰生時

宰生衆數十人居黑帳房雄令營官大饗之既醉分送番女子帳中度已酣臥率兵往殲數

十人擒宰生送于營大兵次第前進雄以功加副將銜川兵至拉里時將軍噶以先奉王大

將軍約

紹按將軍噶即征西將軍噶爾丹

俟西寧兵到工布會同進藏欲駐兵以待威信曰兵貴神速遷移

時日彼中有備事難濟矣乃長驅而進賊兵倉皇無措遂敗雍正元年羅卜藏丹津敗于西

海撫遠大將軍年羹堯慮乘閒至藏分遣松潘鎮周瑛率蜀兵二千于夏五月由打箭爐出

口招撫霍耳甘孜各部番夷以達于藏雲南提督郝玉麟率雲貴官兵一千駐察木多為援

次年秋八月探報賊逃入境周鎮以精騎由楊八景

紹按楊八景一作羊八井

追捕至噶爾藏無獲而回

雍正八年準酋侵擾巴爾康爾之卡崙

紹按卡崙

命駐藏學士僧領漢兵一千五百

紹按學士

僧格始命駐藏

唐古忒土兵一千出防騰格扎打木地復于魚樹白兔河奔卡立嗎兒納客

產生根物角四處分撥官兵防探至秋月雪盛而回雍正九年陞蒙古學士僧都統仍統兵出防既聞準酋兵退乃回

藏人重工布族而輕後藏康吉肅以後藏人主藏事又以微賤驟貴隆布奈阿爾布扎爾奈

羣嫉之乃與佛公佛兄謀于雍正五年襲殺康吉肅事聞命內閣學士僧格副都統馬臘洮

岷協顏親如先往安撫一作按顏親如次年夏四月命都察院查郎阿為將軍紹按都察院下

字四護軍統領邁祿西寧鎮周開捷副之率領滿漢官兵八千四百由西寧變儀衛散秩大臣

周瑛率化林協副將楊大力等一作按大力官兵四千由霍耳甘孜雲南鶴麗鎮南天祥率副

將姚起龍等官兵四千由昌都分路進勦軍容甚盛先是貝子頗羅奈與康吉肅同以卓義

事拉藏汗又俱後藏人相契合乃先率其屬後藏番達兵二千至藏擒阿爾布等大軍至獻

俘訊叛逆狀伏誅敘功加封頗羅奈貝子總管藏事九年封貝勒乾隆五年又加封郡王給

王印弟諾引碩和齊於雍正十二年封台吉長子朱爾瑪徹敦紹按朱爾瑪徹敦即於雍正

八年封台吉九年封輔國公次子朱爾墨特那木扎爾於雍正十二年封台吉頗羅奈既復

康吉肅之仇受封遂以女妻康吉肅子那木札爾色不膝雍正八年封台吉病瘵沒復以康

吉肅姪班第達填房紹按去康字不亦邀封公爵即所稱小公也

頗羅奈長子朱爾媽徹敦練習世故頗羅奈愛其少子朱爾墨特那木扎爾請令襲替而令其長子守防阿里噶爾安地稱阿里公朱爾墨特那木扎爾既襲封狂悖無狀先命副都統紀山駐藏那木扎爾即請撤駐藏官兵五百名允之乾隆十四年冬誣其兄徹敦策布登將叛率兵襲之徹敦自刎共劫其珍寶婦女掘其室爲汗池形勢倉皇乃命都統傅清前往安撫十五年春復命左都御史拉布往代紀山回京那木扎爾狂悖日甚漸謀不軌傅清拉布請相機剪除上以大臣孤懸夷地宜慎重命青海都統班第往藏會商已而十月間那木扎爾潛調兵圖大舉時二月出巡九月方回即以伊子娶婦離藏而居傅清拉布乃托以有旨令回開讀那木扎爾於十月十二日到藏十三日黎明赴公所入門見官兵尙臥不爲備率侍從數人上樓見大臣手遞哈達都統傅清令跪聽旨即取衣內刃刺之未中扎爾驚逸拉布拔刀傷其左臂未誅死侍者舉木椹急擊之碎其首斃乃宣言扎爾謀叛伏誅令小公主藏事扎爾之卓義曰羅布藏大使紹按及主事策塔爾參將黃元龍俱死之主事齊成自刎糧務通司崗官兵倉卒未備傅清拉布及主事策塔爾參將黃元龍俱死之主事齊成自刎糧務通判受傷俱未死時小公班第達聞變避難于達賴所達賴師徒亦惶懼閉門顧扎爾素失民心羅布藏大使雖以威劫番衆未心服有千餘人投布達拉乞班第達爲主班第達率以

攻逆黨羅布藏大使奔逸兵潰達賴遂令班第達主藏事於灰燼中檢傅拉二公及諸人遺

骨盛歛如禮官兵安堵達賴以事聞威信公岳珠先領兵三百名赴爐爲聲援而與果毅公

策初請出兵往藏定難上命提督二臣領兵八千前進提臣先行督臣次之建昌鎮董芳爲

後援陝督尹繼善赴川籌畫糧餉既聞班第達已擒首惡乃命督臣率兵五百名偕侍郎兆

惠與先命駐藏之都統班第侍郎那木那扎籌辦善後提臣回爐駐劄而都統班第自西寧先

期到藏誅戮首惡策楞兆惠那木那扎會同議定善後十四條皆仍舊制設噶隆四人受成于

達賴而不復立郡王惡其事也傅拉以死事贈三等伯賜葬立祠歲祀蔭子餘死事者皆得

卹典是役也班第達以康吉肅之裔頗羅奈之壻素得民心因達賴上請將襲王爵而上以

其不能趨救大臣降旨責之但令以公管噶隆事聖明神武威行萬里矣

朱爾墨特有所信呼圖兔居藏後古寺知未來事墨特以欽差召將進藏過寺問以吉凶不

應固問答以且過十月再言蓋知墨特將死也墨特復問以前生笑曰青狼也墨特怒遣人

殺之以頸引刃曰命盡矣

朱爾墨特貪淫刻酷出自性成聽邪僧言剝人皮衣之以拜星斗謂不畏刀兵也而卒死于

兵頭目規諫卽割其唇女子美者劫之無寵卽幽錮自春出游逾三時不返供帳甚盛重幃

疊模皆西洋奇異氈氍

前郡王康吉鼎死于陳略

紹按達賴
篤作陳果

即達賴之兄也頗羅奈與兵報仇以功封郡于頗羅

奈恭順禮事達賴無少隙至墨特襲職藉稱世仇與達賴修隙卒有後日之禍

西藏向無特駐大臣自雍正五年康吉鼎之變吏部尙書查郎阿率西寧鎮周開捷以兵五千護送達賴至裏塘留重慶鎮任國榮以兵一千駐裏防守並令學士僧格副都統馬臘散秩大臣周瑛副將馬紀師率秦蜀兵二千鎮撫藏地雲南提督張耀祖副將姚起龍率滇兵一千駐察木多爲援是歲周瑛被議回京遣西寧鎮包進忠赴藏代雍正九年包鎮病歿陞學士僧格爲蒙古都統統兵六月命護軍統領清保紹按一作青保大理寺卿苗壽加總兵銜率泰寧協楊大立等官兵一千五百赴代其駐察之滇兵亦俱代十年春陞清保爲蒙古都統統兵出防是歲命副都統李柱西寧鎮周起鳳率督協張可才等官兵一千赴代李柱以病歿于甲工又命副都統馬紀師赴藏雍正十一年世廟軫念兵艱命于扎溪地方建城留兵五百名沿塘設臺站官兵一千名其餘大臣官兵悉撤十二年又命都統清保正卿苗壽大臣阿爾珣副都統那蘇赴藏清苗隨以事被議阿爾珣以疾故五月議撤駐察滇兵一千名即于川省塘兵五千內派四百名以都司率領駐察嗣後駐藏大臣及官兵俱三年一易紀諱

山索諱柱傳諱清拉諱布敦皆以都統前往鎮撫乾隆十年議撤各塘兵一千名祇留駐藏兵五百旋以瞻對縱賊劫掠乾隆十一年進剿事竣仍復設臺站乾隆十四年夏命原任川撫紀山以都統銜赴藏代拉布敦時郡王頗羅奈歿次子朱爾墨特那木扎爾襲爵紀允其請奏撤藏兵僅留五十名既墨特認其兄徹敦構兵仍命傅拉先後往代紀乾隆十五年紀回京冬十月朱爾墨特謀叛傅拉大人死事命工部侍郎那諱木扎爾及青海都統班諱第往代復設駐兵五百以副參將統之乾隆十七年三月命副都統多爾代班爾木扎五月侍郎那爾以病命副都統舒春往代十八年三月命侍郎兆惠赴藏防範準夷十月回

右事蹟

雍正四年十月雲南提督郝玉麟四川提督周瑛俱自西藏至巴塘會勘川滇疆界次年三月副都統鄂齊內閣學士班第提督周瑛復往察木巴塘一帶定議給達賴地以巴塘邦木卡之寧靜山頂立界內屬巴塘外隸西藏

自爐至藏計程五千四百三十五里設臺站官兵一千餘員名分六十一塘駐游擊一員於察木多為統領分設守備千把於乍丫及各隘口日中渡日裏塘日巴塘日乍丫日察木多日碩板多日拉裏日江達設糧務文員五日裏塘日巴塘日察木多日拉裏日西藏

一應徭役由明正裏巴三土司按界接應過巴塘至藍墩則西藏磔巴接應察木多乍丫各
有專管之呼圖兔令其倉諸巴接應察木多自洛隆宗以西俱屬西藏接應

向於乍丫設糧務乾隆十三年復設臺站改設於拉里移駐守備于乍丫

糧務向委佐雜乾隆十五年督院果毅公策^初定議選委丞倅以昭慎重

西藏疆圍東至巴塘南至工布交貉猶酋部界西至甲噶交納達酋部界北至白兔旱海交

西寧界東南交雲南界東北至生根物角交準噶爾界計東至巴塘五十日南至工布貉猶

三十五日西至甲噶九十日北至生根物角四十日

東方之山曰祿馬嶺山綿亘百里過山至工布江達北通準酋設隘為藏內咽喉要地曰濯

拉山漢名瓦子山以頑石重疊如瓦也亘五十里曰拉里山亘五十里下山至拉里接魚樹

番界乃青海要路曰魯工拉山綿亘百里下山至說板多及洛隆宗皆北通青海曰瓦合一

柱拉山四峯攢接綿長一百六十里愁雲瘴霧鳥獸藏跡康熙五十九年滇兵二百名至此

夜陷於雪曰裹角大山紹按裹角西藏圖考卷五裹角塘兵六名一作裹脚又按裹角大山故

西藏三界之中最為重地兩山環抱左右有大木橋東綿亘六十里下山至察木都計二日乃

川滇藏三交界所為最重地曰昂地山陡險百里曰大朔山崎嶇一百二十里東距巴塘曰

可或貴司

疆域

六

禹貢學會

立登三墳山長五十里曰納凹奔松山崎嶇六十里東距裏塘曰撥浪公山綿長九十里東距中渡曰高日寺山曰折多山平衍各五六十里東距打箭鑪以上諸山皆四時積雪烟瘴甚重

東方之川曰機處河卽藏江也設皮木各船以濟曰工布江達河有橋曰拉里河在拉里東有橋夏秋水漲湍急難渡曰假夷三巴河在洛隆宗東有橋曰拉工河曰古拉立三墳河俱在察木多西有橋曰拉克楮河漢名曰昌都河二水環抱匯流東曰昌西曰都各設木橋入滇爲瀾滄江曰金沙江于竹巴籠過渡入寧遠府邊滇之南會於金沙江

南方之山曰鍋噶拉山綿衍百里曰宋噶拉山崎嶇八十里曰扎拉山綿衍五十里

南方之川曰春結河卽藏江南流處也會後藏河由赤書羅卡七古洛出羅地入於南海曰怒江洶湧不可以渡

西方之山曰阿里山綿亘八百餘里積雪嚴寒人不可行曰甘不拉山卽西崑崙山綿亘九十里曰鍋噶拉山綿衍七十里曰墨雨拉山綿亘百里

西方之川曰業黨楮河有鐵索以渡曰藏布河曰洋木六海卽旱海也自扎什倫布至阿里入夏皆積水沒草

北方之山曰喇根山綿長五十里曰克里野山綿衍千里積雪迷天飛砂走地冬夏俱不可行

北方之川曰彭多河有鐵索橋曰哈喇烏蘇設皮船以渡曰阿克打木河曰吞良老兒河卽所謂天池也

番俗呼山爲喇河爲楮水爲烏蘇

西藏并鬼分野東南隣滇蜀東北隣河湟蓋雍梁西界也黑水發源於藏北一千餘里接西寧府境由滇省之緬甸入於南海乃在雍梁極西故禹貢以定疆域若以甘省張掖郡之黑水爲雍界則張掖西南尙多雍地以蜀省茂州疊溪之黑水爲梁界則茂州西南尙多梁地況不入於南海或以金沙江爲黑水紕謬更甚余渡金沙屢矣碧色澄空更無纖翳不可爲黑黑水者哈喇烏蘇也

金沙江之大源有二一自西藏東北二千五百里惡洛木拜圖流出番名木魯烏蘇烏蘇譯言水也至巴塘爲色楮河又合巴冲楮河及裏塘之色隆達河喇梯楮河入雲南麗江府爲麗江至永北府會打冲河東流經武定府至四川敘州府入於岷江一自裏塘西北四千里青海之娘錯流出名雅龍江經霍耳咱林慈德爾格甘孜瞻對各部合裏塘裏楮河由明正

司之渣填至寧遠府會鹽營之木哩喇嘛境以達雲南中甸入寧番三渡水會于麗江

雅龍江有上中下三渡上渡在噶喇住索土百戶境由明正以通贍對設牛皮船中渡在啞山卡土百戶境由明正以達裏塘爲通衢設木船三一年總補三年大修委弁司其事下渡在木了境由明正以達木哩無船番人囊羊皮抱之浮而渡按宋王延平使高昌還云臨黃河以羊皮爲囊吹氣實之浮於水而渡則知羊皮久已渡人矣

木魯烏蘇哈喇烏蘇兩口俱屬西藏要隘設兵防守

哈喇譯音黑也烏蘇譯音水也係黑水口在藏東北一千四百餘里逆流三百餘里有花海子山番名哈拉腦兒其北與秦之西寧蜀之松潘相接花海子山者四面青石攢簇如湖中環小海其流甚黑楊守備秀曾歷其地且云騎以渡水不及馬腹迫視之深如不測因其黑也東南流入察木多界又東南流經工布入怒夷界爲怒江入滇省大唐隘口爲潞江南流經永昌府潞江安撫司境經緬國以入于海怒夷即貉獮國也

過哈喇烏蘇西行二日爲通天河乃通準酋要道雍正年間撥兵駐防渡以牛皮船水淺時亦可乘馬

岳威信言後藏西南四千餘里有國曰康吉地最高中有山曰枯爾坤山譯言崑崙也天生

石如城有四洞各流一水南流者不知何往東流者由藏入滇南至于海西流者伏流四千餘里出於西寧之外沮洳渙散不可勝數蒙古名敖敦他拉番名蘇羅木又名且克腦兒譯音星宿海也且克腦兒至鎖里麻九十里漢名曰黃河沿沿河有歸德堡積石關自此以至西寧計二千五百餘里又自松潘黃勝關出口四百六十里三龍溪頭分路西至途神兔過黃河即鎖里麻之下流也自龍溪頭由獨磊蟲庫以東則爲岷江發源之所地曰巴顏哈拉嶺七七勒哈納番名岷捏撮漢書所謂岷山在西徼外者也故曰江源與河源最近按漢書西域傳云河水一源出蔥嶺一源出于闐東注蒲昌海皆以潛流南出積石爲中國河夫崑崙載在于闐傳中則所謂康吉國者卽于闐張騫探河源處也

何協戎啓賢爲余言少時隨征青海過星宿海散渙沮洳如小潭者百餘驟視甚淺近之則沒馬腹日初出紅光相迫燦如列星

崑崙山高峻異常氣甚寒慄寅卯日出時星辰尙見于西申酉日入時星辰已見于東山下沙皆五色日照閃爍有光

江河水源皆出于西寧之西西藏之東松爐之南爲苦苦腦兒部落

瀾滄江之源有二一曰昂楮河在察木多左源出中壩一曰離楮河在察木多右源出九如

一紹按九如一作九如 二水至察木之南合流入滇爲瀾滄江又南流至車里宣撫司名九龍江經緬國以至於海其西卽黑水也

乍丫卑倉楮河源自官角經洛隆地合勒楮樂楮兩河至乍丫又色楮河源自上納奪經江卡兒等處西南流同入察木多河洛隆宗之峽隆喜楮河源出噶喇山東流經德貢喇山合偶楮河偶楮源出噶爾藏胡义海子經納克樹至擦哇岡合于察木之昂楮河碩般多之柱馬郎錯河源自噶喇漫山經紫安曲尺北入偶楮河又胃楮河源發吾抵喇山至碩般多合于柱馬郎錯河達隆宗之葉楮河源自魯工喇山經工多又至哈南多合俄楮河俄楮源自沙工喇山之義錯嶺經郎吉工同葉楮入洛隆宗之偶楮河又撒楮河源自朔嗎喇山經索馬郎東南流入偶楮河又邊楮河源自達隆大山合胃楮河入偶楮以上諸河俱瀾滄之源也

滇境之龍川江源出察木多之春多嶺至漢龍關經緬國南入于海

檳榔江源出阿里斯之岡底斯經工布至雲南古粵州出鐵壁關入緬國

藏江之源有三一出自三壩至勢家鎮寺歷湯家古索一出自剛喇山經竹貢寺歷噶定合三壩水一出自祿馬嶺經烏蘇過仁進里合三壩爲匯經大則得慶以達于藏東南流合衆

水至厄納忒克國合岡噶母倫江南入于海按岡噶母倫江即恆河也源出天竺

金沙江在東南大幹之內東入于海瀾滄諸水俱在東南大幹之外南入于海

麗江水湧沙流時有金屑故曰金沙江亦稱金生麗水

一秦賈言有戍卒於西崑崙山得碧石徑尺爲識玉者所市剖之得玉夏書曰崑岡玉石未識是此山否按漢書載于闐國有阿耨達山河源出焉阿耨達譯音崑崙山也有玉河國人夜視月光盛處必得美玉宋史建隆二年十二月于闐遣使貢圭一以玉爲柙使者言國城東有白玉河西有綠玉河次西有烏玉河源出崑崙山去國城西千三百里每年秋水小之候國人取玉于河謂之撈玉杜少陵詩亦云勃律天西采玉河昆吾碧盃最來多則玉乃生于崑崙之水矣

自墨竹工卡而下百源匯積成江逆流繞藏之南而西以入于海萬山朝拱是處有泉上湧靈秀所鍾故爲佛土

西藏以海子名者最多蓋萬山叢疊溪流最少故泉水融瀦爲海或在山頂或在山腰與足小則里許大至數百里又有平地水草中暗蓄水者土人稱爲拉抗實卽旱海也廣或數十百里誤入其中即泥淖沒至馬腹兵行最宜慎擇誌乘所稱日落星見及歷夏秋冬三季不

見北斗詢之藏中人俱云無之惟地形高仰觀北斗即在頂上綠松石蔥翠可玩然不產于藏誌云在水中者亦誤

自爐由霍耳德格草地至察木多計三十九站共程一千七百四十里

自察由類五齊草地至藏由黑竹工卡合路計二十九站共程一千九百三十里

自藏由木魯烏蘇至西寧計六十八站共計程三千七百餘里

自藏出防騰格那爾計十站共四百一十里

自藏出防餘樹卡崙計三十八站共二千三百一十里

自藏出防拉克產卡崙計二十站共七百五十里

又自拉克產至特布陀洛海計十四日約程五百里甚寒設番戍

又自特布陀洛海至拉克擦行七日約程三百里安兵

又自拉克擦至庫克擦離拉克擦行十三日約程五百餘里設番戍

又庫克擦至拉克欽行八日約四百餘里此地柴草水俱無

自藏出防崩卡兒立嗎兒計二十六日約程一千五百一十里

自藏出防生根物角卡崙計二十一日共一千五百里有餘

自藏由楊八景至噶爾藏胡又二千零三十里

自藏由江孜至後藏扎什倫布十四日計八百六十里

又由咱黨小路計十二日程八百四十里

自藏至布魯克巴地名扎什曲宗計十七站程一千零四十里係諾彥林欽三部落住牧又

由扎什曲宗二日至崩帑地熱產稻穀豆麥菽黍稷各瓜菓蔬菜鵝鴨犬豕

自松潘至西藏中途至骨路半所利罵交西寧進藏大路曰枯枯賽計二十四日程一千五

百九十里

自松潘至舊洮州十四日程九百三十里又由獨磊蟲庫至西寧十七日程一千零七十里

又由獨磊蟲庫熱黨西北至河州七日程四百八十里又由獨磊蟲庫之八哈海牛圖北至

西海七日程五百三十里西海至西寧二百一十里

右疆域

達賴喇嘛者烏斯藏最尊之法王也元世祖尊彼地番僧八思巴為大寶法王

錫玉印既沒賜號皇天之下一人之上宣文輔治大聖至德普覺真智佐國如意大寶

法王西天佛子大元帝師自是其徒嗣者咸稱帝師明洪武初太祖懲唐世吐蕃之亂思制

御之方惟因其俗尙用僧徒化導爲善乃遣使廣行招諭又遣陝西行省員外郎許允德使

其地令舉元故官赴京授職於是烏蘇斯藏攝帝師喃加巴藏卜紹按喃加巴藏卜一先遣

使朝貢五年十二月至京帝喜賜紅綺禪衣及鞵帽錢物明年二月躬自入朝上所舉故官

六十人帝悉授以職改攝帝師爲熾盛佛寶國師仍錫玉印及綵幣表裏各二十玉人製印

成帝眎玉未美令更製其崇敬如此暨辭還命河州衛遣官齎敕偕行招諭諸番之未附者

冬元帝師之後鎖南堅巴藏卜元國公哥列思監藏巴藏卜並遣使乞玉印廷臣言已嘗給

賜不宜復予乃以文綺賜之七年夏佛寶國師遣其徒來貢秋元帝師八思巴之後公哥監

藏巴藏卜及烏斯藏僧答力麻八刺遣使來朝請封號詔授帝師後人爲圓智妙覺弘教大

國師烏斯藏僧爲灌頂國師並賜玉印佛寶國師復遣其使來貢上所舉土官五十八人亦

皆授職九年答力麻八刺遣使來貢十一年復貢奏舉故官十六人爲宣慰招討等官亦皆

報允十四年復貢其時喃加巴藏卜已卒有僧哈立麻者國人以其有道術稱之爲尙師成

祖爲燕王時知其名永樂元年命司禮少監侯顯僧智光齎書幣往徵其僧先遣人來貢而

躬隨使者入朝四年冬將至命駙馬都尉沐昕往迎之旣至帝延見於奉天殿明日宴華蓋

殿賜黃金百白金千寶鈔二萬綵幣四十五表裏法器褥鞍馬香果茶米諸物畢備其從

者亦有賜明年春賜儀仗銀瓜牙仗骨朶魷燈紗燈香合拂子各二手爐六繖蓋一銀交椅銀足踏銀几銀盆銀罐青圓扇紅圓扇拜褥帳幄各一幡幢四十有八鞍馬二散馬四帝將薦福於高帝后命建普度大齋於靈谷寺七日帝躬自行香於是鄉雲甘露青鳥白象之屬連日畢見帝大悅侍臣多獻賦頌事竣復賜黃金百白金千寶鈔二千綵幣表裏百二十馬九其徒灌頂圓通善慧大國師答師囉葛思等亦加優賜遂封哈立麻爲萬行具足十方最勝圓覺妙智慧善普應佑國演教如來大寶法王西天大善自在佛領天下釋教賜印誥及金銀鈔綵幣織金珠袈裟金銀器鞍馬命其徒孛隆逋瓦桑兒加領眞爲灌頂圓修淨慧大國師高日瓦禪伯爲灌頂通悟弘濟大國師果樂羅葛羅監藏巴里藏卜爲灌頂弘智淨戒大國師並賜印誥銀鈔綵幣已命哈立麻赴五臺山建大齋再爲高帝后薦福賜予優厚六年四月辭歸復賜金幣佛像命中官護行自是迄正統末入貢者八已法王卒久不奉貢弘治八年王葛哩麻巴始遣使來貢十二年兩貢禮官以一歲再貢非制請裁其賜賚從之正德元年來貢十年復來貢時帝惑近習言謂烏斯藏僧有能知三生者國人稱之爲活佛欣然欲見之考永宣閒陳誠侯顯入番故事命中官劉允乘傳往迎閣臣梁儲等言西番之教邪妄不經我祖宗朝雖常遣使蓋因天下初定藉以化導愚頑鎮撫荒服非信其教而崇奉

之也承平之後累朝列聖止因來朝而賞賚之未嘗輕辱命使遠涉其地今忽遣近侍往送
 幢幡朝野聞之莫不駭愕而允奏乞鹽引至數萬動撥馬船至百艘又許其便宜處置錢物
 勢必攜帶私鹽騷擾郵傳爲官民患今蜀中大盜初平瘡痍未起在官已無餘積必至苛歛
 軍民挺而走險盜將復發況自天全六番出境涉數萬之程歷數歲之久道途絕無郵置人
 馬安從供頓脫中途遇寇何以禦之虧中國之體納外番之侮無一可者所齎敕書臣等不
 敢撰擬帝不聽禮部尙書毛紀六科給事中葉相十三道御史周倫等並切諫亦不聽允行
 以珠琲爲幡幢黃金爲供具賜其僧金印犒賞以鉅萬計內庫黃金爲之罄盡敕允往返以
 十年爲期所攜茶鹽以數十萬計允至臨清漕艘爲之阻滯入峽江舟大難進易以構艫相
 連二百餘里及抵成都日支官廩百石蔬菜銀百兩錦官驛不足取傍近數十驛供之治入
 番器物估直二十萬守臣力爭減至十三萬工人雜造夜以繼日居歲餘始率將校十人士
 千人以行越兩月入地其所謂活佛者恐中國誘害之匿不出見將士怒欲脇以威番人夜
 襲之奪寶貨器械以去將校死者二人卒數百人傷者半之允乘善馬疾走僅免返成都戒
 部下弗言而以空函馳奏至則武宗已崩世宗召允還下吏治罪嘉靖中法王猶數入貢迄
 神宗朝不絕時有僧鎖南姜錯者能知已往未來事稱活佛順義王俺答亦崇信之萬曆七

年以迎活佛爲名西侵瓦剌爲所敗此僧戒以好殺勸之東還俺答亦勸此僧通中國乃自
甘州遺書張居正自稱釋迦摩尼比丘通貢饋以儀物居正不敢受聞之於帝帝命受之而
許其貢由是中國亦知有活佛此僧有異術能服人諸番莫不從其教即大寶法王及闡化
諸王亦皆俯首稱弟子自是西方止知奉此僧諸番王徒擁虛位不復能施其號令矣

紹按以上

均見明史

自鎖南姜錯後曰朔納木姜錯曰雲敦姜錯曰阿旺羅藏姜錯曰羅進仁姜錯遞傳至

今喇嘛曰甲凹革桑姜錯則番漢所稱第六輩達賴也其名皆載于敕第三輩達賴于明末
時知東土有聖人出遣其徒由西域達於遼東通貢其徒慮不能識諭之曰汝至自識真主
遂於太宗文皇帝崇德七年至盛京見我文皇帝稽首傳命且曰西番以東皆將投順文皇
帝賜賚之遺還迨世祖章皇帝平一海內憶其言遣官迎至京建大寺居之賜賚甚厚無何
乞回乃復備禮儀遣官送之至裏塘留居裏寺年餘忽謂僧衆曰十月二十五日夕我將回
藏沿途爲我燃燈至期圓寂至今西土數千里于十月二十五夜燃燈於礪成故事如內地
元夕第五輩達賴戒律未純不見禮於藏汗廷議召赴京行至西寧病歿於康熙四十八年
轉生裏塘卽今第六輩也裏塘大寺南有水草處番民之撥浪工者設黑帳房居之撥浪工
乞者名也六輩寔生於乞者家三日解趺坐合掌作禮佛形口喃喃如有所誦月餘能言由

是人天踴躍奉爲佛其父母命名曰噶爾藏嘉暮番人稱曰甲凹革桑姜錯西海諸部稱曰虎必爾汗時拉藏汗在藏立假達賴以誘附諸番聞之惡離衆心遣兵謀襲之而西海諸部求援於準酋合兵與爭裏人先奉虎必爾汗避於德格土司西海諸部遂迎居於西寧之塔兒寺年二歲矣事聞命虎必爾汗坐床而準酋已襲藏地乃發大兵逐準酋給虎必爾汗達賴喇嘛管轄藏衆五十九年夏四月大兵自塔兒寺護送達賴進征賊夷遠遁秋九月十五日於藏之布達拉坐床封成教度生喇嘛管轄藏衆雍正元年西海羅卜藏丹津爲官兵擊走慮其乘閒犯藏命將出兵往護復封爲佛給金冊金寶印曰西天自在佛總理天下釋教普通日赤拉坦喇達賴喇嘛雍正五年貝子阿爾布巴及公隆布奈台吉札爾奈三人襲殺貝勒康吉肅達賴之父曰佛公兄曰陳累者實預其謀已台吉頗羅奈自後藏率領番兵擒賊獻俘乃置佛公於藏後山中戍陳累於打箭爐而議移駐達賴於裏塘以杜釁端冬十一月吏部尙書查郎阿西寧鎮周開捷率官兵五千護送至裏晉重慶鎮任領兵一千護衛雍正八年準酋兵擾西邊復出兵防守西藏各路而於打箭爐西北噶達地方設協建寺移駐達賴名城曰泰寧廟曰惠遠雍正十三年準酋畏罪輸誠我世宗憲皇帝軫念生靈勞苦允所請定界班師以達賴久離藏地番夷思喇嘛冊印康熙皇十七弟果親王親至泰寧賜宴

別遣副都統福壽率副將張聖學等官兵五千名及自京來之章嘉呼圖兔於夏四月自泰寧護送達賴起行七月十二日抵藏十八日上布達拉坐床

班禪喇嘛主後藏番人傳謂金剛化身第一世名桑吉年地楞柱至第十二世曰羅藏楮吉堅贈同三輩達賴喇嘛入覲受世祖章皇帝封今之班禪乃謂十四世名直俊桑益喜居後藏扎什倫布之仍仲寧翁結巴寺番衆尊信與達賴同

察木多叭吧喇嘛生於康熙乙未相傳轉生十三世康熙五十八年大兵進藏投順受封給以正呼圖兔印文曰闡講黃教額爾德尼那門汗居大寺別有副呼圖兔住邊垣之西甲喇大寺乾隆十六年叭吧遣人以金盃藏香進貢

乍丫昔屬達賴所轄偶一山崩中露文殊石像宛同雕塑夷人請于達賴分大喇嘛坐床彼地允之遂設呼圖兔掌教康熙五十八年大兵進藏投順封職給正呼圖兔印曰闡講黃教那門汗居大寺別有副者居卡撒頂寺

類伍齊在察木多西北由草地進藏之路築土爲城周二百丈內大寺係紅帽呼圖兔所居原隸西藏康熙五十八年大兵進藏僧俗投誠雍正元年給呼圖兔印文曰協理黃教那門

汗

達賴喇嘛之駐噶達也西藏別以呼圖兔一人代之每升床講經頭目眩暈見大黑人捧之因移榻于旁而安

達賴印文刊清漢蒙古西夷四體字其他呼圖兔那門汗印文刊清文蒙古西夷三體字

達賴行止處皆以上等錦緞席地其坐床疊錦至三尺旁綴珠璣赴各寺講經僧俗萬人焚香迎道左所乘馬衣以文繡珊瑚瑇瑁火齊瑟瑟連綴相屬

歲正月達賴下山講經藏中番衆數萬畢集瞻仰禮拜以望見顏色爲不虛生傾家所有陳設供獻不敢毫髮惜所乘馬遺矢道上爭拾之稽首叩謝捧于頂和藥食之

達賴送人藥丸大如黍米或赤或黃約數十顆盛于淨瓶邀僧誦經其藥卽滿貯瓶中可得數萬名子母藥可療疾額勒聿羅地方有那門汗乃達賴受經師也離藏五百里山水清遠殊勝于藏其樹木蒼翳云係佛髮所生有樹八最大葉可療疾

大詔寺有翠柏一枝葉細如髮撚之香氣馥郁云前輩達賴落胎髮處

達賴班禪展轉托生主教以少長遞爲師弟達賴于康熙五十七年生計至乾隆癸酉年爲三十六歲班禪十六歲以達賴爲師閒歲赴藏學經

達賴班禪終日坐床不出一語而僧俗敬畏如天如帝顧其飲食皆老喇嘛主之日啖炒麵

酥油少許牛肉則貯久至臭腐者乃與食云無火氣度食酣卽取去不令傷飽其他處大呼圖兔皆然

凡喇嘛生而不昧前生者名呼圖兔呼圖兔涅槃時預言托生某地三四年後僧衆卽持其前生玩好諸物至托生處雜以他物令識無誤卽迎于寺拜爲師或未及預言卽禱于神命人代言其地曰伐馬脚如其言訪之凡呼圖兔歿未得以寺僧高行者代理然夷僧借以愚衆取利遂有假者

西寧松潘打箭爐及滇省鶴麗兩府以外各夷僧必赴藏受達賴教乃爲真僧

呼圖兔之下曰堪布次曰高脚哇次曰羅業分主各寺其掌事者曰倉儲巴皆嗜利食葷無所爲清淨寂滅也

常令番僧譯所誦經云有三部大旨以輪迴因果勸人爲善而總歸于不昧本心但多迂誕之詞法華楞嚴深微奧妙必中土人所撰也

達賴教華人每以單詞約句令誦讀曰可以收心

番僧講經各序其授受淵源以爭勝負喧拳攘臂若聚訟然或羣坐于大樹下風雨不息董都閻率道爲言雍正十三年護送達賴至藏其對藏水奔流洶湧達賴以佛手遙指狂流

頓息繁廼逾時

達賴開堂坐床官吏兵民以次瞻禮俱去帽膜拜最上者跪而以首向前俟其摩頂次者以手拂拂之最次者以杖擊之下者不得至前最下者不得進其門番民有竭盡貲財重趺數千里日于門外稽首流血而未得一見者

範銅爲像小自三寸至于尺許釋迦以下諸佛菩薩各肖其形名曰藏佛相傳起于唐公主今則羣相彷彿造然古佛形制特異以不整齊見奇新佛精麗莊嚴易炫人目而無朴古之氣中土人爭相購求同藏香璫璣爲土儀相餽遺滇賈巧製新銅鍛于火瘞于土晦新爲舊轉售西藏以博重價

普陀山有三處一在浙省寧波府定海縣海中善財第二十八參觀音說法處也一在厄納忒克之正南海中山上有石天宮乃觀自在菩薩游舍爲真普陀一卽達賴坐床之布達拉也亦觀音化現之處

達賴之徒有三十萬二千五百六十分居三千一百五十寺

班禪之徒有一萬三千六百七十分居三百七十二寺

叭吧之徒約有五千餘人

詔地傳云釋迦牟尼降生之國也釋迦年十二而成佛故番人呼其地爲拉撒拉撒漢言佛地也又云此卽普陀山觀音於此參禪

番僧持摩呢口誦其文曰嘛呢邊邊吽譯以漢音卽南無阿彌陀也

元會運世之數以三十年爲一世十二世爲一運三十運爲一會會有一萬八百年摩呢百八之數視此而定持珠以誦十二時卽十二會爲一元也

觀音乃西域一國王女不嫁而參禪得道

達賴班禪叭吧皆蒙古音譯以西番語則達賴曰固呼林木車班禪曰出成林木車叭吧曰叭木牙凡言車者皆最大之詞

僧教以黃紅帽爲別黃帽者真心修行如中土之禪僧也紅帽者娶妻生子而後獨居于寺爲人誦經取利如中土之應付僧也達賴班禪叭吧皆主持黃教故黃教最尊然紅教之言曰若不娶妻則人無種又有黑帽者如中土道士皆有呼圖兔主之而徒衆甚少

拔姆宮女呼圖兔居之

紹按衛藏圖識多爾吉拔姆宮在羊卓白地海中山上寺極宏麗有瀛洲蓬島之勝寺中乃女胡圖克圖多爾吉拔姆所居云北斗之

精化生普磔巴三節亂藏時化 卽中土尼僧也或云斗精所化拉藏汗亂藏時化豕而遁番人呼豕爲拔故有是名殊誕妄

垂仲者服喇嘛服娶妻飲酒居于藏東有殿曰垂仲月初二十六爲降神之會頂盛上樹雞羽披甲背簇小旂五身前後披哈達虎皮靴執弓刀登座有問以禍福托神言剖之出則徒衆羣作鬼裝執旗護從蓋中土之師巫也亦有女婦爲之

色拉寺在拉撒北十里層樓飛閣參差以數百計僧衆四五千人呼圖兔統之有花園設座達賴每歲登座設法內有降魔杵長不二尺下三稜如錮上形如人頭三傳云建廟時自西天飛來者番人羣謂韋馱所捧杵尊禮之每歲走馬戲畢卽自寺迎杵至布達拉禮拜而回謂之轉詔

二月三十日布達拉懸掛大佛以五色錦聯合而長三十丈自第五層樓下垂至地

大詔寺番名老木廊在拉撒內以殿名者五樓高四層門戶罽毼皆銅範飾以金輝煌奪目珍寶畢聚于內樓頂東南隅有百喇末殿神名百喇末番俗皆謂唐公主成神殊敬畏內有古時軍器劍七尺鳥鎗九尺或一丈皆長大殊倫殿中塑覺釋迦牟尼佛左廊塑唐公主及替普闍氏殿廡唐三藏師徒像外有明內侍楊英立碑

小詔寺番名喇木契在大詔北金殿一樓高三層殿內佛像名明珠多言

紹按圖
作珠多言

或云係

覺釋迦牟尼之弟甫八齡成佛或云係唐公主有額曰點寂能仁

木鹿寺在大詔北樓高四層西番僧習經所寺西有經園刊各種經頌行在紹按圖木鹿寺東南向

經堂佛像寶器俱整齊為西番各僧習經之所寺西有經園刊布三乘經文

菊崗寺與木鹿寺毗連樓高三層蒙古僧學經所

布達拉山秀巒平地高二里形如石筍依山布勢疊成樓殿高一十三層有金頂殿三金塔

五飛梁畫棟巧奪天工西洋人建造也達賴坐床之所歷代珍寶盈集殿西有第三輩達賴

手跡印于酥餅上久而不滅

布達拉寺頂鷗吻流水與血則主兵革準噶爾之變吻流血旬日朱爾墨特之變吻流水數

日藏人以此占吉凶

玉奪三巴橋左布達拉東橋亭墨綠琉璃瓦漢人稱琉璃橋建于唐時

召拉筆洞山寺紹按圖識招拉筆洞建樓房二係有行喇嘛靜修處中建一塔舉巒蔚秀梵宇清幽蓋西方勝境也在布達拉西南平地突起

石山建寺于山顛其南藏江曲流縈繞如帶漢人稱為磨盤山肖其形也寺僧皆習醫

祿康插木在布達拉山後一池廣可四里水中築臺建八角琉璃亭高四層曲欄朱戶參差

掩映乃五輩達賴守靜所又名水閣涼亭設船通渡

宗角在布達拉北二里廣植花木為名園達賴講經之所其姊氏居于後室雍正十一年病

歿

卡契園在布達拉西五里纏頭回民禮拜所于湖波柳影中遠起樓殿傍有魚池園亭雕欄畫棟參差掩映春夏之交花木芳菲

疏日崗在布達拉西七里茂林喬木繞以薜蘿為達賴往來停驂所稱為經園

別蚌寺在拉撒西二十里依山起樓百閒環以牆殿以金名者三有達賴避暑園歲至此講經一次乃漢人蒙古並楊魯土司布爾康布木各處人學經所呼圖兔掌之

仍仲寧翁結巴寺即後藏依山臨江殿閣壯麗佛像莊嚴班禪坐床所

紹按圖識作大紹南去八日即後藏乃班

禪坐床處

撒家寺仍仲寺內有撒家班陳紅帽喇嘛祖師也

多爾吉拔姆宮在羊卓白地海中東距拉撒千里飛閣層樓如同蓬島女僧居之亦有呼圖

兔

紹按與前拔姆宮重

熱正寺在拉撒東北二百里角子納山

紹按角子納山作角子納山

樓閣高出層霄山蓄珍禽異獸驟

無所見喇嘛登樓搖鈴即飛翔奔馳而集楚布寺業郎寺

紹按業郎寺識作葉耶寺

在浪子地距拉撒

西七十里紅帽呼圖兔所居

甘丹寺在拉撒東九十里形勝與布達拉同乃第三輩達賴坐床所多遺跡

寺在拉撒東五

十里甘丹山番民傳為宗卡巴成佛處或云即然燈古佛內經樓佛像瞻幡寶蓋壯麗與大小昭寺略同有闍講黃教堪布喇嘛居之

江都林寺昌都寺各有呼圖兔一曰拔把喇戈喜丹奔俄木一曰拔巴丹奔姜錯有金頂殿宏廠壯麗

桑鳶寺在拉撒南二百里內有武安像稱為革塞結波傳云唐以前鬼怪為害武安降靈除之故供奉焉寺為達賴出游講經所其傍為渣洋宗山上建多機札古寺外有山洞高二千丈以木結梯而上甚險洞內刻石作佛坐蓮花座前列石几盒盒中白土可食味如糲粳食盡次日復滿禮拜者燃火而入後有大水云惡人至此即自墜番人甚畏敬之按以上諸寺乃藏衛最大者其餘諸寺甚多不能盡述

呼圖兔有分地以居者即同彼地磔巴管理番眾取給食用其最著者曰噶爾嗎曰札撒林布氣曰三五曰阿噶紀仲曰阿里明孫曰阿噶吉仲曰三堪深布曰地母大小西天之人呼僧曰羅漢今中土所稱五百尊阿羅漢者乃彼中大寺僧數其十八尊者高僧也

初明太祖招徠番僧本藉以化愚俗弭邊患授國師大國師者不過四五人至成祖兼崇其

教封二法王及闡化等五王又授西天佛子者二灌頂大國師者九灌頂國師者十有八其他禪師僧官不可悉數封貢類仍僧徒交錯于道外擾郵傳內耗大官公私騷然帝不恤也然至者猶卽遣還及宣宗時久留京師耗費愈甚英宗初年雖多遣斥其後加封號者亦不少景泰中又封大善法王一灌頂大國師一英宗復辟反景帝之政降法王爲大國師大國師爲國師成化初憲宗復好番僧至者日衆劄巴堅參劄實巴領占竹等以秘密教得幸並封法王其次爲西天佛子其他爲大國師國師禪師者不可勝紀四方奸民投爲弟子輒得食大官歲費鉅萬廷臣屢以爲言拒不聽孝宗踐祚清汰番僧法王佛子以下皆遞降驅還本土奪其印誥由是輦下復清弘治六年帝惑近習言命取領占竹等至京言官交章諫事乃寢武宗蠱惑佞倖復取領占竹至京命爲灌頂大國師又封三國師帝好習番語引入豹房由是番僧復盛加封法王二西天佛子二已封領占班丹爲大慶法王給番僧度牒三千聽其自度或言大慶法王卽帝自號也綽吉我些兒者烏斯藏大乘法王使臣留豹房有寵封大德法王乞令其徒二人爲正副使還居本土如大乘法王例入貢且爲二人請國師誥命入番設茶禮官劉春等執不可帝不聽春等復言烏斯藏遠在西方性極頑獷雖設四王撫化而其來貢必爲節制若令齋茶以往賜之誥命彼或假上旨以誘諸番妄有所干請從

之則非法不從則生覺害不可勝言帝乃罷設茶敕而予之誥命帝時益好異教常服其服誦習其經演法內廠綽吉我些兒輩出入豹房與權倖雜處氣餒灼然及二人乘傳歸所過驛騷公私咸被其患世宗立復汰番僧法王以下悉被斥後世宗崇道教益黜浮屠自是番僧鮮至中國者

大乘法王者烏斯藏僧昆澤思巴也明成祖既封哈立麻又聞昆澤思巴有道術命中官齋璽書銀幣徵之其僧先遣人貢舍利佛像遂偕使者入朝十一年二月至京帝延見封大乘法王西天上善金剛普應大光明佛領天下釋教賜賚之厚亞于大寶法王明年辭歸賜加于前命中官護行後數入貢帝亦先後命中官齋賜法王卒其徒自相繼承不由朝命嘉靖十五年偕輔教闡教諸王來貢使者至四千餘人帝以人數踰額減其賞并治四川三司官濫送之罪初成祖封闡化等五王各有分地惟二法王以游僧不常厥居故其貢期不在三年之列然終明世奉貢不絕云明時西域入貢取道四川其從河洮州者恐他處冒濫例有禁或已至禮官奏減其賞

大慈法王名釋迦也失亦烏斯藏僧明永樂中既封二法王其徒爭欲見天子邀恩寵于是來者趾相接釋迦也失亦以十二年入朝禮亞大乘法王明年命爲灌頂洪善西天佛子大

國師賜印誥十四年辭歸賜佛經佛像法仗僧衣綺帛金銀器具御製贊詞賜之其徒益以爲榮宣德九年入朝帝留之命成國公朱勇禮部尙書胡濙持節冊封爲大慈法王西天正覺如來自在大圓通佛英宗嗣位禮官先奏汰番僧六百九十人正統元年復以爲請命大慈法王及西天佛子如故餘遣還不願者減酒饌廩餼

西天佛子者能仁寺僧智光也本山東慶雲人洪武永樂中數奉使西國成祖賜號國師仁宗加號大國師至是復加西天佛子

闡化王者烏斯藏僧也初洪武五年河州衛言烏斯藏帕木竹巴之地有僧曰章陽沙加監藏元時封國師爲番人推服今朶甘酋與管兀兒構兵若遣此僧撫諭朶甘必內附帝如其言仍封灌頂國師賜玉印綵幣明年其僧使人來貢是時方命佛寶國師招諭番人於是帕木竹巴僧等自稱輦卜闡遣使進表及方物帝厚賜之輦卜闡者其地首僧之稱也八年正月設帕木竹巴萬戶府以番酋爲之已而章陽沙加卒其徒襲封自是三年一貢成祖四年封闡化王賜螭紐玉印金綺錦茶有差十一年中官楊三保使烏斯藏命與闡教護教贊善三王及必力工瓦國師必里朶甘隴答諸衛川藏諸族俱置驛站自是道路畢通使臣往還萬里無虞寇盜矣成化十七年以長河西諸番多假番王名朝貢命給闡化等四王敕書勸

合以防奸僞定貢使一百五十人嘉靖四十三年諸王遣使入貢請封禮官循故事遣番僧二十四人爲正副使序班朱廷對監之至中途大騷擾不受約束廷對還白其狀禮官請自後封番卽以誥勅付使者齋還或下守臣擇近邊僧人齋賜封誥藏僧不遣京寺番僧自此始也番人素以入貢爲利雖屢申約束而來者日增隆慶三年再定令諸番王俱三年一貢貢使各千人半全賞半減賞全賞者遣八人赴京餘留邊上遂爲定例

贊善王者靈藏僧也其地在四川徼外視烏斯藏爲近明成祖初僧智光使其地永樂四年其僧著思巴兒監藏遣使入貢命爲灌頂國師明年加封贊善王賜金印誥命王卒以子襲護教王者名宗巴幹卽南哥巴藏卜館覺僧也明成祖初僧智光使其地永樂四年遣使入貢詔授灌頂國師賜之誥命明年遣使入謝封護教王賜金印宣德中猶入貢已而卒無嗣其爵遂絕

闡教王者必力工厄僧也明成祖初僧智光齋勅入番其國師端竹監藏遣使入貢永樂元年至京帝喜優賜之十一年加號大國師又封其僧領眞巴兒吉監藏爲闡教王賜印誥成化二十年遣番僧班著兒齋璽書勸合往賜其僧憚行至半道僞王印信番文復命詔逮治迄嘉靖時修貢不輟

輔教王者思達藏僧也其地視烏斯藏尤遠明成祖即位命僧智光持詔招諭賜以銀幣永樂十一年封其僧南渴烈思巴爲輔教王賜誥印數通貢使按其地卽今後藏也

西天阿難功德國西方番國也明太祖洪武七年王卜哈魯遣其講主必尼西來朝貢方物及解毒藥石詔賜文綺禪衣及布帛諸物後不復至

尼八刺國在諸藏之西去中國絕遠其王皆僧爲之明洪武十七年太祖命僧智光齋璽書綵幣往并使其鄰境湧塔國智光精釋典負才辨宣揚天子德意其王馬達納羅摩遣使隨入朝二十年至京貢金塔佛經及名馬方物帝賜銀印玉圖書誥敕符驗及幡幢綵幣二十三年再貢加賜玉圖書紅羅撒成祖時亦時通朝貢又有速覩嵩者亦西方之國永樂三年遣行人往招賜其酋以道遠不至

朶甘在四川徼外南與烏斯藏鄰唐吐蕃地元置宣慰司招討司元帥府萬戶府分統其衆明洪武二年太祖遣員外郎許永德齋詔招撫諭其酋長舉元故官赴京于是攝帝師喃加巴藏卜及故國公南哥思丹八亦監藏等于六年春入朝上所舉六十人帝喜置指揮使司二曰朶甘曰烏斯藏宣慰司二元帥府一招討司四萬戶府三千戶所四卽以所舉官任之並宴齋遣還初元尊番僧爲帝師授其徒國公等秩故降者襲舊號鎖南兀卽爾者歸朝授

朶甘衛指揮僉事以元司徒銀印來上命進指揮同知已而朶甘宣慰賞竹監藏舉首領可爲指揮宣慰萬戶千戶者二十二人詔從其請鑄分司印予之乃改朶甘烏斯藏二衛爲行都指揮使司以鎖南兀卽爾爲朶甘都指揮同知管招兀卽爾爲烏斯藏都指揮同知並賜銀印又設西安行都指揮使司于河州兼轄二都司已又增置朶甘思宣慰司及招討等司計招討司六千戶所十七自是諸番修貢惟謹八年置俄力思軍民元帥府尋置隴答衛指揮使司十八年以班竹兒藏卜爲烏斯藏都指揮司乃更定品秩自都指揮以下皆令世襲未幾又改烏斯藏俺不羅衛爲行都指揮使司又置上邛部衛里千戶所爲衛後置烏斯藏牛兒宋寨行都指揮使司又置上邛部衛皆以番人官之初太祖以西番地廣人獷悍欲分其勢而殺其力使不爲邊患故來者輒授官又以其地皆食肉倚中國茶爲命故設茶課司于天全六番令以馬市而入貢者又優以茶布諸番戀貢市之利且欲保世官不敢爲變迨成祖益封法王及大國師西天佛子等俾轉相化導共尊中國以故西陲晏然迄無番寇之患然頻年朝貢賜賚無度中外騷然經費不足迨我朝受命達賴等遣使數萬里外稽首效命歲時賜予止于達賴閒及班禪叭吧二喇嘛要有節制未常濫及昔時所封諸王各居其寺爲呼圖兔統于達賴不受其朝不利其貢赫聲濯靈奔走絕域蓋與元時畧同而體制更

肅矣

右佛氏

前藏曰詔後藏曰藏明時稱詔曰烏斯藏又曰唐古忒後遂稱詔為前藏稱藏為後藏又稱

藏為衛則或因明時設衛之故也

紹按衛藏之義為他書所未詳

藏舊有城設九門康熙六十一年定西將軍公策旺諾爾布毀之築石隄自東北郎路至召

拉筆洞止長三十里以遏水勢今稱為神隄歲正月各寺僧念大經畢人增一石于隄

上番僧例不應役惟此一石乃設也

前藏城堡六十八番民戶一十二萬一千四百三十八後藏城堡十三番民戶六千七百五

十二貢賦按地而收前藏歸于達賴後藏歸于班禪嗣康吉鼎頗羅奈相沿據為自有朱爾

墨特被戮遂命仍歸達賴班禪

主事之大官曰噶隆

紹按噶隆即噶隆倫一作噶布倫

體如內地之相向設四員分司夷務而受成于達賴頗

羅奈號令自擅已廢舊制今因朱爾墨特之變仍舊設噶隆四名曰班第達曰徹清旺扎爾

曰色耀特塞布騰三人皆前噶隆見罪于朱爾墨特者復其職又一曰布隆簪以目瞽被廢

遂增喇嘛一人班第達本封公徹清二人曾封札薩克頭等台吉其喇嘛亦給札薩克銜各

噶隆皆于公所議事定議乃請達賴及駐藏大臣而後行噶隆之下分管地土者曰碟巴宜

號令者曰浪子蝦差遣者曰卓義

紹按卓義疑即卓呢爾

夷賦隨地所產或以糧食折徵或以金銀氈毯騾馬銅鐵顏料皮張或納牛羊酥油馬奶酒

果品

統納兵馬之大官名代奔

紹按代奔官書作戴率奔皆作率

次日甲奔三等曰定奔再下曰朱奔番兵鐵甲

裏棉頂盔繫弓矢負鳥槍持長矛馬前步後盛上標孔雀錦雞毛羽旗用五色

阿里克馬兵五千名札什倫布馬兵二千名拉薩馬兵三千名稞填馬兵一千名黨木拉處

浪十錯拉藏等處地方及黑帳房共馬兵五千名阿里克及前後藏共步兵五萬名隨侍達

賴之官有卓呢爾商卓特巴曾本各名目其噶隆止設卓義二員餘官不得多設

凡設險守隘之官署曰縱其無險者曰噶

原設衛地代奔一員後藏代奔三員今于衛地增設一員噶隆代奔分司文武任重望尊皆

須給勅書如不稱職許達賴會同欽差參革一應差徭皆聽達賴主持如遇公事起烏拉其

符檄皆由噶隆請達賴印發所貯倉庫物件但以達賴印文封識噶隆司其啓閉

阿里哈喇烏蘇接壤準夷由達賴遴員前往奏請號紙以昭信守蒙古部落于草地遊牧為

生其頭日向由郡王加給或稱宰桑或稱台吉今將現頭目八人授為固山大

結按固山大滿語即老領

次為佐領次為驍騎校各八人遞相管束每佐領派人十名共八十名駐藏衛聽差食用取

給于公其調撥皆由欽差商于達賴發檄

紹按以上五條皆乾隆十六年定制

哈喇烏蘇西連青海與準噶爾接壤其旁有魚樹

紹按魚樹官書作玉樹

納克樹兩番族雍正十年西

寧辦理夷情大人達爾奏請川陝會同委員分界魚樹三十八族歸西寧歲納貢馬銀六百

六十九兩納克樹三十九族隸西藏歲納貢馬銀三百九十一兩一錢二分八月後交糧務

充餉其族設立千戶百戶不足百人者設百長十人設十長計三十九族共四千八百八十

九戶自藍墩以外惟此部不屬達賴

藏內通準噶爾有三口一曰藏納香一曰阿格丫一曰入多相距約四十餘日每卡防兵俱

四五千不等春末到汛秋末而回

夷律傳有三册一册十二條一册十三條一册十六條所載刑法甚酷大約犯鬥毆殺人者

棄屍于水罰犯者銀錢充公仍以銀物牛羊給死者家為念經費全納則釋不能納則沈犯

者于水藉其子女犯搶劫殺人者不分首從皆擬死罪首犯縛于柱叢射斃命三日後梟示

次者或送貉獮國令野人食之或送曲水蝎洞令蝎食之犯竊盜者拘其家屬計所竊之數

加倍追之追迄則劓其鼻剗其目斷其手錄囚先以皮鞭其背復置之水如是數次然後問之未服乃以熱油滴其胸火刀刺其肉不服乃坐之水蒙其面分其髮以繩牽之冷水澆其頂不服則油簽刺其十指又不服乃釋如受刑而斃則棄于水

右政教

氣候寒暑不一高即寒平即溫爐無暑裏塘夏亦寒巴塘至昌都皆有暑藏詔則冬不寒夏不暑

閏以朔虛氣盈而定乃氣化變易而又不易者非神聖不能測也西藏推天文紀歲時約同中土有武弁云雍正壬子年閏五月其地乃閏正月乙卯年閏四月其地于甲寅年閏七月亦有閏日然有閏初一即無初二而繼以初三有閏十五即無十六而繼以十七更有閏至兩三日者此則不虛三十日之成數特推測此日為不吉而避其名

紹按竺國紀游引此以則稱舊記謂番人亦以

十二月為一歲紀月亦以寅為正亦有閏月但不同耳如雍正十年閏五月其地閏正月或於十三年閏四月其地先於上年閏七月更有閏日之異如閏初一則無初二即接初三日或於月內摘去一二日即不呼此一二日如摘去二十七次日即呼二十八日每月無小建而有朔望晦稱正月為端郭餘月仍依次數之紀日以金木水火配與時憲書無異推算日月亦纖毫

不爽云云所稱舊紀不知即此書否

紀年不知干支以十二支辰所肖者為序問其歲輒以肖神對紀月亦用一二三四之數特

呼正月為端郭即正字所譯也紀日五行相序與憲書用納音同

日月有食預推不爽凡此天文推測云即唐公主時所流傳者

紹按國推其四時占驗皆唐公主所流傳其四時氣候溫和不

常如中土二八月天氣但晴兩常風無定大約地平壤則熱居高則寒有十里不同天之語就拉擦詔而論清明立夏間草大萌芽季春夏初豆麥播種收穫亦在七八月之交至日

月時顯雷電霹靂尤與中土無異夜有露秋暮有薄霜雪不厚積冰雹平時閒見或山礮水圍則有時頓作番人誦活佛咒即止然亦有不應者

唐古忒人命名皆擇經典善字與蒙古同

番民種族因地殊名自拉撒東至祿馬領南至春結土民名曰百巴亦有黑帳房者曰洛巴

自工布江達至寧多權拉山阿雜山曰工布自拉里東至昌都曰康巴自拉撒西至干巴白

爾極曰衛巴自羊卓白地至扎隆布三桑曰巴藏自拉撒西北由楊八景駝洛海

紹按駝洛海即托羅

蓋托羅蓋語本人之頂墳起也山頂似之故名至吉扎布生根惡角曰昂獨

歲正月罷市三日各以茶酒肉果酬送親朋元日布達拉開筵宴漢番官吏噶隆主之初九

日大詔寺番僧四萬餘人念經迎達賴下寺開講其達賴不到之寺呼圖免充之十五日夕

大詔放燈建木為臺上以五色綵幣畫人物龍蛇鳥獸諸形下設層板安大銅燈蓋數萬

紹按

蒙古貴族及喇嘛家亦知之至少以徹夜而止以天色陰晴燈焰明暗占歲之吉凶二十一

日番達三千人馬俱甲冑跳舞放鎗繞詔三匝至瑠璃橋南放大砲迎神逐鬼砲以銅鑄最

大者刊威剿除叛逆五字云唐時鑄也二十三日念經畢噶隆大喇嘛于布達拉庫中以茶幣散給諸僧以十四歲以上小童乘快馬自色拉寺東由布達拉轉至工布爭馳三十里又選善走者自布達拉馳至拉撒約十里俱以到之先後定賞之重輕轉詔三匝而散以為奪彩之戲二十七日迎飛來杵轉詔謂之迎春二月三十日布達拉懸掛大佛大詔寺取庫中諸珍玩器皿人執其一並製諸天神鬼各番部人獸諸形轉詔三匝至大佛前舞拜後徧于噶隆碟巴各家歌舞半月而散謂之春戲

紹按圖識二月初二日達賴喇嘛上仲春下旬或暮春之初將大詔寺中寶器珍玩陳設殆備謂之

亮寶翌日布達拉懸大佛像其像五色錦段堆成自第五層樓垂至山麓約長三十丈又有六喇嘛裝束神鬼及諸番人物虎豹犀象等獸繞詔三匝至大佛前拜舞歌唱如是一月始散

月三十日別蚌寺色拉寺懸大佛亦如布達拉故事垂仲下神各男女皆新妝艷服或歌或舞為翻竿之戲七月十五日放碟巴一員司農務他碟巴陪之導旂旆佩弓矢徧郊外視田禾以慶豐年然後土民收穫七月十三日設涼蓬帳房于河隄徧延親友男女浴于河至八月初五而止云可以療疾十月十五日唐公主誕辰男婦盛服以朝各飲酒賀二十五日第三輩達賴湮盤之夕各于窗楞牆頂點燈光如晝亦以燈焰占吉凶

紹按二十五日相傳宗卡巴成聖日或云即燃佛燈舉國皆於牆壁間燃燈相映燦若列星亦以燈卜其歲

十二月二十九日木鹿寺番僧裝神佛鬼怪諸形至大詔放鎗吶喊為逐鬼之戲此為藏之節序也

風俗

二三 禹貢學會

男女衣冠俱以璿璣毛褐富貴者乃衣錦繡人各蓄髮貴者梳櫛束于頂賤者乘之貝勒之冠冬玄狐夏綵幣式如內地秋帽高七八寸平其頂冠簷寬二寸左右有叉口緣以獺皮罩以赤緯左耳墜明珠常服之衣大領平袖下無岔名曰楮巴冬則裹以狐貉之皮緣以豹遇朝賀衣蟒及披肩無補掛束錦帶長六尺圍兩轉傍綴小刀荷包而必帶碗包靴以香牛之皮名曰巷頭乘馬踢以二噶隆碟巴服制約與貝勒同惟平日不束髮冠以栽絨平頂絨馬寸餘頂無緯遇朝賀挽髮作兩髻冠無翅白紗帽云唐制也噶隆衣蟒外罩以褐左耳墜金鑲綠松石作鳥獸以口爪銜物之形名曰璫璫右耳墜珊瑚大如李兩顆相綴鑲以金名曰工納碟巴衣紅綠織金短衣袖以錦緣以獺皮下服黑褐百褶裙名曰郭在衣裳之外披紅褐偏單佩順刀腰刀各一紅袋一履俱以巷頭其巡查之役曰郭佳哇者逢令節亦服短錦衣帶腰刀緞袋而不披偏單頭不束髮戴白布圈持木棍以行街市小民俱服楮巴束皮帶佩刀至于指箍骨班手持素珠腰懸木碗則無貴賤一也婦女以茶調紅糖爲脂粉塗其頰女未嫁結髮爲辮綴以明珠寶石若旣聘則以夫家所納之金鑲綠松石戴于頂旣嫁則自頂分髮爲二礎之如繩交于後而復以繩束之冠以紅綠栽絨尖其頂富者爲珍珠帽以木作胎如涼帽紅漆其裏綴珠于外滿而止以金鑲綠松石作頂服窄袖衣長僅至腰名曰文

肘裙百摺以十字花黑褐爲之名曰東坡前加圍裙以紅褐爲之緣以錦名曰班帶背披紅裁毛小毯偏單名曰傘手其前紉石玉環兩頭有鈎束偏單于胸前名的拉以銀鑲珊瑚作戒指名曰慈姑左手佩銀釧曰則籠右手佩碑磔圈寬約二寸曰銅箍不論貧富自幼卽佩至斃而後已云佩之則死後不迷路也耳墜綠松石鑲以金銀長寸餘後以小鈎懸于耳上名曰額歌聯明珠珊瑚上以銀鈎繫于髮名曰吞達下亦聯至六七寸垂于兩肩名曰重雜項掛素珠一二串其珠以珊瑚蜜蠟青晶碑磔貧者用木及磁腰佩小銀盒名曰阿務內藏護身佛及子母藥履以布靴或皮靴無襪老婦則以金鑲綠松石最大者懸于額名曰白玉凡戴白玉親朋羣聚宴賀

蒙古婦女不塗糖

紹按圖識凡婦女見喇嘛俱用紅糖或兒茶塗其腮否則謂呈妍迷惑人謂不宥其家居亦習用之應先記此條則蒙古婦女不塗糖乃明顯

不披單不戴首飾冬夏俱頂狐帽分髮爲兩辮以青緞爲辮囊修廣如其辮上以銀鈎鈎之垂于膊耳墜松石足履香牛皮靴服長袍重以掛其腰作疊摺爲朝服式

蠻酒以青稞蒸熟盛于罈飲時取置于餅泡以熱水插細竹簽于內羣坐吸之水盡復注至

味盡而止藏內名曰倉他處名曰蠻冲亦有以水淋出而飲者名曰淋酒

紹按竺國紀游藏青稞爲酒色澆黃

味甚薄劣隔夜釀之次量卽可出沽運至暮開則白沫浮漸同穢水番人呼如搶(去聲)亦如冲(去聲)華人耽之則生手足拘攣之疾番人每用長桶貯酒呼羣至野外或水邊踞酒坐臥如

飲盡歌鳴笑亦
有以射相賭飲者

譯言者曰通事譯文者曰譯字內地官員出口俱帶通譯二人以行

譯字者腰帶小鐵筒一內盛小竹簽皮盒一內貯墨水銅餅遇作字膝地坐以紙卷摺成條

左手按紙于膝右手持竹簽濡墨自左入右橫書若畫工則以猫毛為筆

藏內以竹為紙堅白而薄可供几案昌都以東則甚粗硬特質甚堅可包文書其他紙必自

內地購往

患病亦有醫藥名其醫曰阿木氣亦診脈息不知何所宗也藥不事炮製而有丸散然不輕用大約病輕則以油搽體暴烈日中無日則覆以絨單燒柏葉烟薰之病重而後診脈服藥或刺其血要必延喇嘛誦經或延朱巴祈禱朱巴即內地黃冠也或令男女齊唱佛歌以禳之

有卦卜或以紙畫八卦或以青稞排八卦也有索卜以五色各毛為索抽繹以占也有珠卜數以數珠也有畫卜于地畫形也有羊卜取羊膊骨如灼龜而占也羊膊必取宰者自斃而不靈數多奇異要視其術之深淺余在金川籌運時一番目為余灼羊膊問諸事無不巧中生平問卜無踰此番日矣

喇嘛早晚手持一物吹如薺栗問之則遺骸股骨也漢人之股中虛番人之股中實虛則聲清故漢骸多被喇嘛刨掘

婚姻富貴者論門戶擇婿女通媒妁納采問名先以哈達既允回以哈達乃令媒氏擇日以綠松石飾于女首名曰色賈仍以衣裝金銀茶羊爲聘禮未允則不接哈達迎娶各先宴會數日昏期設涼棚于門外高設坐墊撒麥爲花坐女于上父母與親朋列坐于傍陳肴核茶酒于小几食之親朋各以稞麥擲女身乃共扶女至婿家入門不拜與婿並坐飲茶酒親朋爭以哈達作賀長者掛其項同輩納之于懷已列坐飲茶酒而散次日婿女之父母盛服掛哈達于項擁新婿女游于市過親友門不入以茶酒出飲之飲畢婿女攜手踏足而歌如是三日此有官職者乃然民間率多苟合男弱女強差徭派于婦人一家數兄弟共娶一妻所生子女順年次分爲子婦能與三四兄弟同居者羣羨其善于治家婦紅以經商賈爲最若紡毛線織毳子勤耕種當烏拉人皆笑之不以淫亂爲恥父母不禁其夫亦不以爲異妻有外交名曰英獨卽明告其夫也夫婦悅則相守不悅則離按史載噶嚕國兄弟共一妻夫無兄弟者妻戴一角帽若有兄弟者依其多寡之數加角焉

生兒不洗母以舌舐之三日週身塗以酥暴烈日中已調糝粳作湯飲之多不與乳最重生

女

生男數人留其一娶妻傳嗣謂之血人餘者度爲僧女多者度爲尼

人死以繩繫維之爲圓塊膝口相連兩手交插于股以平日所衣舊服裹之盛于袋懸于梁男女羅而哭送酥油于大小詔寺中燃燈稱其家之貧富盡出死者所有送其半于達賴留其半以熬茶熬茶者延僧誦經飲之以茶猶內地所云齋僧也數日背送剛人場司剛者縛屍于柱割其肉復杵其骨令碎和以糝粬飼犬餽司剛者銀否則不剛而棄之水以爲不幸親友弔唁俱先以哈達男女不服華衣去耳環素珠不梳浴者百日富者時爲熬茶追薦莽而止喇嘛死則以喂鷹有德行者火化之瘞骨于塔韋節西番記云康國城外別有二百餘戶專諸喪事別築一院院內養狗人死卽取尸置此院內令狗食之肉盡收骸骨埋殯風俗故相沿也

藏狗喂人肉久喜噬人天暝不可獨行卒遇狗羣噬立盡

謁見尊貴人卸其冠垂于手吐舌曲腰就坐路側立卸帽垂手謁呼圖兔貴賤皆去帽膜拜三曲腰垂手至法座呼圖兔手抹其頭謂之討捨手

良辰令節貝勒設宴或于家或于柳林上設重榻前設短几二置麪菓長尺許牛羊生熟之

肉爲一大盤杏棗核桃葡萄冰糖焦糖回回菓各一小盤左右分設長座列菓食如上之半噶隆碟巴浪子沙卓義順序而坐人設筵一其侍從各于其席後坐人給菓食盤一先飲茶次土巴湯次抓飯次酒土巴湯者以米和肉爲粥也抓飯者纏頭胡賈所作蒸米作飯和以沙糖棗杏之菓牛羊之膾盛于盤以手抓而食之歌女十人珠冠繡衣舞童十人白布冠五色衣束錦手斧鉞足繫鈴司鼓十人妝如舞童舞者之童步中鼓之節食畢各攜所餘以去達賴開筵宴客規制亦同而几席肴核視內地官職之尊卑爲差貴者羅列數案宴畢使人送所餘者以歸

番民宴會男女雜沓歌唱竟日將散則團聚攜手踏足歌至門外而散筮必自攜食畢以舌舐之令淨不復洗也

大市以銀錢小市以哈達茶油互易賈貨有自內地往者珠寶錦繡也自布魯克巴天竺白勒布等地往者卞契之錦緞紬布及牛黃阿魏物也

宮室皆壘石爲礪自二三層至六七層形如浮圖人處中上貨藏其中畜溷于下蒙古部落以氈爲幄名蒙古包霍耳部落居黑帳房

裏塘以外皆南隣滇省麗江鶴慶兩府彼地民夷每以茶烟布帛銅器赴巴塘之擦練安天

柱大柱大戶松橋麥頂各寨及西藏所屬之擦瓦崗左工波烏曲棕工布噶峪札玉滾藍墩江卡乍丫黃蓮莊各處貿易氍毹毯褐酥油黃蓮牛羊皮等物春融前往秋末始回其大路有二一自滇境西北出翁書關至巴裏塘等一自滇境正西由鶴慶之維西奔子攔阿墩子渡金沙瀾滄二江以至西藏其僻路尙有五六處皆以鶴慶府之中甸爲咽喉

麗江府之維西鶴慶府之中甸皆有喇嘛赴藏學經而達賴喇嘛亦時遣其徒回滇進香巴塘之大材藏屬之札達皆有鹽井與滇中瀾滄江夷寨相接彼地夷民赴井市鹽朝出暮歸絡繹如織沿江設潛索數十以渡

韃部艱於粒食以茶爲命晨起男女環坐熬茶颺其葉欲腐水色紅然後以次飲飲畢以炒麪及鹽和餘瀝食之食少而頻廣畜牛羊生啖之然不多食僅取乳潼爲酪和茶以飲又觀牛羊肥者刺其脇取膜閒油脂爲食明歲復如是塞外犯寒皮膚僵裂者即取雪敷其上挫之數十俟其中氣旺漸暖然後養以溫水若遽熨以熱湯或就火爐耳鼻手指應時而墮胡賈貲鉅萬善識珍寶所攜貨如紬緞布皆以卡吉名卡吉者其地也花紋精麗視中土所產更勝藏中人以大賓待之所居室器物精良衣地以氍毹娶妻女生子絕疎秀逾十歲即長髭鬚漸長目愈深鼻愈凹而昂其種類然也馬氏通考載康居回人皆深目高鼻多鬚髯

善于商賈殆即是歟

哈達以綾絹爲之長者丈餘短者盈尺來自成都之市夷人相見之東也遇貴者跪而遞平者互而遞下者掛其頸文書往來必摺哈達於內所拜神必掛哈達故神像皆垂哈達滿體通考載天竺國以金縷織成鬪白疊氍毹丈夫致敬極者舐足摩踵而致其詞家有奇樂倡伎其王與大臣多服錦鬪丈夫剪髮穿耳垂璫俗皆徒跣衣重白色婦人項飾金銀珠纓絡死者燔骨取灰建窆塔或委野中及河餌鳥獸魚鼈無喪紀謀反者幽殺之小罪贖錢不孝者斷手足劓耳徒邊有文字善步歷學其風土與藏相似故宗佛國教也
草地無薪行人取布帛捻條浸以油爲炊具度日之遠近備捻之多寡將炊燃捻于鍋底捻盡飯熟雖狐白之裘不如一布袍爲貴取其可裁捻也

右風俗

以木爲盃貴賤皆懸於身盛以袋貴者用錦綉遇食飲卽自取盃擇木之最堅實而香者磋之或用葡萄根上則那叭叱更上則拉姑兒木最貴則爲雜不牙木花紋精細盛以熱湯沸如珠遇毒則溢一盃之值白金數十兩皆產于藏西之喇里

紹按竺國紀游卷一札木札雅木名嶺古爾樹之瘞也澹黃色以製梳云可辟毒入則沸制較碟子略深亦有以覆木爲之者無貴賤男女懷中各著一梳食樽把酥茶皆用之食畢舐之以舌有用金銀綠松石寶石鑲嵌者以花紋周身勻細者爲貴

價或數十金蓋藏地無盜器以木代之概無大小統名之曰札木札雅云按拉姑兒木即獵古爾樹也

自藏以東不產稻谷諸穀曰菽曰稞皆麥類性寒收色備五行謂莖黃葉青花紅膜黑心白也稞氣備四時謂冬種春生夏長秋收也詩云昶爾如收蓋言其花之艷麗稞則未見于五經收有甘苦兩種六十日而成地煖則夏冬兩收寒則秋一收稞壳青麪黃炒熟磨粉以酥酪和茶調食之名曰糝粍

麥于三月種九月穫避冬雪也然烟霧重故性粘滯

鐵斧皆生鐵鑄惟察木多有熟鐵者

冬蟲夏草出于裏塘諸山而撥浪工山尤佳秋冬雪盛其根肥碩形似蠶蠕蠕欲動土人于

四月雪銷時取之性溫補過此則精液上而成草

延壽菓產于草地如芋而小味甘而香和粥食之益人故美其名曰延壽 紹按竺國紀游卷一長壽果一名甲

麻沙土中所生大能補氣不知何物淺黑色大如麥蠶煮而食之不加五味香人以此供佛亦相饋遺似甚珍惜予嘗一食之味澆甚苦

圓根如內地蘿蔔而甚短形若象棋味甘而不爽夷人輒以充食或空中灌油燃燈曰圓根

燈

藏外所產之羊質柔而毛純白織爲罽以帚刷之令其毛蓬然起柔滑細緻呼曰毯氍

藏香以出自後藏班禪寺中者為上雜諸香物及紅花為麪大者如手指細者如髮分紅黃

二色香氣馥郁而酸澁歲貢進為異香云今諸蠻亦有贗者然聞後藏之香有一異樹之皮

故其香烟直上尺許而後散亦易辨也紹按竺國紀游卷二藏香長二三尺細如縷有紅色黃

官長狀如束芻蠶聞是香屑亡人顯骨以和之故其氣與他香不同又相傳姪婦得之易產又云能祛邪祟未知信否

唵叭香取松脂煎之成黑色香微烈不如檀速之清越也其經喇嘛手念經呪者夷人羣寶

之而出于達賴者即如空青結碌紹按竺國紀游卷二唵叭香形如木梳燕之氣亦馥烈按臘

不宜獨用當用沈水共焚之以輕淨色明手指可燃為丸者為妙都中有唵叭餅則以他香和之不甚佳予謂凡香必和他物而始成不獨唵叭香也唵叭香色黑其白者名吉吉香

藏棗產于阿里噶爾妥地大于諸棗初入口如沙糖嚼之即無餘味比于荔枝楊梅不逮遠

甚然人爭視為奇物每一枚價銀數分按唐書波斯大食諸國進貢皆有千年棗西域之棗

別有種矣紹按竺國紀游卷一藏棗長寸餘色如檀子味甘而澀核有紋形如女陰又

藏杏亦產于阿里味與諸杏同稍大者番人去其核套十餘顆為一名曰套杏

藏核桃似桃仁而大味同木屑產于說板多價最貴

葡萄出于巴塘最廣土人俟熟時蒸之為酒

藏內長明燈籠鐵為樹燃燈于枝葉間

西寧口外牛馬豕皮內膜外生有扎卡石大如鷄卵夷人識者生取之貯于水盆方數丈皆得水過鍋背旱海者視爲至寶馬產尤良

元狐避雪夷人每裁片許綴于帽簷豹皮避蟲每以緣袖

熊在深山結隊而行遇人卽避若撲之則抓攫抵拒至冬月伏于窟飢則舐其掌至驚蟄聞雷而出

黃連產于深山密箐性秉純陰採者裹糧而往慎識其路否則迷不得出山深處卽有鬼魅若與人前後同行先大聲呼乃不爲邪祟所害其產內土者以榮經縣紫烟溝爲最然搜求將盡榮人移根于園灌溉之糞其易長而失其本性名曰家園連其產西域者以工布江達爲最雖品質遜于紫烟而不由人力名曰山連其形如龍頭鳳尾爲上今榮人取家連以細竹鑲之形似而性殊

紅花產于回回國其地最熱花以國王城中爲上夷民取花和葉煮之或以他物相雜真贗易淆然真者置于水盆卽有紅縷一絲直上其水色淡黃利于女科血症

猞猁獬狐狸沙狐艾葉金錢諸豹及虎羊皮皆黑帳房獵以取者歲以市

獅生于哈烈國之阿尤河蘆林中初生目閉七日始開土人于目閉時取之調習其性稍長

則不可馴矣其旁國亦有生者明時進貢日供生羊二醋酏密酥各二瓶
猗猗獠生及兩三歲毛深厚色青如艾爲上太少則毛嫩色白太老則毛稀色黃產于通巴
者最佳

青晶石產于洛隆宗南浪蕩山中以質堅色純者爲上浮鬆而雜砂者爲下
熊胆產桑阿却宗性最寒醫痔

綠松石產于昌都以西色如月白而無黑線紋者爲上大者如錢小者如豆然最矜貴不易
得其舊者油氣深沁而色變蓋彼中婦女爭取爲首飾也

交易以銀爲錢大如五銖實其中不可以貫上刊花紋每圓重一錢五分物價遞少則遞剖
其半曰半個曰父曰鬚曰撒猶分厘之數蓋愚番不識戩星故也鑄自白布白布西域之隣
國回民也流傳數千里至于雅郡然始則藏外皆範紋銀今雅郡奸民仿式製造雜以鉛銅
非老賈未能辨真贗而銀錢之價遂減紋銀三之一其花紋以象牙八卦稱者更爲惡劣按
明史載西域哈烈國交易用銀錢大小三等不禁私鑄惟輸稅于酋長所謂哈烈國當卽白
布紹按白布卽明史之哈烈似誤恐是巴勒按白布卽泥濛羅明史自有傳蓋彼中男女皆以白布蒙其首也通考亦載安西
諸國俱以銀爲錢

鸚鵡巢于松石之間食松子結羣疾飛不可網羅夷人于初秋生育時取雛飼之漸成羽毛乃去其舌尖五更教以人言巧者聞聲即會味生而紅漸黑逾年復紅羽生而翠不雜他色喜潔染油輒自拔其毛盡而止塞外廣生不獨隴山也

塞外有鴉毛羽黑如漆而味與紅如味

紹按與字下有脫字

蠻魚皮厚而堅以江水衝決也

紅絨產于工布織羊爲之似羊皮

紹按織羊下似脫毛字

細貼產于藏西之沙鹿海牙國如粵中噤噤

阿魏產于藏西之沙鹿海牙國其地有大沙洲二百里無水閒有鹹不可飲牛馬悞飲之輒

死地生臭草高尺餘葉如蓋煮其液成膏即阿魏也治癰疾

裁明

沙鹿海牙地又有小草高一二尺叢生秋深露凝食之如蜜煮爲糖名曰達郎古賓

裁明

西藏諸國植桑育蠶織文綺甚多馬氏通考載于闐初無桑蠶丐隣國不肯出其王即求婚

許之將迎乃密告女曰國無帛可持蠶自爲衣女聞置蠶帽絮中關守不敢驗自是始有蠶

女刻石約無殺蠶蛾飛盡得治繭則知蠶桑于外域更重貴也

大秦國出赤白黑黃青綠縹紺紅紫十種琉璃此蓋自然之物采澤光潤異于衆玉其色不

恆今俗所謂皆銷治石汁加以衆藥灌而爲之尤虛脆實爲真物
師古出
大食國產珊瑚有珊瑚溪土人先下鐵網而後種樹一年生枝布于網色白次年微紅三年紅潤過時不采卽漸銷矣

宋太宗問大食國使犀象以何法可取對云象用象媒誘致漸以大繩羈縻之犀則使人升大樹操刀矢伺其至射而殺之其小者不用弓矢可以捕獲

史載波斯國有真珠頗黎珊瑚琉璃瑪瑙水精瑟瑟金銀鑰石金剛火齊銅錫鑛鐵硃砂水銀錦疊細布氍毹毼毼護那越諾布金縷織成赤纒皮薰陸鬱金蘇合木等香胡椒華撥石蜜千年棗香附子訶黎勒無食子鹽綠雌黃今胡買賣亦是此等貨物曰氍毹卽今之藏毯氍毹等細罽也曰毼毼卽今之波裏凹等粗罽也曰金縷織成卽今之卡契緞也

拉撒物產于穀也青稞麥胡豆莞豆于蔬也元根葱蒜筵水于畜也馬牛驢騾豕羊雞魚于禽獸也天鵝黃鴨白鵬大雁黃鶯雉兔狐狸于草也山芍藥牡丹西天花碎剪絨蜀葵金盞鷲粟虞美人紫金蓮金針馬蘭菊松柏楊柳胡桃林檎桃李于服物也氍毹毼子毛毡細貼栽毛絨于漢土所攜之種也白菜蒿苣波菜莧菲蘿葡四季豆于他處之貨也白米菘豆黃豆冰豆黑糖葡萄棗杏

右物產

工布江達在藏東七百四十里人勇健多貿易少賊盜男女衣著物產同于藏女未嫁披其髮嫁則交叉其髮于頂束以紅帛額頂以珊瑚作圓花不墜白螺壳于眉間人死碎其尸飼鷹染疫死者刀碎其尸棄諸水石之間百日內親屬不梳櫛產紅栽絨騾大頭犬土宜稞麥豆菜先是準噶踞藏工布人堅守不下大兵進取酋長率領部屬迎師就撫事定頒爵賞地歸藏轄設碟巴二員其民名曰工固

喇里在工布江達東四百五十里地瘠不產五穀人事畜牧準噶之變有黑喇嘛者助逆官兵至境擒獲伏誅仍歸其地于藏委大喇嘛等寺院并管碟巴事

碩般多在喇里東七百三十里有黑帳房部落產青晶石有金廠土宜豆麥青稞馬畜葡萄核桃其桑阿却宗地產稻米黃連麝香熊胆西藏委喇嘛一碟巴一共主事

洛隆宗在碩般多東一百六十里風俗與碩般多同產犂牛山羊藏委碟巴主之

百巴者自拉撒南至春結也亦有世居黑帳房者名洛巴風土同于藏

衛巴者自拉撒西至于巴白爾極也風土同于藏
藏巴者自羊卓白地至札什倫布三桑也女既嫁交其髮爲細繩貫以珠石盤于頂項掛素

珠人死飼鷹或沉于水居喪百日不梳櫛土宜與藏同

昂獨者阿里噶爾安諸處也阿里風土與藏同惟見尊長不去帽以右手指已額念唵嘛吽者三土產稻穀粟米藏棗藏杏木盃曰拉姑兒木曰雜不呀木

楊八景一帶有霍耳部落世居黑帳房不產五穀事畜牧有狐狸獐獬文豹虎獐鹿野牛野馬雉兔黑鵝黃鶯當歸乾胆香草

桑駝駱海多溫泉地產白鹽藏民資之以食

哈拉烏蘇至達木地寒不產五穀蒙古與霍耳參居霍耳之俗人死棄其尸于野徙他處男女衣著悉如蒙古婦冠羊狐皮髮細辮以磚磑壳並銅環頂于髮垂至後踵行則鏘鏘有聲飲食以潼酪配以茶

右屬番

藏外隣國甚多其與藏通往來者曰白布國

紹按蒙古源流載此
事其爲巴勃布可證

在怒江西南鑄銀錢流行

西域唐公主下嫁吐蕃蘇隆策于市于市別娶闕氏與公主左右居卽白布之女也曰貉倫國亦曰花嘴國在工布南傍怒江以居係野人名老卡止刺其唇爲紋塗以五色穴居不知耕織嗜鹽獵鳥獸飲食衣皮俯地拾蟲蟻食如菓產茜草紫草茸黃連以茶往易者至其境

不通言語相示以意交易而退入境內卽相逐立與語卽笑言避之卽拔刀追殺藏中有罪者流至彼渡江卽爲老卡止所食湏臾而盡曰納達曰谷古結色俱在後藏札什倫布北千里乃阿里地方交界谷古結色與前郡王頗羅奈長子爲婚故長子卽駐防阿里三部通好曰布魯克巴交帕里界地甚大有衆四萬城堡五千其主曰諾彥林親封汗與掌教喇嘛同居蚌德慶城曰者木雄宗里交塞爾界兩國皆在藏西南曰巴爾布封有三汗顏布汗居木作城葉楞汗居蟒哈吧哈城庫庫木汗居吉拉蘇魚卡城同轄番民五萬餘人

瓦述革賚霍耳皆黑帳房部落名曰霍耳有在明正司西北境者受封號爲土司築礪以居有在藏東北哈喇烏蘇至達木一帶者與蒙古相參以居係黑帳房

小西天在後藏之西程一月大西天又在小西天之西程兩月名毘羅國濱南海航海至粵風利期半年否則一年地萬里周行匝五月國王世傳地土平衍務耕種饒布帛屋舍樓觀鐘鼓音樂同于內地氣候暖敬佛重僧名僧曰羅漢彼地民有到爐中貿易者以珊瑚珠璣稱歪鬚子又稱札卡拉余親問其風土云然蓋卽天竺國也史載五天竺東南際海與扶南林邑隣北距雪山西距罽賓波斯地方萬餘里爲佛國云

大宛國卽今喀撒在準噶爾之外張騫足跡所至蓋遠于今之前後藏焉

紀中
丞語

西天諸國有城池宮室範土爲磚瓦種棉織布水陸通流百賈交會風雨調利非他夷蠻可比特徭役繁重故民樂出外以避征

火州在土魯番廣二百餘里氣酷熱夏月鳥雀不飛蟲蟻出穴行卽焦斃日出後男女皆裸浴于水所居宮牆磬石厚至五尺更覆土石兩人居最下猶不能衣寸縷時取涼水以沃其頂否則氣不能伸所浣衣出水卽燥行人必以夜王游戎言之甚詳按宋王延德使高昌回云其地極熱每盛暑居人皆穿地爲穴以處飛鳥羣萃河濱或起飛卽爲日氣所燦墜而傷翼與此略同明史載火州卽漢車師前王地隋時爲高昌國唐太宗滅高昌以其地爲西州宋時回鶻居之常入貢元名火州置達魯花赤監治明時亦入貢後爲土魯番所併云土魯番去哈密千餘里唐滅高昌置西州及交河縣其城卽交河縣安城也

番民無水草處曰鍋背紹按鍋背卽戈壁之差自哈密至準夷界鍋背有十餘處最近者一百二三十里遠者數百里人猶可裹糧以行而馬不能兼顧故夏秋無戍兵惟冬春積雪夷人藉以畜牧添兵防守按鍋背卽唐書所謂磧也

吐多鍋背番部在一海子中歲以麻納準夷大兵招之卽投順其人龐然而大然愚蠢飲食男女之外一無知焉

巴里坤在哈密外數百里中界雪山登山而望山以北皆青山以南皆白蓋冬夏積雪也酷寒居氊帳中手稍出袖取飲食卽僵腫必燃炭可避寒氣炭臭惡中毒者輒嘔黑沫行路數武鬚眉成冰當時以牛馬畜牧地利寬衍故大兵駐焉

玉門關在哈密之外千里界于準夷

哈密東去嘉峪關一千六百里漢伊吾廬地明帝置宜禾都尉領屯田唐爲伊州宋入於回紇元末以威武王納忽里鎮之卒弟安克帖木兒嗣明太祖時遣官招諭之許其以馬市易卽遣使朝貢馬封忠順王賜金印正統十年爲北部瓦剌所侵附瓦剌後復見侮于西部土魯番三立三絕嘉靖時以兵部胡世寧言廢置其地不復問而哈密遂服屬土魯番我朝特置協留兵守以備準酋

高昌王子坐室畫魯哀公問政于孔子之像

卡契在札什倫布西南乃纏頭回民所居纏頭者以白布蒙其首不拜神佛別立教主不食酒與犬豕卽唐回紇也部落甚多亦有投于準酋者廣蠶桑織錦緞紬布五色燦爛往來西藏爲賈胡按明史所載哈烈天方坤城諸國其風俗與卡契相似呼曰卡契殆哈烈轉音之誤猶捐毒謂之天竺也

元太祖蕩平西域盡以諸王駙馬爲之君長易前代龜茲焉耆諸國名更以蒙古語其小國則設官置戍同于內地元亡各自割據不相統屬明時順義王俺答以元裔雄視北部羨青海富饒遺其子丙兔率部落據之迄今西寧以南西藏以北皆有番韃二種番者土著韃者蒙古部落也居黑帳房

元亡後西域各自爲長明太祖成祖時先後遣使李達陳誠等徧歷西域招諭諸國其君長來朝貢者數十餘部曰撒馬兒罕曰沙鹿海牙曰達失干曰賽藍曰養夷曰渴石曰迭里速曰卜花兒曰別失八里曰哈烈曰俺都淮曰八答黑商曰于闐曰失刺思曰俺的于曰哈實哈兒曰亦思弗罕曰火刺札曰乞力麻兒曰白松虎兒曰答兒密曰納者失罕曰敏真曰日落曰米昔兒曰黑婁曰討來思曰阿速曰沙哈嚕曰天方曰默德那曰坤城皆有事蹟可采其但奉貢通名于朝者曰哈三曰哈烈兒曰沙的蠻曰哈的蘭曰也克力曰把力黑曰俺力麻曰掃蘭曰脫忽麻曰察力失曰幹失曰卜哈刺曰你沙兀兒曰克失迷兒曰帖必力思曰火壇曰火占曰苦先曰牙昔曰牙兒甘曰戎白白曰兀倫曰阿端曰邪思誠曰捨黑曰擺音曰克亂計二十九部以疆域褊小止稱地面與哈烈等國由哈密入嘉峪關通貢其不由哈密者有十一地面曰乞兒曰麻米兒曰哈蘭曰可脫亂曰蠟燭曰也的于刺曰竹亦不刺曰

因格失迷乞兒曰吉思曰羽奴曰思哈辛亦常通貢然始則遣官招撫繼則貢報頻仍中外驛騷官私交困我國家聲靈赫濯無思不服特設官兵駐劄烏斯達賴而下俯首效順其餘諸國來則撫之去則聽之無經費之繁有居馭之法軼漢唐元明而上矣

撒馬兒罕國卽漢罽賓地隋曰漕國唐復曰罽賓皆通中國元太祖易國名以蒙古語始有撒馬兒罕之名去嘉峪關九千六百里元末爲之王者駙馬帖木兒也明洪武中太祖欲通西域屢遣使招諭而遐方君長未有至者二十年帖木兒首遣使朝貢其國有照世杯光明洞徹照之可知世事帖木兒貢馬上表有曰欽仰聖心如照世之杯帝得表嘉其有文遣使報之時貢名馬及獅子東西三千餘里地寬平土壤膏腴稱其王曰銷魯檀民居稠密富饒西南諸蕃之貨皆聚于此王城東北有土屋爲拜天之所規制精巧俗禁酒人物秀巧過于哈烈而風俗土產多與之同元時回回徧天下及明興居甘肅者甚多詔守臣悉遣之于是歸撒馬兒罕者千二百餘人

沙鹿海牙西去撒馬兒罕五百餘里城西北臨河河名火站水衝急架浮梁以渡南近山人多依崖谷而居園林廣茂西有大沙洲可二百里無水間有之鹹不可飲牛馬飲之輒死地生阿魏及煮草爲糖明永樂閒遣使至其地其酋遣使入貢

達失干西去撒馬兒罕七百餘里城居平原外多園林饒果木土宜五穀民居稠密

賽藍在失干之東紹按失上應有達字西去撒馬兒罕千餘里有城郭地平曠居人蕃庶五穀茂植亦

饒果木夏秋閒草中生黑小蜘蛛人被螫徧體痛不可忍必以薄荷枝掃痛處又用羊肝擦必擇近水地避之元太祖時都元師薛增海刺從征賽藍諸國以砲立功卽此地也

養夷在賽藍東三百六十里城居亂山其地介別失八里蒙古部落之閒數被侵擾以故人散亡止戍卒數百人居孤城破廬頽垣蕭然榛莽

渴石在撒馬兒罕西南三百六十里城周十餘里宮室壯麗堂以玉石爲柱牆壁窗牖盡飾金碧綴琉璃元時撒馬兒罕駙馬帖木兒居之城外皆水田東南近山多園林西行十餘里饒奇木又西三百里大山屹立中有石峽兩崖如斧劈行二三里出峽口有石門色如鐵路通東西番人號爲鐵門關設兵守之或言元太祖至東印度鐵門關遇一角獸能人言卽此地也

迭里迷在撒馬兒罕西南去哈烈二千餘里城在阿尤河東多魚河東地隸撒馬兒罕多蘆林產獅子

卜花兒在撒馬兒罕西北七百餘里城居平川戶萬計市里繁華號爲富庶地卑下節序常

溫宜五穀桑麻多絲綿布帛六畜亦饒明永樂十三年陳誠使自西域還悉詳其山川人物風俗爲使西域以獻以故中國得考焉

別失八里西域大國也南接于闐北連瓦剌西抵撒馬兒罕東抵火州東南距嘉峪關三千七百里或曰焉耆或曰龜茲元世祖時設宣慰司尋改爲元帥府後以諸王鎮之明洪武中

藍玉征沙漠至捕魚兒海獲撒馬兒罕商人數百太祖遣官送之還道經別失八里其王黑的兒火者卽遣千戶哈馬力丁等來朝貢馬及海青紹海按海東青帝喜賜王綵幣嗣遣寬徹韓

敬唐鉦使彼慰諭徹等至王以其無厚賜拘留之敬鉦二人得還三十年復遣官諭之乃還徹成祖卽位貢報頻仍十六年貢使速哥言其王爲從弟歪思所弑而自立從其部落西去更國號曰亦力把里帝以番俗不足治授速哥官都督僉事而遣使賜歪思自是奉貢不絕其國無城郭宮室隨水草畜牧人性獷悍君臣上下無體統飲食衣服都與瓦剌同地極寒深山窮谷六月飛雪

哈烈國一名黑魯去嘉峪關萬二千餘里西域大國也元時爲駙馬帖木兒所據明太祖遣使諭入貢序于西域諸國之首嘉靖後朝貢遂絕王所居城方十餘里壘石爲屋平方若高台不用梁柱瓦甍中殿虛空數十閒窗牖門扉悉雕刻花紋繪以金碧地鋪毡罽無君臣上

下男女相聚皆席地敷坐

紹按敷坐應作跌坐

國人稱其王曰鎖魯檀猶言君長也男髡首纏以白布

婦女亦白布蒙首僅露雙目上下相呼皆以名相見止稍屈身初見則屈一足三跪男女皆

然食無匕箸有磁器以葡萄釀酒交易用銀錢大小三等不禁私鑄惟輸稅于酋長用印記

無印者禁不用市易皆征稅十二不知斗斛止設權衡無官府但有管事者名曰刀完亦無

刑法卽殺人亦止罰錢以姊妹爲妻妾居喪止百日不用棺以布裹尸而葬常于墓閒設祭

不祭祖宗亦不祭鬼神惟重拜天之禮無干支朔望每七日爲一轉周而復始歲以二月十

日爲把齋月晝不飲食至夜乃食周月始如葷城中築大土室中置一銅器周圍數丈上刻

文字如古鼎狀遊學者皆聚此若中國太學然有善走者日可三百里有急使傳箭走報俗

尙侈靡用度無節土沃饒節候多暖少雨土產白鹽銅鐵金銀琉璃珊瑚琥珀珠翠之屬多

育蠶善爲紈綺木有桑榆柳槐松檜果有桃李黎葡萄石榴穀有粟麥麻菽獸有獅豹馬

駝牛羊雞犬獅生于蘆林中其傍近俺都准八荅黑商並隸其國

天方古筠沖地一名天堂又曰默伽水道自忽普漠斯四十日始至自古里西南行三月始

至前代貢使多從陸道入嘉峪關明宣德五年鄭和使西洋分遣其儕詣古里因使人附古

里舟齎貨物偕行其國王遂遣陪臣入朝通貢天方于西域爲大國四時常如夏無雨雹霜

雪惟露最濃草木皆資之長養土沃饒粟麥黑黍人皆頎頎男子削髮以布纏之婦女則編髮蓋頭不露其面相傳回回設教之祖曰馬哈麻者首于此地行教死卽葬焉墓頂常有光日夜不熄後人遵其教久而不衰故人皆向善國無苛擾亦無刑罰上下安和寇賊不作西土稱爲樂國俗禁酒有禮拜寺月初生其王及臣民咸拜天號呼稱揚以爲禮寺分四方九十間共三百六十間皆白玉爲柱黃玉爲地其堂以五色石砌成四方平頂內用沉香大木爲梁凡五又以黃金爲閣堂中垣墉悉以薔薇露龍涎香和土爲之守門以二黑獅堂左有司馬儀墓其國稱爲聖人塚土悉寶石圍牆則黃白玉兩傍有諸祖師傳法之堂亦以石築成極壯麗瓜果諸畜咸如中國西瓜甘瓜有一人不能舉者桃有重四五觔者雞鴨有重十餘觔者皆諸番所爲也馬哈麻墓後有一井水清而甘泛海者必汲以行遇颶風取水洒之卽息當鄭和使西洋時傳其風物如此

默德那回回祖國也近天方明宣德時其酋長遣使偕天方諸臣來貢後不復至相傳其初國王謨罕驀德生而神靈盡臣服西域諸國諸國尊爲別諳扶爾猶言天使也國中有經三十本凡三千六百餘段其書旁行兼篆艸楷三體西洋諸國皆用之其教以事天爲主而無像設每日西向虔拜每歲齋戒一月沐浴更衣必異常處隋開皇中其國因撒哈八撒阿的

幹噶思始傳其教入中國迄元世其人徧于四方皆守教不替國中城池宮室市肆田園大類中土有陰陽星歷醫藥音樂諸技其織文製尤巧寒暑應候民殷物繁五穀六畜咸備俗重殺不食豕常以白布蒙頭雖適他邦不易其俗

坤城其域回回種明宣德五年其使臣者馬力丁等來朝貢駝馬時有開中之令使者卽輸米一萬六千七百石于京倉中鹽及辭還願以所納米獻官帝曰回人善營利雖名朝貢實圖貿易可酬以值于是予以布帛

俺都淮在哈烈西北千三百里東南去撒馬兒罕亦如之城周十餘里地平衍田土膏腴民物蕃庶稱樂土明永樂時通貢

八荅黑商在俺都淮東北地周十餘里地廣無險阻山川明秀人物樸茂浮屠數區壯麗似王居西洋西域諸賈多販其地故民俗富饒明永樂時通貢

于闐古國名自漢迄宋皆通中國明永樂中通貢使先是成祖欲遠方萬國無不臣服故西域之使年年不絕諸番貪中國財帛且利市易絡繹道途商人率僞稱貢使攜馬駝玉石聲言進獻旣入關則一切舟車水陸晨昏飲饌之費悉取之有司郵傳困供億軍民疲轉輸比西歸緣道遲留多市貨物東西數千里間騷然繁費廷臣莫爲言天子亦莫之恤也仁宗朝

給事中黃驥極陳其害仁宗感其言自是不復使西域貢使亦漸稀于闐自古爲大國隋唐開侵并戎盧扞彌渠勒皮山諸國其地益大南距葱嶺二百餘里東北去嘉峪關六千三百里大略葱嶺以南撒馬兒罕最大以北于闐最大元末時其主暗弱鄰國交侵人民僅萬計悉避居山谷生理蕭條明初西域受約束不敢相攻殺于闐始獲休息漸行賈諸番復致富庶桑麻禾黍宛然中土其國有玉河鄰國亦多竊取來獻

失刺思近撒馬兒罕明永樂後時貢獅子文豹名馬弘治五年哈密王陝巴襲封歸國與鄰境野七克力酋結婚失刺思酋念其貧與以鄰部遣人請頒賜財物助之成婚朝議義之厚賜陝巴並賜二國

俺的于西域小部落明永樂時附哈烈通貢以地小後竟不至

哈實哈兒亦小部落貢使不能常至

亦弗思罕地近俺的于明永樂時偕鄰國失刺思共貢獅豹西馬賚白金鈔幣

大刺札圖微弱四圍皆山鮮草木水流曲折亦無魚蝦城僅里許悉土屋酋所居亦卑陋俗敬僧明永樂時通貢弘治五年其地回回怕魯灣等由海道貢玻璃瑪瑙諸物孝宗不納賜道里費遣還

乞力麻兒明永樂中遣使來貢惟獸皮鳥羽鬪褐俗喜射獵不事耕農西南傍海東北林莽深密多猛獸毒蟲有遠巷無市肆交易用鐵錢

白松虎兒舊名速麻里兒常有白虎出松林中不傷人亦不食他獸旬日後不復見國人異之稱爲神虎曰此西方白虎所降精也因改國名其地無大山亦不生樹木無毒蟲猛獸之害然物產甚薄

荅兒蜜服屬撒馬兒罕居海中地不滿百里人不滿千家無城郭上下皆居板屋知耕植有毛褐布縷馬駝牛羊刑止箠朴交易用銀錢

納失者罕東去矢刺思數日程皆舟行城東平原饒水草宜畜牧馬有數種最小者高不過三尺俗重僧所至必供飲食然好氣健鬪不勝者衆噉之

敏真城地廣多高山中日爲市諸貨駢集貴中國磁漆器產異香駝馬

日落國明永樂中兩貢奏求紵絲夏布磁器詔皆予之

米昔兒一名密思兒明永樂正統時兩遣入貢禮官言其地極遠未有賜例酌賜綵幣白布後不復至

黑婁近撒馬兒罕世爲婚姻其地山川草木禽獸皆黑男女亦然明時屢貢馬駝獅子及玉

石礪砂鑛鐵刀諸物

討來思地小周徑不百里城近山山下有水赤色望之如火俗佞佛婦人主家柄產牛羊馬駝有布縷毛褐土宜稜麥無稻交易用錢

阿速近天方撒馬兒罕幅員甚廣倚山面川川南流入海有魚鹽之利土宜耕牧敬佛畏神好施惡鬪物產富寒暄適節人無飢寒夜鮮寇盜雅稱樂土

哈沙魯在阿速西海島中山川環抱饒富產人性僕直恥鬪好佛海產奇物西域賈人以輕直市之其國人不能識

魯迷去中國絕遠明嘉靖三年遣使貢獅子西牛五年冬復以二物來貢既頒賜其使臣言長途跋涉費至二萬二千餘金請加賜乃如洪武撒馬兒罕例益之其貢物有珊瑚琥珀金剛鑽石磁器鎖服撒哈刺帳羚羊角西狗皮猓獠獠皮鐵角皮之屬

右與國

察木多在洛隆宗東五百九十里爲川滇進藏通衢有二城一昔時滇兵行營一川兵行營叭吧喇嘛所轄之地也較藏稍寒有僧四千五百餘民七千六百餘風俗彷彿藏地女未嫁披其髮既嫁以珊瑚作兩花懸于額之左右不歸寧設以事過母門止之門外飲以茶酒母

至女家亦如之忌婦女入人家舍謂不祥僧廟內尤不許入與僧私卽剝男女皮實以草懸之廟門織罽曰波裏凹曰牛絨產綠松石土宜稞麥圓根豌豆梨杏核桃南與滇民通貿易故有稻米自喇哩至此其民皆名康巴

乍丫在察木多東五百三十里俗樂竊好鬪男女結婚俱于轉閣前互歌相悅則以糴糶結女髮間爲約產松蕊石乍丫呼圖兔主之

右隣番

巴塘在乍丫東五百五十里其地邦木汎與西藏定界處也向與裏塘俱隸雲南之土司吳逆叛滇欲勾結達賴喇嘛以控制全蜀因遣人以裏巴之地畀達賴受之置官司以大喇嘛及碟巴主之後準酋踞藏盡得其地康熙五十八年威信公岳以永寧協領兵進剿賊帥黑喇嘛遠遁後請制軍以裏巴塘爲進藏要道歸于川省雍正四年間改設流官土司遇缺出令番衆公舉熱傲轉請于朝熱傲者裏巴士目稱也先是大兵至巴有堪布曰包喇嘛者率其頭人羅祝以目衆受撫事平威信重包喇嘛恭順也召赴省城同羅祝養膳之已而喇嘛乞回乃請以羅祝爲彼地土司雍正七年閒奔子攔地方議設土司乃以藏目札什彭楚充巴塘宣撫正司阿旺林青充副司別調羅祝爲奔子攔守備已議分川滇界歸奔子攔于滇

羅祝貪民爭控逐之仍歸于巴閒住札什彭楚桀黠多智以功授職桑昂邦之地有八結喇嘛者多妖術縱其民爲盜行旅苦之已遣參將胡兆基督部進剿不能克詭言就撫旣被議委雅州守張植往訊札什彭楚乃請自平之至則以重幣見八結與盟誓約爲兄弟曉以恩威八結自是歛戢有賊竊其馬並挾一婢行彭楚遣人獲于隘乃請于官以夷法治懸賊于竿首百人自下叢射斃之其爲從者剔其目夷民終彭楚效奔走力後以己病請委其子協辦夷務制府允之乾隆十六年副土司林青歿公舉其子班鳩受職十七年正土司彭楚歿亦公舉其子汪結受職巴塘地平衍水甘多良田產稞麥葡萄石榴水銀犁牛蜜蠟土司居城內編籬爲園植牡丹芍藥桃李花開爛漫彷彿內土南鄰滇有稻米旱米旱米者植稻于山同于麥豆性堅味甘民富饒勤稼穡諸城堡有公所五曰雌煞龍曰空打弓曰白馬弓曰策芝龍曰營官院歲收穫男女羣聚公所爲裏粧戲三日事畢卽力作爲來歲計婚姻憑媒妁論根基以牛馬爲聘擇婚期不令女知親朋羣往出不意挾女上馬以歸畢賀夫婦不同寢旬日卽歸母家閱一歲再迎然後成夫婦擇婚最慎有兩三女共嫁一男者有兩三男共娶一女者限于氏族也遇喪男女薰面不剪髮不沐浴夫婦不同宿鄰里不歌舞各寨落分遣熟傲轄之其土千戶則視屬也共番民八千一百五十三戶有大喇嘛寺居堪布其餘各

寺喇嘛共九千四百八十餘人二郎灣北及南墩俱有漢人寺番稱幹木南規制同于內地吳逆叛滇時僞公主所建也拜禱者甚多土民歲輸青稞牛馬狐皮折征銀三千二百三十五兩四錢五分由爐同知撥充永寧協兵餉其附近臨卡石五小部落亦附巴塘管束裏塘在巴塘東五百二十里向與巴塘俱隸西藏設僧俗營官各一車零敦多布之變遣人佔踞康熙五十七年大兵進裏擒達娃郎章巴及僧俗營官正法令頭人夷衆公舉悅服之人爲正副營官雍正七年給印授營官安本爲宣撫正司康卻江錯爲副司照流官例更替立堪布一名專理黃教喇嘛三千八百四十九人番民六千五百二十九戶裏塘地寒六月晴明時亦飛雪數點山甚大而迤邐平衍由明正司渡雅龍江山勢頓跌起伏數百里至裏開平洋方百餘里背爲水星面拱廉貞峰狀如毘盧帽中遶諸水左右羣巒環護山坡大喇嘛寺第三輩達賴成道處也坡前里許六輩達賴降生處蓋山川扶輿之氣出仙佛焉寺昔在山上僧僅數十人後移于山坡多至二千餘人樓殿層聳金碧輝煌掩映售各部佛經其板則藏于雲南之土司土產貝母冬蟲夏草黑狼托牛山羊稞麥菩提珠菩提珠者先有老僧手種菩提樹三株開白花結子如芡實有紋如眼一眼者爲鳳三眼者爲龍風俗同于巴塘男女衣著均同西藏女以銀錢懸于鬢左大右小亦綴于髮辮之末土司安本之母與達

賴之母為女兒乾隆十五年官兵既平大金川其土酋色勒奔細之姪曰汪結先以革什咱土司之甥自投順既不敢歸乃請于朝亦充副土司同前兩土司共撫夷衆歲納麥稞折征銀四百五十兩于爐同知撥充兵餉後以土司無養贍議分給銀四百四十八兩五錢給喇嘛衣單銀六百兩雜糧一千七百五十四石牛隻酥油麥以次而減由土司征收轉撥所轄附近小部有五瓦述嗣因長垣土官督兵遲悞寘之法裁其部歸于德格今存瓦述之部四日崇喜曰毛了曰曲登曰毛茂了皆居黑帳房事畜牧

右裏巴二塘

建昌鎮道統轄 寧遠府及鎮標中營屬 建昌河東長官司安鳳英 長村土百戶喇助

大石頭土百戶沈渣 繼事田土百戶三春 沙馬宣撫司安阿哥 阿都正長官司綠氏

阿都副長官司賒喇 德昌鎮標左營所屬 建昌堪普濟州長官司吉興爵 昌州長官司盧

定昌 威龍州長官司張應詔 會理州營屬 黎溪舟土千戶自誠明 迷易土千戶安世

祿 紅卜苴土百戶刁維藩 普隆土百戶沙金龍 披沙土日者保土目祿日昇兼理

鹽源縣合鹽營屬 馬喇長官司阿鳳騫 鹽井衛瓜別安撫司己角補 中所土千戶喇用中

左所土千戶喇南仲 右所土千戶喇氏 右柏樹土千戶郎三保 前所土百戶阿成福

後所土百戶白耳居 木裏安撫司六藏塗都 寧越衛屬 松林地土千戶王朱 料

林坪土百戶楊家因 野猪塘土百戶長命噶 白石村土百戶周文玉 前後土山百戶

羅蘇依 六翁土百戶都叭沙 老鴉漩土百戶汪定邦 煖戴土千戶嶺瑞祥 濫田填

沈渣土百戶覺魯 越嶺衛屬 叩部宣撫司嶺竣德 沙卡土千戶嶺崎居 冕寧縣屬

白路土百戶阿施 虛郎土百戶魯志 酥州土千戶果啞 苗出土百戶穀扒呷 大

村土百戶吽媽咱 糯白瓦土百戶咧兒 窩卜土百戶打穀咧 迤東大鹽井土百戶者

布葉 熱即哇土百戶哪咱 三大枝土百戶保福寶 架州土百戶哪咱 中村土百戶

喇媽保 阿得橋土百戶遮遮 河西土百戶布查

川東道統轄 夔州府屬 石碛宣慰司馬孔照

永寧道統轄 敘州府屏山縣屬 泥溪長官司王世臣 平彝長官司王錫爵 蠻彝長

官司文煜 沐川長官司悅忠 馬邊營屬 涼山窰黑土百戶雪烏 賦乃窰土百戶安

土 涼山旁阿孤土百戶于三 涼山明州樂土百戶因甲 大羊腸噶略土百戶雙底

幹田填土百戶六貴 麻柳填土百戶必氏 涼山阿招土百戶日科 油石峒土百戶落

姑 雷波衛屬 土千總楊吉趣 冷紀土百戶米鐵 瀘州屬 九姓長官司任啓烈

右川邊職官

此書二冊不分卷題歸安陳克繩衡北纂輯前有分巡松茂道張之浚序首西藏事跡次疆域次佛氏次政教次風俗次物產次屬番次與國次鄰番次巴裏二塘次建昌鎮道統轄官長據張序言衡北任蜀之保縣旋擢茂州牧打箭鑪廳同知金川之役身在兵閒任轉輸之事故據其耳聞目見著爲此書視他人專按圖籍者較爲詳核余獲此帙於武林坊肆殆近二十載故人吳松鄰曾假閱一過從臾授梓旋以卷中訛文奪字校訂爲難遂爾中輟昨歲偶訪吳寄荃同年語及研攷藏衛邊事已數十年積稿盈尺因取茲編屬爲校核頃撰成提要持以見過並就行閒改其譌謬補其缺失叢榛積莽爲之一清異時重爲繕錄據以入梓使前人撰述辛勤之力不致湮沒於蟲蠹之中則寄荃之惠我實多矣甲戌四月六日時將南游衡岳倚裝書此藏園老人記


西域遺聞二冊歸安陳克繩衡北纂輯舊寫本前有分巡松茂道張之浚序首西藏事跡次疆域次佛氏次政教次風俗次物產次屬番次與國次鄰番次裏巴二塘次建昌道統轄土司共十一門其所載事跡內如準酋納兵始末大兵進藏等事皆紀岳威信公語殆當時身參戎幕故特詳於他書政教所釋衛藏之義縱噶之義均爲他書所未

詳亦有略而不詳者如風俗物產內所載婦女見喇嘛及卦卜等不及西藏圖識之明瞭扎不扎雅延壽果蠻酒不及竺國紀游山川源流亦不同西藏圖考見聞異辭固史家舊例也屬番內所載桑駝駱海產白鹽藏民資以食科爾喀兩次用師實因鹽滲沙土之細故釀成絕大風波而平定巴勒布紀略平定廓爾喀方略均未提及是書獨載產鹽之區尤見詳人所略與國鄰番大抵採自明史各書而大宛與火州二則述紀中丞王游戎語紀名斌爲四川巡撫及駐藏大臣王游戎官階較小未詳其名無從考證要一身仕邊陲者其言信而可徵也疆域內所載寧靜山頂立界爲世宗實錄所刪僅記巴裏二塘稅入賞給達賴喇嘛一事黃沛翹西藏圖考載劃界事諒宗是書近時英人爲中藏劃界力持此議昌都等處日尋干戈未始不由此厲階甚矣紀述之不可不慎也又考湖州府志進士表陳克繩字希范己酉舉人雍正十一年進士今官保縣知縣時保縣未歸併汶川蓋府志採訪時其人尙爲大令而張序則云由保縣擢茂州牧題補打箭爐同知出守嘉定分巡川東溯其一生官迹在川邊爲久值金川蠢動膺飛輓重任而兩金川方略絕無其名王昶查禮同辦軍需事而春融堂隨筆亦無往還豈官卑職小與迨後洊升府道權稅夔關或出王師奏凱之剡章是書爲權稅時所手輯晚年追述

舊聞皆所身歷之途目擊之事非向壁虛造東塗西抹者所能望其項背亟宜付梓以廣流傳惜有亥豕魯魚脫落費解之語自是傳鈔之訛若按各書校正之則不致以訛傳訛矣吳燕紹跋于自新軒

歲甲戌家君過藏園傅丈沅叔出舊寫本西域遺聞二冊相示曰此稿向無刊本欲授梓而苦其訛奪泰甚執事盍一讐正以弭此遺憾家君讀既竟喜其類別釐然記事翔實多他書所未及因取衛藏圖識竺國紀游諸書爲之校補且撰提要其無考者謹從蓋闕之義焉今歲之夏顧君起潛廷龍慨夫邊陲史籍傳世無多爰鳩同志集邊疆叢書所以使世人洞邊情而固疆圉意至善也于是詣傅丈許以是書弁首爲請既承允諾亟付排比家君所補訂者若干則亦增本事之後冠以某按用別原注其傅丈跋語及提要并載書尾原書於顯達輒姓而不名今不揣樸昧亦逐爲考補至官名人地名之譯音各書互異不敢擅易謹存其真以俟君子校訂之事起潛與余分議之而起潛之勞爲多校印既畢聊綴數語以詳其始末焉丙子中秋吳豐培跋于中海清華堂

南詔野史



南詔野史原序

帝王有天下有國史以紀事有野史以僉載滇雖邊徼亦有野錄但所紀多釋老不經兼漫漶無序六詔事竟罔聞知予戍滇久欲一考求弗得適黔國沐公雲樓出古滇集示庠士始得披閱焉視中丞翁溪顧公南詔事畧則加詳矣無何復得前知蜀威遠縣事滇人倪輅所集野史一冊而六詔始末具備誠郡乘之稗史也不壽諸梓不猶秘論衡者乎因蒼萃成編名曰南詔野史而是編也有四善焉辨方也託俗也好古也傳後也上以廣

國家方興一統之盛下以備古今演雲始末之詳比於虞
初九百之說方朔三千之牘不庶幾其有益乎爰序而書
之

書

皇明嘉靖二十九年庚戌歲秋八月四川新都楊慎升菴

氏撰

南詔野史新序

遊萬里而不識其山川疆上古今人事物類之數則猶弗遊織矣而又不能筆於簡冊備夫考求仍弗遊也予嗜古而好遊兩涉滇南往來三迤行且數數每於登眺流連之際緬懷往古輒欲援以証今而風塵輿馬間探索有所未逮間日披覽志乘於滇雲典故始畧識其概迨後辱修白井東川二志則一方之紀載又具焉然常竊疑山叢然而高水潺然而深都會非不大也區市非不廣且奧也蒼蒼莽莽其區市都會之外豈古來之荒遠寂寞盡若此乎及

讀升菴先生南詔野史一編所紀類多志乘所闕遺而蒙
段九姓竊土僭號其始末尤詳指所在而求之則山巔水
涯宜無不得其遺迹者是荒遠者非荒遠而寂寞者非寂
寞滇雲典故於斯爲備而後嘆嗜古之非易而好遊之不
多得也於是訂其僞佚正其踳駁錄而并諸行笈以爲登
眺之資述而不作則亦守夫尼山之教云

崑

大清乾隆四十年乙未歲季冬月吉旦湖南武陵胡蔚羨
門氏序於葉榆之旅邸

增訂南詔野史目錄

上卷

南詔之稱

六詔考

南詔分野

南詔歷代稱名不同

南詔歷代據土總綱

南詔稱謂官制

南詔三十七蠻部

南詔歷代

鄯闡國

白崖國

昆彌國

滇國

白子國

建甯國

大蒙國

大長和國

大天興國

大義寧國

大理國

大中國

後理國

下卷

段氏總管

南詔歷代名宦

南詔歷代鄉賢

附 元朝進士

南詔各種蠻夷

凡六十條

南詔古蹟

凡八十條

紀事

續紀事

滇南月節詞

增訂南詔野史上卷

明四川新都楊

慎升菴編輯

大清湖南武陵胡

蔚羨門訂正

南詔之稱

蠻夷稱王曰詔先時滇有六詔各據其地六詔中蒙舍詔

最強後併吞五詔故獨稱南詔

六詔考

六詔之地東西四千
里南北二千九百里

蒙舍詔

蒙舍詔處五詔之南後奴邏曾孫皮邏閣併吞五詔獨

稱南詔今

蒙化廳是

遼賧詔

大理府鄧州是

施浪詔

施望欠

句召守是

上

浪穹瀾茨河蒙次和山浪穹詔豐時立國居浪穹後其孫鐸羅望遷劍川改稱

今大理府浪穹縣是劍浪詔今麗江府屬劍川州地是越析詔波衝立國亦稱摩斐詔又號

後其兄之子子贈蒙篤詔篤輔立國居越篤今四

渡瀘邑於龍佉河篤遠府越篤廳是

南詔分野

在天井鬼入參一度漢書次鶉首未位晉書麗申台上位

北斗開陽一星宋書在地乃梁州裔土蜀之苑囿河圖緯

南詔歷代稱名不同

周鄰闡國白崖國昆彌國戰國時滇國漢西南夷益州白

子國後漢建甯國晉宋齊梁陳甯越隋昆州唐初南甯六

詔唐文宗太和間名鄯闡府宋仍名南詔元名中慶明名
雲南省

因之按漢武帝元狩元年彩雲見南中

在今大理府雲
趙州之白崖

南之名始此唐元宗間蒙舍詔盛邏皮之相張建一作成

任何處曰南邊雲下因命為雲南又元宗見祥雲起各祥

州今大理府之雲南縣也

南詔歷代據上總綱

鄯闡國蒙苴頌昆彌國莊躋仁果龍佑那據於周秦漢迄

六朝細奴邏據於唐鄭買嗣趙善政楊于貞段思平高昇

南詔序

上卷

七

秦暨正清相繼據於唐末迄南宋凡歷有九姓而雍闥孟
獲不與焉段氏於南宋理宗壬子清祐十三年爲蒙古所
滅而段實於理宗景定二年襲總管傳十二世明太祖壬
戌洪武十五年平雲南擒段世并段明之二子苴仁苴義
賜苴仁官雁門衛鎮撫苴義官武昌衛鎮撫段氏之世土
方絕而又別封其族人段保爲大理府雲龍州土知州

國朝尚有襲土職者

南詔稱謂官制

南詔稱帝曰驃信王曰詔自稱曰元稱后曰信麼亦曰九

麼妃曰進武兄曰容弟曰鍾下曰梟其設官則有把國事
八人曰坦縛曰布燮曰九贊謂之清平官曰西望曰正西
望曰員外西望曰大將軍曰員外又設九爽之名爽省也
功爽主官人宗爽主戶籍嵩爽主財用慈爽主禮引爽主
賓客幕爽主兵罰爽主刑厥爽主工作禾爽主商賈皆清
平官西望大軍將兼之以清平官子弟爲羽儀長八人清
平官見王不得佩劍惟羽儀長佩之又有六曹長二人曹
長有功陞大軍將大軍將凡十二人又立三託巨託主倉
廩氣託主馬祿託主牛大府主將曰演習副曰演覽中府

主將曰繕裔副曰繕覽下府主將曰澹酋副曰澹覽小府

主將曰幕搆副曰幕覽每府有陀酋陀酋即掌書記判官

之類外有八節度使曰弄棟節度使今楚雄府姚州曰銀生節度

使今景東廳及鎮沅州地是曰永昌節度使今永昌府是曰麗水節度使今麗

江府是

曰劍川節度使今麗江府劍川州是曰東川節度使今東川府是曰

通海節度使今臨安府通海縣是曰拓東節度使今雲南府昆陽州北平定鄉蒙氏子

鳳伽異曾築城於此地

又有二都督曰會川都督今四川寧遠府會理州地是曰

通海都督又設十賧蠻語謂酋曰羊賧又名羊賧即今大理府太和縣趙

州賧今大理府趙州白崖賧又名勃弄賧今趙州之白崖雲南賧今大理府雲南縣蒙

舍臉今蒙化廳大鑿臉又名史臉今大理府遼川臉今大理府品澹臉

蒙秦臉矣和臉臉趙州臉白崖臉而不作義督臉今劍川

州威遠臉今普洱府威遠廳南河東臉未詳其地越臉今永昌府瀾越州北方臉又名威儀臉今永北廳樓頭臉今

四川叙永縣屬永寧縣路臉今楚維府廣通縣與雲南臉以下七臉異按又考此七臉中其越臉北方臉樓頭臉

路臉凡四臉見於漢地理志及唐書南蠻中臉並凡人作臉言因字既不同音又各異似非列於十臉之數

丁壯者皆為戰卒王之親兵曰朱弩佉苴音咀按元微之

作賦雖未審孰是佉苴韋帶也每兵百人置羅苴子統一人戴朱

韃鑿負犀革銅盾而跣足自大軍將以至曹長皆繫金佉

苴尚緋紫有功加錦又有功加金波羅皮即虎民兵號白衣

南沼野也 上卷 四

凡民兵出以望苴蠻為先驅

南詔三十七蠻部

因遠部

威遠驗治其地總名

休臘部

今臨安府河西縣

嚼峨部

今臨

安府峨

屈申部

今臨安府阿迷州

溪處甸部

伴溪落恐部

今俱為長官司

屬臨安府鐵容甸部

今為府容長官司

官桂思陀部

今為思陀甸長官皆屬臨安府

王弄部強現三部

今屬開化府

師宗部

今廣西州師安縣

彌勒部

今廣西州

彌勒吉輪部

哀惡部

俱在彌勒縣地

維摩部

即廣西府維摩州地

羅雄部

今曲靖府羅平州

納垢部

今曲靖府馬龍州

落温部

今曲靖府陸涼州

磨

彌部

今曲靖府霑益州

仁德部

今曲靖府尋甸州

夜苴部

即曲靖府亦佐縣縣裁今歸羅

平**强宗部**即澂江府陽宗縣**步雄部**今澂江府江川縣**羅伽部**即

州**雄部**分地**休制部**今澂江府新興州**落蒙部**今澂江府路南州**彌沙部****邑市部**

皆落蒙部子**陽城堡部**今雲南府晉甯州**羅部**今雲南府羅次縣**干矢部**

孫分治之**羅葵部**俱在武定府和曲州**華竹部**今武定州元謀縣**洪農****碌券**

部今武定州祿勸縣**掌鳩法塊部**在祿勸縣城東五里○**白鹿**

部今楚雄府**謀統部**今麗江府鶴慶州○以上二部在迤西地

南詔歷代

自古記西天天竺摩竭國阿育王驃苴斜音低娶欠蒙虧為

妻生低蒙苴苴生九子長子蒙苴附羅十六國之祖次子

有召字也

上卷

五

蒙直廉吐蕃之祖三子蒙直諾漢人之祖四子蒙直酬東

蠻之祖五子蒙直篤生十二子七聖五賢蒙氏之祖六子

蒙直託獅子國之祖七子蒙直林交趾國之祖八子蒙直

頌白子國仁果之祖九子蒙直閼初六切白夷之祖○哀牢

今永昌府夷傳哀牢蠻蒙伽獨捕魚易羅池在永昌府城南溺死其妻

沙壹一作壺往哭之水邊觸一浮木有感而姪產十子後携

子至池上木化為龍人言曰我子安在九子驚走獨季子

背龍而坐龍舐其背蠻語謂背為九坐為隆故名之曰九

隆氏哀牢山一名天井山在永昌府下有婦名奴波息生十女九隆

弟兄娶之立爲十姓董洪段施何王張楊李趙皆刻畫其
身象龍文於衣後著尾子孫繁衍居九龍山山在永昌府城南谿
谷間分九十九部而南詔出焉

鄯闡國

周時立國年代久遠其姓名世次莫考

白崖國

西天天竺摩竭國阿育王低蒙苴第八子蒙苴頌居白崖
因地名號白崖國傳世莫考後昆彌氏繼之號昆彌國

昆彌國

一名拜國

昆彌氏傳世姓名莫考戰國時楚將莊躋據滇并有其地
號滇國

滇國

戰國時楚頃襄王命將莊躋范蔚宗後漢書作莊豪將兵循江上畧

巴蜀黔中以西躋至以兵威畧定滇地屬楚欲歸報會秦

司馬錯攻楚黔中道塞躋遂以其眾王滇號滇國躋之後

有王常羌者好佛國勢不振法令不行國人遂推白崖國

蒙白頌之後白飯王之裔仁果為王治白崖於是兩國角

立後仁果奉漢封為白子國

白子國

漢武帝通西南夷遣使至滇求身毒國滇王常羌問使者曰漢孰與我大使者還報武帝怒其言不遜時白崖國蒙苴頌之後天竺國白飯王之裔仁果者爲眾所推立於白崖武帝乃册封仁果爲王號白子國後遷於澂江今澂江府追龍佑那繼之號建甯國○又一說白子國之先有阿育國王能乘雲上天娶天女生三子長季二子封於金馬碧雞獨封仲子於蒼洱之間崇奉佛教不茹暈日食白飯人因稱爲白飯王迨後有仁果者漢封爲滇王號白子國又十

五世至龍佑那後漢諸葛武侯南征次白崖以佑那為酋
長賜姓張氏仍統其民號建甯國

建甯國

後漢後皇帝乙巳建興三年益州耆帥雍闓假鬼術殺建

甯太守王昴歸東吳吳王孫權以闓為永昌守後漢諸葛

武侯南征至白崖殺雍闓擒孟獲乃封白子國王仁果十

五世孫龍佑那為酋長賜姓張氏於白崖築建甯城蔚按

城廢址在今大理蔚按號建甯國立鐵柱蔚按按今彌渡有鐵柱

府趙州之彌渡蔚按建甯國王張樂進求甫鑄後南詔蒙
世隆復重鑄名曰天尊柱高八尺并南中紀功碑銘其背

曰萬歲之後勝我者過此迨至隋時行軍總管太平公史
萬歲征南甯夷獯貊破三十餘部至此見其碑銘命左
右踏之其碑跌中復有誌曰史萬歲不應踏吾碑萬歲驚
異復樹碑祭拜而去後張龍佑那仍遷國澂江傳三十二
世至十七世孫張樂進求唐太宗己酉貞觀二十三年封
爲首領大將軍後見蒙舍川蒙細奴邏有奇相遂妻以女
遜國與之奴邏自稱奇嘉王建號大蒙國又稱南詔

以上六國年代久遠莫詳世次畧序其綱如此
南詔大蒙國而下目列之

南詔大蒙國

傳十三世

細奴一作農

邏一作羅

偽諡高祖奇嘉王

細奴邏又名獨羅消西天天竺摩竭國阿育王低蒙直第

五子蒙直篤之三十六世孫生有奇相唐太宗貞觀初其

父舍尫又名龍伽獨將奴邏自哀牢避難至蒙舍川耕於

魏山

今蒙化廳之魏寶山

一日有老僧美髯冠赤蓮冠披袈裟持鉢

至奴邏家乞食時奴邏與子邏盛炎方耕魏山之下其姑

與婦將往饋見僧乞食遂食之再炊往饋僧坐不去姑婦

持餉中道僧已在彼復乞食姑婦又食之返而復炊持饋

至巍山則見僧坐盤石上前有青牛左白象右白馬上覆
雲氣雲中二童子一執鐵杖於左一執方金鏡於右姑婦
驚喜復以所餉供之僧問何所願姑婦不知對僧曰奕葉
相承及趣奴邏等至則但見一人持鉢坐五色雲中而盤
石上惟餘衣痕及牛象馬之跡耳奴邏素有祥異會唐封
首領大將軍建甯國王張樂進求以諸葛武侯所立白崖
鐵柱歲久剝蝕重鑄之因社會祭柱柱頂故有金鏤鳥忽
能飛集奴邏左肩相誠勿動八日乃去衆駭異謂天意有
屬進求遂妻以女舉國遜之於唐太宗己酉貞觀二十三

年卽位年三十二歲建號大蒙國稱奇嘉王據南詔高宗

庚戌永徽元年建都蒙舍川於巘吁山在今蒙化廳西築

巘吁城永徽癸丑四年遣邏盛炎入朝唐詔授奴邏爲魏

州今蒙化廳刺史賜以錦袍大勃弄今大理府酋楊承顛寇麻

州在今曲靖府馬唐命郎州唐貞觀初分牂牁郡北界置

道行軍總管趙孝祖討之孝祖先入小

勃弄今雲南酋長沒盛迎戰孝祖斬之進至大勃弄攻其

城破之擒楊承顛改雲南縣爲匡州領勃弄匡州二縣高

宗顯慶二年鳳鳴於浪穹羅浮山乃改名爲鳳羽山在大

浪穹縣西南三十里又封十二聖賢為十二山神時激江
各鳥吊山見水經註

人波羅旁有經濟才用為文臣郭郡矣素以勇略聞用為
武臣又有楊波遠者相傳為東漢時人常騎三角青牛號
神明大士能知鹽泉漠中鹽泉多為波遠所開創奴邏在
位遵唐正朔高宗甲戌上元元年奴邏卒在位二十六年
子邏盛炎立

邏盛炎又名邏晟

偽諡世宗興宗王

邏盛炎唐高宗甲戌上元元年即位年四十歲以張建成
為相明年盛炎臨朝元宗王子先天元年姚州蠻叛歸吐

蕃唐命御史李知古討之築城立州縣知古誅豪傑掠子女蠻怨引土蕃攻殺知古於是姚雋路絕而盛炎獨奉唐正朔是年盛炎卒在位三十九年子盛邏皮立

盛邏皮

石刻作誠樂魁

封臺登郡王

偽諡太宗威成王

盛邏皮唐元宗壬子先天元年即位年四十歲明年為元

宗癸丑開元元年唐授邏皮為特進封臺登郡王

今四川甯遠府

冕甯設官徵商稅開元二年遣張建成入朝於唐立土主

廟開元九年皮叛唐開元十四年立廟祀晉右軍將軍王

羲之為聖人元宗戊辰開元十六年邏皮卒在位十六年

子皮邏閣立

皮邏

羅 一作閣 石刻作歸義 王魁樂覺

封雲南王

皮邏閣唐元宗戊辰開元十六年即位年三十一歲開元

十八年滅五詔自稱南詔王先是蒙氏恐三十七蠻部不

服選親族為五詔未幾五詔抗命邏閣遂賂劍川節度使

王昱求合六詔為一昱奏於朝許之邏閣乃豫建松明大

樓祀祖於上使人諭五詔曰六月二十四日乃星回節按

大理郡志漢元封間葉榆婦阿南者為酋長曼阿娜之妻
娜為漢將部世忠所殺欲妻南南曰能從三事當許汝一
作幕次祭故夫一焚故夫衣易君新衣一令國人皆知我
以禮嫁忠如其言明日聚國人張松幕祭其夫下置火南

藏刃出俟火熾焚夫衣卽引刀自斷其頸仆火中時六月二十五日也國人哀之故歲以是日燃炬弔之名爲星回節云是又當爲二十五日當祭祖不赴者罪四詔聽命惟越析詔波衝之兄子于贈遠不赴會而遼賅詔豐時孫波遼遼之妻慈善者止遼遼勿赴遼不聽慈善不得已以鐵釧穿於遼臂而行二十四日遼遼及施浪詔施望欠弟施望于浪穹詔豐時孫鐸羅望蒙鶴詔篤輔子羅原皆至遼閣所遼閣偕登樓祭祖祭後膏胙食生飲酒迨晚四詔盡醉遼閣獨下樓焚錢遽縱火火發兵圍之四詔皆焚死遼閣遣使至四詔所報焚錢失火四詔被焚狀令各詔收骨四詔妻至莫

辨其骨獨蒸善國鐵釧得焉携歸葬之邏閣既滅四詔取

各詔宮人念慈善慧而甚美遣兵圍其城迫取之慈善曰

吾豈忘夫事仇者聞城堅守半月城中食盡慈善度不能

支即自殺時七月二十三日也邏閣嘉其節乃封贈為寧

北妃并旌其城曰德源城城廢址在今大理府鄧川州城東北二里許開元戍

寅二十六年邏閣破吐蕃及彌蠻入朝元宗禮之加封為

特進雲南王越國公開府儀同三司賜名歸義並錦袍金

鈿帶七事王歸國以兵逐洱河蠻築太和城今大理府城南十五里太和村

和村又築大釐城今大理府城北四十里喜州是守之盡有雲南之地唐

與召乎也 仁卷 二二

授王子閣邏鳳右領軍衛大將軍兼陽瓜州刺史開元二

十七年明矯叛破劍川浪穹永昌開元二十八年王討明

矯平之開元辛巳二十九年王自蒙舍川遷居太和城立

龍首即今龍尾二關唐加閣邏鳳為左領軍衛大將

軍元宗癸未天寶二年築羊苴咩城於太和城之北即今大理

府唐遷閣邏鳳為左金吾衛大將軍尋拜特進都知兵馬

大將軍天寶甲申三載西方進獅子皮唐加閣邏鳳為上

柱國天寶乙酉四載十月城永昌天寶丙戌五載王遣孫

鳳伽異入唐唐授伽異為鴻臚少卿妻以宗室女賜龜茲

樂一部元宗戊子大寶七載王卒在位二十年子閣邏鳳

立

閣邏鳳

一作覺樂鳳按德化碑云家居閣邏鳳則是取地名以為名也

襲封雲南王

偽謚神武王

元建

閣邏鳳唐元宗天寶戊子七載即位年

三十六歲唐遣中使黎敬義持節册鳳襲封雲南王勅置

陽瓜州於蒙舍田加授鳳伽異為上卿兼陽瓜州刺史都

知兵馬大將軍天寶庚寅九載王率妻子往謁都督李宓

巡雲南太守張虔陀私之又多徵求王表虔陀之罪中官

竇蒨後抑之不得達王復遣將軍楊羅頗等連表控告元

宗仍不省鳳怒遣大將軍王毗雙羅時等發兵攻虔陀虔

陀飲醜死遂取姚州并夷州三十二獲唐舊州西瀘今鄭

回以歸愛其才用為清平官天寶辛卯十載唐命劍南節

度使鮮于仲通將兵八萬征雲南鳳赴瀘南在楚雄府姚州之城北一

百五謝罪願還所俘掠請罷兵仲通不許分三道而進仲

通自南谿路大將李暉自會同路都督王知進自步頭路

今臨安鳳就安甯再伸哀悃仲通不聽兵至曲州靖州二

府地鳳復遣首領楊子芬叅軍江如之贊狀言若不罷

今為曲靖府地兵即當歸吐蕃恐雲南非唐有仲通終不許囚其使進薄

白崖城別遣大將王天運統師進出點蒼山後鳳遣鳳伽異
及大軍將段儉親迎山後師自逆戰於西洱河唐兵大敗
死者八萬人王天運戰歿仲通僅以身免鳳乃叛唐建元
長壽遣弟閣叟和尙及子鐸傳酋望趙佺鄧楊傳磨侔等
并子弟六十人獻凱吐蕃陁有神術人馬往來吐蕃不過
朝夕之頃天寶十一載正月一日遣宰相倚祥葉樂持金
冠錦袍金寶帶金帳狀安扛繖鞍銀獸器皿珂貝珠毯衣
服馳馬牛轡等物至鄧川以鳳爲兄弟之國册爲贊普鍾
南國大詔給金印稱東帝并授鳳伽異大瑟瑟告身都知

兵馬大將鳳遂改是年爲贊普鍾元年癸人口百戶於浪
穹築白崖臉城又遣兵攻掠安甯天寶甲午十三載六月
唐命前雲南郡都督兼侍御史劍南留後李宓廣府節度
使何履光等率十道兵再征雲南兵徧鄧川鳳遣鳳伽異
段儉魏迎戰於江口時神川都知兵馬使論綺甲徐救兵
已至巴躡山遂誘宓深入內外夾擊宓糧盡士卒饑疲引
還鳳以精兵追戰唐全軍覆沒李宓被執沉江死何履光
遁去鳳因進取鶴州會同郡據清溪關以破越析此二役
也皆鳳弟閣陂和尙及鳳妃白氏行妖術展帕拍手而笑

韓陀僧用鉢法以故唐兵再敗時唐先後喪帥已二十餘萬鳳乃斂戰鬻築京觀於龍尾關河尾名萬人塚立碑大書唐天寶戰亡士卒之墓而唐宰相楊國忠更拚敗以捷聞叙戰功令清平官鄭回撰德化碑唐流寓御史杜光庭書立石太和國門外明其不得已叛唐歸吐蕃之故天寶乙未十四載冬十一月東平郡王安祿山反於范陽鳳乘機以兵取蜀邛州築邛子城及麗水金寶城陞段儉魏爲清平官賜名忠國旋拜相國代宗甲辰廣德二年羊苴咩城成鳳名之曰大理城又名紫城代宗乙巳永泰元年鳳

伽異築雲南城

即今雲南府省城

又築拓東城

今雲南府昆陽州北平定鄉

遂

以兵攻陷曲靖代宗丁巳大厯十二年永昌牛生三角羊

生四角雞九足并有光建觀音寺於白崖先是邏盛炎時

相國張建成欲於白崖建寺卜之吉又地下有三截觀音

上截在西中截在東下截在東南因盛炎旋卒不果建至

是建寺掘之果然代宗戊午大厯十三年閣邏鳳卒在位

三十年因子鳳伽異先死

後追謚悼惠王

孫異牟尋立

異牟尋

改國號曰大理國

封雲南王又封南詔王

偽謚孝

桓王

異牟尋唐代宗戊午大厯十三年即位年二十四歲即年

改元見龍又改上元率兵三萬取蜀為東府又連土番人

寇唐命神策都將李晟擊破之師還自稱南詔王德宗甲

子興元元年牟尋遷居史城即大理改號大理國自稱日東

王封嶽瀆以葉榆今大理府點蒼山為中嶽烏蠻今東川府烏龍山

一名絳雲弄山在今為東嶽銀生府今景東廳蒙樂山一名無

祿勸縣東北三百里為南嶽又封南安州今楚雄府屬神石亦為南嶽越賧

今永昌府高黎貢山一名崑崙為西嶽鶴州今麗江

騰越州騰越潞江之間為北嶽封金沙江源出吐蕃旄牛徼

雪山一名玉龍山在府西北二十里為北嶽封金沙江外犁牛石下本名

犁牛河又名犁水訛為麗水經麗江府鶴慶州姚州而東

北達於四川馬湖府之馬湖即山海經所謂若水水經注

云若水經雲南之遂火縣即今金沙江巡檢司地昔黃帝

長子昌意德劣不足紹承天位降居斯水為諸侯娶蜀山

氏女生顓頊於若水祀在武定州蘭滄江源出吐番鹿石

之陽疑即其地也麗江府度雲龍州至永祀在

又名蘭滄瀾滄訛為浪滄自過交趾地而入於南海祀在

昌府東經順寧府達於車里東入浪祀在順寧府怒江源

麗江府黑惠江在順寧府之南海祀在順寧府怒江源

西域雍望奔流而下深不可測夏月多瘴經怒夷祀在永

地入麗江府境界野人界至永昌府境乃名潞江

昌府為四瀆各建神祠又立三皇廟德宗丙寅貞元二年

設官立九爽三託考疆域其地東至於銅柱鐵橋番桃玉

榆東南至於交趾國南至於驃國西南至於木落山西至

於太石西北至於吐蕃北至於神川東北至於黔巫八分
之地屬以八演皆中國人爲之經畫者貞元丁卯三年
尋居大理城命子弟師事鄭回時尋苦吐蕃徵求無厭會
李泌勸德宗招雲南以斷吐蕃右臂帝從之命韋皋爲西
川節度使皋受命招撫羣蠻鄭回因說尋歸唐尋以爲然
皋遣諜者致書於尋吐蕃知而疑之乃責南詔大臣爲質
尋愈怨於是決計歸唐皋以聞德宗乃命皋作書諭尋是
年四月吐蕃破蜀來徵兵蔚按即吐蕃劫渾域清水盟之歲尋謝絕之貞
元五年尋遣烏蠻勿鄧大鬼主苴夢衝兩林都大鬼主苴

那時聘於皋因人朝皋遣其屬崔佐時報之時吐蕃使數十人先在佐時至尋令與衣入佐時不可曰天朝大使豈衣夷衣尋不得已夜迎之佐時至大宣詔旨令尋斬番使去其所立之號尋遂與佐時盟於點蒼山下貞元九年尋遣使上表請從韋皋襲吐蕃詔册封爲雲南王以韋皋爲雲南安撫使王遣使詣皋獻夷中歌貞元十年吐蕃徵兵於王王陽示寡弱以兵三千應之自將數萬人踵其後正月襲擊吐蕃戰於神州斷鐵橋在巨津廢州今麗江府西北地取十六城俘其五王降衆十餘萬獲軍資甲仗無算遂遣弟湊羅棟

清平官尹仇寬獻捷於唐並獻地圖納貢及吐蕃所給金
印請復號南詔於是唐以祠部郎中袁滋爲中丞賜金紫
充册使賜王銀窠金印印文曰貞元册南詔印王北向跪
受宴使者出元宗天寶五載所賜王父鳳伽異銀跳脫馬
頭盤數物并指老笛工歌女曰皇帝所賜龜茲樂惟二人
在耳使者曰南詔世荷唐恩當深思祖考子孫勿替盡忠
皇唐王對曰敢不敬使者之命隨遣清平官尹輔酋入謝

獻鐸鞘鬱刀生金瑟瑟牛黃氎紡絲越賧繞倫馬

蔚按鐸鞘疑當

作鐸鞘狀如殘月有孔旁達出麗水飾以金月祭之血所

擊不洞段柯古西陽傑俎云南蠻有毒繫無刀狀如

卷之八

上卷

十八

西言... 一

鐵中人無血立死言自天而下入地丈餘祭地乃掘得之

云云疑即此鐸稍毒為鐸字之訛藥字本同鐸字也對可

鑄時以毒藥並治取瑩耀如星者凡十年乃成以馬血

鏤金犀飾鐸首傷人即死因浪人所鑄又名浪則夷中甚

寶之七月又攻吐蕃並破施蠻順蠻施蠻順蠻即施浪設

五詔五詔之後不復稱詔止稱蠻俘其王置白崖城貞元十二年取越賧

置軟化城貞元十四年請以大臣子弟質於朝韋皋却之

固請乃盡舍成都遣就學貞元十五年王開白國北方賧

地今永徙徒瀾河白蠻及羅洛摩些蠻實之號劍羌是年王

從韋皋再敗吐蕃於鐵極初王謀擊吐蕃以遠川即今鄧

甯北即今浪等城當寇乃峭山深塹修戰備至是吐蕃

寫縣

謀襲南詔王告於臯遣將屯黎州鶴州以應之吐蕃引兵
攻鶴州臯嚴兵以守別遣將襲擊降其帥吐蕃懼退至鐵
橋王令人毒其水吐蕃人馬多死退屯三瀘水王與臯部
將杜毗羅擊敗之貞元十六年王率子尋閣勸入朝於唐
召對延英殿進奉聖樂舞德宗御麟德殿觀之貞元十七
年王夜絕瀘水斬吐蕃屯卒又合鬼主破之於瀘西吐蕃
大懼欲悉師收鶴州以絕南詔王謂韋臯曰吐蕃聲取鶴
州實窺雲南請進軍羊苴咩城臯督諸將分道與王會陳
兵深入拔木波城前後凡克城七焚堡百五十所斬獲無

西言里月
奠生擒論莽熱獻於唐并進鏡甲十五萬皋班師帝遣中
使慰撫王王自是比年貢方物唐帝深禮之焉貞元十九
年王封雲南金馬碧雞二山之神爲景帝建妙音寺塔築
大理雪峰長城憲宗戊子元和三年七月王卒唐遣使祭
弔在位三十年子尋閣勸立

尋閣

一作勸又名新
勸覺勸

襲封南詔王

僞諡孝惠王

尋閣勸唐憲宗戊子元和三年即位年三十一歲唐册勸
襲封南詔王賜元和金印憲宗己丑元和四年正月改元
應道羣臣上尊號曰驃信以鄯闡爲東京大理爲西京重

修曲靖崇真寺

寺爲晉代所建

十一月王卒在位一年子勸龍晟

立

勸龍晟

襲封南詔王

僞諡幽王

勸龍晟唐憲宗己丑元和四年卽位年十二歲唐册襲封南詔王明年改元龍興鑄佛三尊送佛頂峰寺用金三千兩元和九年晟寇嘉定州有飛天神兵破之先是節度使杜元穎守成都時時滇兵至嘉定之沐源川忽自驚潰蜀軍獲一夷卒問之云適見過山神兵一神將長斧坐二鬼上聲若迅雷故爾驚走至是神復現形自後追殺卽時死

酋長二人蓋嘉定向有飛天神廟兩破滇兵者皆此神也
憲宗丙申元和十一年晟潘扈失道弄棟節度使王嵯巔
績之時年僅十九歲唐命少監李銑祭祠在位七年弟勸
利立

勸利一作勸利晟

襲封南詔王

偽諡靖王

勸利唐憲宗丙申元和十一年即位年十五歲唐册襲封
南詔王王嵯巔東寇明年改元全義元和十三年厚賞王
嵯巔賜姓蒙封太容元和十四年廢王嵯巔赦其罪命敬
信三寶爲清平官元和十五年又改元大興重修崇聖寺

五月大雨霖龍首龍尾二關傾除洱河水怪建龍屋塔高
十二丈按白古記唐時洱河有妖蛇各薄劫興大水淹城
蒙國王出示有能滅之者賞半官庫子孫世免差徭民
有段赤城者願滅蛇縛刃入水蛇吞之人與蛇皆死水患
息王令人剖蛇腹取赤城骨葬之建塔其上燬蛇骨灰塔
名爲靈塔在今大理府城南龍尾關內每年有蛇黨起風
來剝塔灰時有謠曰赤城賣硬土今龍王廟碑云洱河龍
王殿赤城云永昌生兩頭牛穆宗甲辰長慶四年賜南詔
王金印是年王卒於東京在位八年弟豐佑立豐佑慕中國之風獨

不肯連

父名

豐佑

石刻作勅豐佑

册封滇王

偽諡昭成王

豐佑唐穆宗甲辰長慶四年即位年七歲唐遣京兆少尹

韋審規持節册封為滇王王遣洪成西等人謝明年改元

保合又改元天啟西僧贊陀囉哆建鶴慶元化寺先是鶴

慶地水滄僧杖刺東隅洩之水中得樟木刻為佛呪之忽

靈遠近名曰活佛按活佛後至明成化間福建莆田林俊為雲南憲副聞之親至寺中將佛火之

得金數百兩入官又毀他常平倉築鄧川城敬宗已寺三百人呼為林劈佛

寶歷元年重修大理崇聖寺一名三塔寺成先是王嵯巔廣寺

基方七里聖僧李成眉賢者建立三塔高三十丈佛一萬
一千四百屋八百九十銅四萬五百九十觔元和十五年
經始至是工竣塔頂舊有鐵柱欽定云貞觀六年尉遲
敬德監造益寺之建弘矣重修雲南東寺塔高百五十尺
西寺塔高本十尺二寺亦貞觀間將作大匠尉遲敬德所
建攻宗丁未太和元年王母出家法名惠海太和二年用
銀五千鑄佛一堂廢道教太和己酉三年僧夢島造永昌
卧佛長丈六六月朔星落如雨命王嵯巔等蜀先是西
川節度使杜元穎失士卒心軍逃入南詔因此知蜀虛實

佑遂遣嵯巔等攻蜀陷嵩戎邛三州攻成都止西郭十日

掠經書寶貨于文無算蜀中殘敝并寇梓州蜀州佑上表

於唐請誅元穎唐改雲南爲鄯闡府即今雲南府省城太和四年

唐貶杜元穎循州司馬以義成節度使李德裕爲西川節

度使裕至西川建籌邊樓曰召習邊事者訪問凡山川險

要南道與蠻相入者圖之左西道與吐蕃相接者圖之右

不啻身嘗經歷焉乃奏請留北兵以重鎮守修甲冑備器

械率戶二百取一人習戰作雄邊子弟等十一軍築仗義

禦侮柔遠諸城以扼要害復邛崃關徙嵩州治臺登以奪

蠻險令轉邛雅粟以十月而運先夏而至人不苦瘴邊境
始安至是使人於佑責歸所俘太和五年五月佑歸所俘
西川四千人於德裕太和六年佑掠驃國民三千徙之拓
東城武宗乙丑會昌元年佑遣軍將晟君築橫渠道自磨
用江至於鶴拓灌東皋及城陽田與龍佉江合流入於河
謂之錦浪江又瀦黠蒼山玉局峯頂之南爲池謂之高河
又名馮河東導山泉其洩流爲川灌田數萬頃民得耕種
之利會昌六年九月佑攻陷安南經畧使裴元裕死之宣
宗丁卯太宗元年佑妃卒佑鬱鬱不樂臣下請選妃女備

後宮得羅部今雲南府羅次縣一美女進之有龍女好佛建羅次

寺至今靈異六月大旱佑令僧畫海祈雨僧曰昔湯旱七

年六事自責天雨七日今王酒色妄殺天怒不雨王如改

悔天雨自至何以祈爲佑如僧言自責自改數日果雨佑

女至崇聖寺進香回至城西爲一乘白馬人掘去尋之不

得佑告於西僧贊陀囉哆曰此山神也乃設燈照之果

在蒼山下哆怒欲行法移山於河山神懼獻寶珠供佛佑

乃已大中十二年佑遣段酋遷所安南都護府遣段宗榜

救緬勝湯今雲南府宜良縣地人佑之勇將先是獅子國侵緬屢求

救至是許之

按緬甸即漢之揮國唐之驃國其歷代莫考當宋元之時屢敗王師明太祖洪武十年緬

頭目招叛南進貞十九年使行人司錢古順賚詔立宣慰

司二十年緬犯景東二十一年犯他郎甸沐英命都指揮

甯正平之三月犯定邊流英同都督馮誠平之景泰三年

王驥賞緬酋養地緬喜乃擒獻麓川賊嘉靖初緬火燒賞

金牌官甲年猖獗海上遂至難制○考自永昌府騰越州

入緬甸三十四程騰越一日南甸一日羅必斯一日郎

一日甸甸頭一日甸尾一日蒙腰一日甸藍一日蒙憐路一

日空崖一日蒙來路一日大市一日龍江一日緬地一日

日如渡一日江頭城一日景憐斐一日斐及一日馬來城

日折弓一日當一日山頭一日甸頭一日阿只一日吳細辰一

日城江頭太公二城之外又有馬來安正國蒲甘緬王三

城酋住金樓民住竹樓其下種苜為卜刺浪種苜妻為米

刺首出入乘轎水有舟後官名有招孟招象招剛三等

官無大小俱金銀花寶帶無弓箭其水有金沙江險惡緬

以爲同洞時亦僅五里俗敬佛重罪對佛發誓恐僧處

言里 身 一 二

斷○入 綱又有三道一由路江西上一由騰越七日至麓川

一由景東從木通甸至灣甸渡入芒市十日至麓川○此

外從潞江上流蒙來渡至景樂沼河有小渡十餘處皆可

通又有三道一由天步馬一由灣甸一由阿郊地界皆可

入 宣宗 己卯大中十三年陷播州李德裕既貶死西川節

度使所任皆非人僥倖邊功發兵十萬襲滇自建昌入佑

命子世隆為坦綽同王嵯巔迎戰於古宗今麗江府鐵橋以北地殺

唐兵數萬人立銅柱於界上世隆之母佑妃也出家號師

摩矣嘗隨佑至羅浮山白城建一寺南樓畫一龍是夜龍

動幾損寺妃乃復畫一柱鎖之始定按妃本漁家女喜浴

為妃後仍常汎舟西洱河屏人潛浴於水感金龍與交生

世隆隆七歲拳握始開有文在其掌曰通番打漢古宗之戰唐帝懼世隆爲患妻以宗室女伺察其所爲女以世隆年庚潛送於帝帝使太史推之知其感龍精而生是年豐佑卒於東京在位三十五年子世隆立以王嵯巔攝政段宗勝救緬回至騰越聞佑卒世隆立嵯巔攝政移書王嵯巔曰天啟不幸駕崩嗣幼聞公攝政國家之福勝救緬以敗獅子國緬酬金佛當得敬迎奈中國無人惟公望重勝抵國門之日煩親迎佛與國增光云云嵯巔不知是謀至日迎之勝令巔拜佛突斬之於佛前討其弑勸隆晟之罪

也勝鎔佛得金數千兩時有緬人奉香火者在傍默祝曰願世代奉敬今不如願惟願世尊輪生滅復國祚復生

鄭買嗣篡國滅蒙氏

世隆唐書作龍

偽諡景莊皇帝

僭稱帝始此以後鄭趙楊段高五姓

之國成效之

世隆唐宣宗已郊大中十三年即位年十六歲明年為懿

宗庚辰歲通元年改元建極改西京曰中都東京曰上都

先是德宗貞元間四川節度使韋皋開道通南詔令歲入

貢異牟尋尋閣勸二世事唐唯謹迨勸龍晟及豐又數數

擢遷大爲唐忠又以世隆之名犯太宗元宗廟諱唐不册
封隆益致怨望至是自稱皇帝遣兵取烏蠻爨蠻之地置
東川郡前節度使杜棕變韋臯制度侵擾蠻中隆絕朝貢
寇播州至是少福爲節度使隆遣清平官董成至成都移
書於福成與福抗禮福囚之上聞有詔釋成名至京師見
便殿遣還咸通二年遣兵陷安南左僕射同平章事杜棕
言西川兵弱南詔強盛未可輕絕宜遣使祭弔諭令改名
行城禮帝肯之會隆復寇鶴州遂止咸通三年隆親寇蜀
取嵩壽寺石佛歸時高真寺僧崇模有神術從征軍中之

糧又值歲暮士卒思歸僧呪沙成米呪水成酒士卒各醉
飽一日僧化蝶回國亂宮世隆妻以書達隆答曰妖若
再來令宮人於其衣背繡蝶後僧復至宮人繡之隆見僧
衣有蝶令斬之刺七次首不殊僧自云用茅鋸之乃斷果
然人見僧魂化一黑鵬飛去蓋僧本高真寺鵬巢中所得
之兒也咸通四年寇西川咸通五年陷安南邕管咸通六
年陷雷州咸通七年復攻安南嶺南四道節度使高駢救
之隆兵大敗駢遂定安南咸通十年隆遣使楊西慶等人
朝謝釋董成之囚歸成都俘三千人定邊節度使李帥望

殺其使隆怒率眾攻蜀陷嘉州咸通十一年正月陷黎州
入邛徠關圍雅州擊邛州遂進攻成都次眉州西川節度
使盧耽畏眾寡不敵通使請降繼而唐遣東川節度使顏
慶復大將宋威等率兵來戰世隆敗屯星宿山宋威戍沱
江隆迎戰於毗橋不勝趨沱江中伏城中又出突將夜火
隆營奪昇仙梁隆大敗奔雙流江無梁以渡乃僞請和三
日梁成而濟咸通辛卯十二年立鄩闡王宮咸通壬辰十
三年於白崖諸葛武侯所立鐵柱之地鑄天尊柱高八尺
蔚昔年曾至鐵柱宮其地界白崖瀾波蒙化三境之間其
柱刻字云建極十三年歲次壬辰四月朔庚子十四日癸
二十七

丑建咸通十四年攻黔中又寇西川作浮梁濟大渡河防
河兵馬使黃景復伏兵半渡擊敗之會隆國中新兵繼至
接戰景復敗走隆進兵陷黎州入邛徠關遂遣王保誠等
四十人謾書詣劍南節度使牛勣欲假道入朝請憇蜀王
故殿叢囚其使三十八人釋鄮囉及段酋遷二人還隆乃
退兵至新津而旋僖宗乙未乾符二年攻雅州西川節度
使高駢追至大渡河大敗之俘酋長五十人收復黎州邛
徠關斬黃景復以狗乾符三年遣使詣高駢請和不許斬
使者一人隆怒自是唐使至不拜惟拜和尙駢知之乃遣

僧景仙往諭公主事隆乃下拜定盟禧宗丁酉乾符四年
二月復寇蜀高駢禦退之駢又結吐蕃尙延心嗚末魯
月等爲間築戎田馬湖流源川大渡河三城列屯拒險料
壯卒爲平夷軍世隆氣奪因患發疽卒於越嶲景淨寺在
位十八年子隆舜立

隆舜一名法

改國號曰大封民國

僞謚宣武帝

隆舜唐僖宗丁酉乾符四年卽位年十七歲明年改元貞
明又改元嵯耶承智大同改國號曰大封民國遣使於唐
請和詔許之自勸龍晟至世隆以來侵蜀伐安南用兵五

十餘年帑藏不給橫歛於民上下俱困舜立耽於酒色委
政臣下故願求和於唐乃遣段峴寶詣嶺南節度使辛讜
請修好讜奏許之以息邊患乾符六年遣使於唐求和親
無表只用牒稱弟不稱弟唐帝召百官議禮部侍郎崔澹
曰南詔無禮恐貽後笑使者上書與澹爭帝諭解之議者
謂中國多故南詔寢強不若權與和親便從之僖宗庚子
廣明元年春正月唐命宗正少卿李龜年來和親僖宗辛
丑中和元年上表歛附中和癸卯三年唐以宗室女爲安
化長公主妻隆舜僖宗乙巳光啓元年遣宰相趙隆眉清

平官楊竒鯤段義宗三人朝唐帝行在且迎公主高駢在
淮陽飛章上言三人南詔心腹宜止而醜之唐帝從其言
隆替等死南詔遂不復振矣是年昆崙國進美女舜嬖之
光啓二年地震龍首龍尾二關三陽城皆崩昭宗已巳乾
寧四年隆舜多內嬖常信讒以誅其下淫虐日甚監臣楊
登弒之於東京在位二十年子舜化貞立

舜化貞

僞諡孝哀帝

舜化貞唐昭宗丁巳乾寧四年即位年二十一歲明年改
元中興上書於唐朝廷欲報之利州刺史王建上言臣在

西南彼必不敢犯塞小夷何足辱詔書遂止昭宗光化二

年立五學教主十一月誅楊登族其家光化庚申三年鑄

崇聖寺丈六觀音清平官鄭買嗣合十六國銅所鑄蜀人

李嘉亭成像一說唐天寶間崇聖寺有僧募造丈六觀音像未就夜忽雨且視之銅也即取以鑄像

成白光彌覆凡三日至今人稱為兩銅觀音唐昭宗壬戌天復二年薨化貞卒

一說實鄭買嗣弑之在位五年化貞有一子生甫八月鄭買嗣主國

事遂啓貞妻曰母后深宮群臣無主臣當抱太子臨朝貞

妻是其言以子付之買嗣抱子出潛手傷其陰子哭不已

乃送回宮中明日子死貞妻疑而詰之買嗣懷不安遽起

兵殺蒙氏親族八百人於五華樓下遂篡立焉

按蒙氏南詔大蒙國白紉奴邏禪立起唐太宗
己酉貞觀二十三年訖昭宗壬戌天復二年傳
十三世共二百五十五年

大長和國 傳三世

鄭買嗣

又名泉

偽諡聖明文武威德桓皇帝

鄭買嗣又名泉唐鶴州西瀘令昭南詔臣蒙氏為清平官
鄭回之七世孫隆舜時歷官侍中權勢日重隆舜巡幸無
度留買嗣守國遂專政柄舜化貞時為相化貞卒嗣賊殺

其子篡蒙國於唐昭宗壬戌天復二年十二月即位年四十二歲國號大長和仍都大理明年建元安國後梁太祖開平丁卯元年建普明寺開平三年鑄佛一萬尊送寺祈福爲殺蒙氏八百人故也開平四年八月賈嗣奉在位八年子仁旻立

仁旻

偽諡肅文太上皇帝

仁旻後梁太祖庚午開平四年即位年二十二歲明年改元始元又改元天瑞景星安和貞佑初歷末帝甲戌乾化二年旻攻蜀蜀高祖王建發兵拒之旻兵大敗溺水死者

萬餘人後唐莊宗癸未開光元年施宮寺災僧智昭撰封
民三寶記同光二年旻以朱鬃白馬求婚於南漢劉龔龔
以增城公主妻之明宗丙戌天成元年八月仁旻餌金丹
躁怒常殺人遂暴卒在位十六年子隆亶立

隆亶 僞諡恭惠帝

隆亶後唐明宗丙戌天成元年即位年十二歲明年改元
天應明宗戊子天成三年東川節度使楊干貞入朝弒隆
亶而立趙善政計亶在位二年

按鄭氏大長和國自買嗣篡立起唐昭宗癸亥

天復三年訖後唐明宗戊子天成三年傳二世

共二十六年

大天興國

一作興源國

一世

趙善政

偽諡悼康帝

趙善政後唐明宗戊子天成三年為東川節度使楊干貞所立改國號曰大天興國建元尊聖善政甯北佺逸塋人微時樵於山中倦卧夢神告曰柴有矣覺而果得柴數十束後告其母母不信間一日母潛往山中果然及仕鄭氏為清平官出行途中天墜一石於前石裂有善政為天子

五赤字於是楊于貞高之乃弒隆置而擁立焉明宗己丑
天成四年善政待于貞恩禮寢衰凡于貞所有請乞輒不
許于貞恃功怨望遂賂結諸臣廢善政而自立善政在位
僅十月

大義甯國 一世

楊于貞 偽諡肅恭帝

楊于貞於後唐明宗己丑天成四年奪大天興國趙善政
之位改國號曰大義甯國建元興聖又改元大明于貞茹
村大今大理府賓川州所屬地母名彌承有美色蒙隆舜私焉有孕適

西言聖身 卷一
三十二
漁人楊氏生于貞後又生詔其父捕魚貞立船頭見水中
有人龍衣冠冕左右有鳳鳥白光擁護乃呼其父視之父
見是貞之影大奇之長仕鄭氏官至東川節度使至是奪
善政位而自立貞在位貪暴特甚中外咸怨後晉高祖丁
酉天復二年通海節度使段思平起兵討之貞遣弟楊詔
等五人出拒詔兵敗于貞出奔思平遂得位尋赦其罪廢
爲僧計貞在位八年

大理國 傳十四世

太祖聖神文武皇帝

段思平其先武威郡北人世為南詔蒙氏將唐元宗辛卯
 天寶十載及甲午天寶十三載唐再伐雲南雲南王蒙閣
 邏鳳命世子鳳伽異大軍將段儉魏迎戰於點蒼山及西
 洱河兩敗唐兵以功陞儉魏為清平官賜名忠國尋拜相
 六傳而至思平其母因過江水汎觸浮木若有感而娠生
 思平并其弟思良思平為幕覽小府副將也常遊山中得為帝
 之識又每多異徵時東川節度使楊干貞之弟楊詔者已
 貴聞而忌之使人賊思平思平逃匿於崇恩寺在大理府城南九里
 捕者追至見蛛網盈寺門不入故得脫後積戰功仕為通

海節度使後唐明宗己丑天成四年楊干貞奪趙善政之位受詔之譖常欲除思平平卜於秀山神祠就其舅彘判自匿後晉高祖丙申天福元年干貞索捕思平甚急會善政臣守高方素與思平善密遣人招思平思平與其弟思良軍師董迦羅走就之皆裂冠變姓名為獵者牽一犬至品甸波大村今大理府雲南縣地宿旅舍舍有戟生牛革裹之是夜風起戟忽洞革出思平驚曰是何鉅利得非神戟乎問主人曰戟何為曰以防夜耳曰防夜莫若犬遂以犬易戟去行至葉鏡湖湖在大理府雲南縣地得神馬饑取野桃而食核上有

蟲噬青苔二字思平解爲十二月二十一日意其吉兆於

是歲趨而前借兵於東方黑爨松爨三十七蠻部會於石

城今曲靖

以重迦羅爲軍師兵集之期適十二月二十一

日也所向皆克遂進攻大理討于貞時詔等陳兵據橋軍

不能過思半夜忽得三夢人無首玉瓶無耳鏡破覺而告

其下迦羅解之曰公乃丈夫去首爲天玉瓶去耳爲玉鏡

破則無對者此神示吉兆是日有被纓浣沙婦指渡處曰

人從我江尾馬從三沙矣爾國名大理從之乃得過江擊

詔等殺之于貞聞詔等軍敗出奔思平即位時天福丁酉

二年也年四十四歲建號大理國建元文德仍都大理天
 福三年封董迦羅為相國封高方為岳侯分治成紀巨橋
 等地封爨判為巴甸侯祠秀山神免東方三十七蠻部徭
 役赦國中凡有罪無子孫者天福四年赦楊干貞罪廢為
 僧一說干貞敗後挈其妻子奔永昌郡思平遣兵追之至萬劍樹干貞自縊而死思平俘其妻子親屬帝好
 佛歲歲建寺鑄佛萬尊後晉出帝甲辰開運元年帝崩在
 位八年子思英立

文經皇帝

思英後晉出帝甲辰開運元年即位明年為出帝開運二

年改元文經帝母楊氏桂仙娘歿而為神屢著靈應封為
榆城宣惠聖國母是年帝叔思良爭立廢帝為僧法名宏
修大師在位一年叔思良立一說思英素不肖思平在日
常欲廢之不果迨即位愈淫
戲無度羣臣廢
之而立思良

聖慈文武皇帝 太祖之弟

思良後晉出帝乙巳開運二年即位明年改元至治後周
太祖壬子廣順二年帝崩在位七年子思聰立

思聰 偽諡至道廣慈皇帝

思聰後周太祖壬子廣順二年即位明年改元明德又改

元廣德元年太祖乙巳開寶二年思聰卒在位十七年子素

順立

素順

素順宋太祖乙巳開寶二年即位明年改元明政先是宋太祖丁卯乾德五年春王全斌平蜀還京師請取雲南負地圖進太祖鑒唐之禍以玉斧畫大渡河爲界曰此外非吾有也由是段氏得據南詔相安無事太宗乙酉雍熙二年素順卒在位十六年子素英立

素英

僞諡昭明皇帝

素英宋太宗乙酉雍熙二年即位明年改元廣明又改元明應明聖明統明治太宗至道二年述傳燈錄真宗已酉大中祥符二年素英卒在位二十四年子素廉立

素廉

偽諡宣肅皇帝

素廉宋真宗已酉祥符二年即位明年改元啓明真宗壬戌乾興元年素廉卒在位十三年姪素隆立

素隆

偽諡秉義皇帝

素隆宋真宗壬戌乾興元年即位明年改元明通仁宗丙寅天聖四年素隆禪位爲僧在位四年姪素貞立

素真

偽諡聖德皇帝

素真宋仁宗丙寅天聖四年即位明年改元正治仁宗辛巳慶厯元年素真禪位爲僧在位十五年孫素興立

素興

偽諡天明皇帝

素興宋仁宗辛巳慶厯元年即位明年改元聖明又改元天明素興性好遊狎廣營宮室於東京多植花草於春登堤上種黃花名繞道金稜雲津橋上種白花名紫城銀稜每春月挾妓載酒白玉案三泉湖爲九曲流觴男女列坐鬪草簪花晝夜行樂花中有素馨者以素興愛之故名又

有花遇歌則開有草遇舞則動與今歌者傍花舞者傍草
蓋亦花草之妖也仁宗甲申慶曆四年素興在位荒淫日
甚國人廢之而立太祖曾孫智恩之子思廉計興在位三
年

思廉 太祖元孫 偽諡興宗孝德皇帝

思廉宋仁宗甲申慶曆四年即位明年改元保安又改元

正安正德保德仁宗甲辰皇佑四年廣源州屬交趾諒山府蠻儂

智高反郎州偽號大南國自稱仁惠皇帝僭元啓曆九月

宋以樞密副使狄青爲荆湖宣撫使督諸軍討之十二月

狄青至廣南合孫沔余靖之兵進次賓川皇佑癸巳五年

正月至邕州今廣西南甯府上元節狄青破崑崙開在賓甯府城東二百里距賓

川州二十里大敗儂智高兵智高燒城遁由合江口入大理思

煎殺之函首送京師是以段氏始聞於中國仁宗嘉佑八

年命岳侯高智昇討楊允賢克之加智昇太保封德侯賜

白崖茹甸之地尋晉封鄴閩侯子孫世襲神宗乙卯熙甯

八年思庶禪位為僧在位三十一年子庶義立

庶義 偽諡上德皇帝

庶義宋神宗乙卯熙甯八年即位明年改元上德遣使人

貢於宋熙寧十年又改元廣安作八龍王會神宗庚申元
豐三年楊義貞殺廉義而自立計義在位五年自義貞弑
其主廉義而自立篡位僅四月鄒闡侯高智昇命子清平
官高昇泰起東方爨燹兵討而誅之立廉義之姪壽輝

壽輝

偽諡上明皇帝

壽輝宋神宗庚申元豐三年即位明年改元上明以高智
昇爲布燹高昇泰爲鄒闡侯是年日月交晦星辰晝見壽
輝因天變遂禪位於思廉之孫正明計輝在位一年

正明

思廉之孫

偽諡保定皇帝

正明宋神宗辛酉元豐四年即位明年改元保定又改元建安天佑宋哲宗甲戌紹聖元年明在位十三年爲君不振人心歸高氏群臣請立鄱闡侯高昇泰爲君正明遂禪位爲僧而段氏中絕矣

按段氏大理國自思平建立後晉高祖丁酉天福二年訖宋哲宗甲戌紹聖元年傳十四世共一百五十八年

大中國

高昇泰

僞諡富有聖德表正皇帝

高昇泰宋哲宗甲戌紹聖元年受大理國段正明之禪即
位改國號曰大中國明年改元上治昇泰岳侯高方之裔
大理點蒼山蓮花峯下世湧溪人將生其父襲岳侯智昇
往石雲寺在點蒼山進香回遇一老叟云爾家將生貴子

可速歸智昇至家而昇泰適生心頗異之及長有材器仕
爲清平官兼九爽之事譽望日重思廉出遊猝遇烈風吹
躡其馬廉將墜智深躍前扶之廉德智昇賜以官人及珠
玉楊九賢判廉命智昇討之以功加太保封德侯旋晉都
關侯世襲及楊義貞篡逆智昇令昇泰起東方兵誅義貞

高昇泰
卷七
三十一

而立庶義之姪壽輝輝以智昇爲布燮昇泰襲鄒閩侯輝
在位災異迭興因禪位於思庶之孫正明明爲君不振人
心歸高氏遂請昇泰爲君而正明禪以位焉若宗內子紹
聖三年昇泰在位二年寢疾遺命曰我之立國以段之弱
我死必以國仍還段氏慎勿背我及卒其子高泰明遵遺
命還位正明之弟正瀆段氏復興號後理國高氏相之政
令皆出其門國人稱爲高國主段氏擁虛位而已

後理國 傳八世

段正瀆 大理國正明之弟 僞諡中宗文安皇帝

段正瀛宋哲宗丙子紹聖三年復得國即位號後理國以

高泰明為相國執政柄高泰運為柵主明年改元天授又

改元明開天政文安赦徭役築楚雄城在今楚雄府城西北二里以封

高泰明之姪高明亮徽宗癸未崇寧二年使高泰運奉表

入宋求經籍得六十九家藥書六十二部鄱闡李觀音得

來朝進金馬杖八十節人民三萬三千戶瀛賜得八章禮

衣龍頭劍擢為安東將軍蔚按蒙氏時有安東將軍季專珠所築安東城在今大理府趙

州城東二里納人波斯崑崙三國進白象及香物十月彗星見

西方大疫徽宗戊子大觀二年正瀛禪位為僧在位十二

年子和譽立

和譽

又名正嚴

封雲南節度使大理國王

偽諡憲宗

宣仁皇帝

和譽宋徽宗戊子大觀二年即位明年改元日新又改元

文治永嘉保天廣運七月中元節各方貢金銀羅綺珍寶

犀象萬計牛馬遍點蒼徽宗辛卯政和元年地大震損十

六寺三十七蠻部判高相國泰明討平之使四子高明清

居鄯闡鎮守政和五年緬人進金花犀象政和六年遣儒

官鍾震黃漸賞勅褒高泰明相國忠貞封平國公是年遣

使入貢於宋高泰明卒封國師泰明生八子高知昌以罪
流死其下伊何二人謀爲執仇乘譽入寺進香圖弑逆事
露被收譽嘉二人之義赦之欲賜以官二人不從願死以
風後人譽不得已殺之爲立義士塚高泰運立主國事六
月三日並出政和丁酉七年命子紫琮克進奉使入貢於
宋詔遣使册封譽爲金紫光祿大夫檢校司空雲南節度
使上柱國大理國王徽宗己亥宣和元年正月彗出幕霄
遠矣破馬等叛三月出師征之兵敗三十七蠻部復叛陷
鄯闡高明清死之郡臣以高昇泰姪高量成有德請立爲

薛詒聖具

名

四一

相號中國 公徽宗丙午靖康元年五月金星入月大火焚
 三千九百家南宋高宗丙辰紹興六年王遣使貢象馬於
 宋廣西經 畧安撫使奏之詔護送行在優禮答之紹興十
 六年三月十四日大霧歷二十四日方開高宗丁卯紹興
 十七年王老因諸子內爭外叛遂禪位為僧在位三十九
 年子正興立

正興

又名
易長

偽諡景宗正康皇帝

正興南宋

高宗丁卯紹興十七年即位明年改元永貞又

改元大寶

龍興盛明建德高量成讓相位與姪壽貞退老

楚雄城人化其德名城曰德江城孝宗癸未隆興元年三月壽貞卒壽昌立爲中國公孝宗壬辰乾道八年四月辛霧十六日方開正興禪位爲僧在位二十五年子智興立

智興

偽諡宣宗功極皇帝

智興南宋孝宗壬辰乾道八年即位明年改元利貞又改

元盛德嘉會元亨安定遣李觀音得等至廣西橫山砦在今

廣西南甯府江上求市馬李觀音得奪壽昌位與姪貞明阿機起

兵奪貞明位還壽昌貞明遂據鶴慶號明國公偽諡義地

威天聰明仁帝高妙音白白崖起兵據鄯闕時有妙音之

甥成賢成正二人來謁意在奪鄯闡妙音覺之與之盟於
 天王廟二人口含丁香葉出廟吐之曰盟非我也葉也未
 幾二人起兵方戰見白馬將斬之白馬將乃廟中二力士
 也光宗庚戌紹熙元年修十六寺甯宗乙卯慶元元年修
 龍首龍尾二關三陽城甯宗庚申慶元六年智興卒在位
 二十八年子智廉立

智廉

偽諡享天皇帝

智廉南宋甯宗庚申慶元六年即位明年改元鳳歷又改
 元元壽使人入宋求大藏經一千四百六十五部置五華

樓衛宗乙丑開禧元年智蕪卒在位五年弟智祥立

智祥

偽諡神宗皇帝

智祥南宋甯宗乙丑開禧元年即位明年改元天開又改元天輔仁壽征三十七蠻部至尋甸平河水絕流理宗丁酉嘉禧元年封高隆都闡王以高泰祥為相國以光日為演習大府主將也舉賢育才時和年豐稱治國焉理宗戊戌嘉禧二年智祥禪位為僧在位三十三年子祥興立

祥興

偽諡孝義皇帝

祥興南宋理宗戊戌嘉禧二年即位明年改元道隆理宗

甲辰淳祐四年蒙古兵出靈關伐大理祥興遣將高禾迎戰禾敗死之段連祐歸宋宋遣使弔祭致經書銀緞爲高禾拒蒙古兵戰歿也理宗辛亥淳祐十一年爲蒙古憲宗蒙哥之元年祥興卒在位十三年子興智立

興智 贈天定賢王

興智南宋理宗辛亥淳祐十一年卽位明年改元利正又改元興正天定是年南宋理宗壬子淳祐十二年爲蒙古憲宗之二年七月丙午太弟忽必烈等奉憲宗命伐大理受副專征以大將兀良合台總督軍務八月次臨洮由六

盤踞吐番凡行山谷二千餘里無人之境先遣王律朮王
侯王鑑來諭大理道阻而還九月次武刺分三道進兀良
合台率西道兵由晏當路諸王抄合也只烈率東道兵由
白蠻必烈率勁騎由中道乙巳至滿陀城留其輜重十
月過大渡河十一月至白蠻打部砦十二月再遣三使入
大理招興智皆被殺智命相國高泰祥守金沙江與蒙古
將伯顏不花虎兒敵等相持忽必烈命衆以革囊潛濟江
破吐番陟摩挾出石門所過降之遂進薄大理泰祥回軍
奉興智拒戰不勝蒙古兵入上關智奔鄯闡泰祥退至統

失邏先為姚安府府裁今為姚州屬楚雄府募兵於三十七蠻部未至而蒙

古兵已長軀而人秦祥被執至大理不屈乃斬於五華樓

下祥臨刑嘆曰段運不回天使其然為臣殞首蓋其分也

時白口正午忽雲起雷震天鼓大鳴忽必烈曰忠臣也秦

祥夫人段氏抱孤兒高瓊高長壽等仰訴忽必烈目兒顧

左右曰此忠臣後宜善視之許以世其官高秦祥為大中

遂滅段氏而有其地得五城入府蠻部三十有七乘勝入

吐番降其酋明年南宋理宗癸丑寶祐元年為蒙古憲宗

之三年忽必烈班師大將兀良合台拔都蘭獲與智以獻

憲宗命赦之封爲摩訶羅嗟管領八方仍守其地世襲總
管計興智在位二年憲宗授元良合台銀印加大元帥還
鎮大理以劉時中爲宣撫使與興智同安輯焉南宋理宗
庚申景定元年爲蒙古世祖忽必烈之中統元年興智率
其季弟段信直福北行朝於世祖道卒計爲總管又七年
蒙古遣使來祭帛文曰段氏承八姓正位歸有新統旣順
天時以尚義猶得國王以棲遲實國家待遠方之仁由賢
王能左右之義受命以來朝夕惕勵賴爾維勤用征不廷
正當其昌亨嘉之運胡意遽羅霜露之災嗚呼當朕未集

大統乃爲叔季之國茲既承景運合正君臣之稱案錄不
替於子孫詔祿宜昭於典冊特遣太常省祭贈爲後理國
向義天定賢王段公尙賴神庥永保祚土所贈王爵後不
爲例明年南宋理宗辛酉景定二年爲蒙古世祖中統二
年世祖勅授王之弟信苴曰即段實總管守大理命之曰向
率我以臨爾境衆據國人之請因從城下之盟歛附而忠
勤益著庸示優之禮以彰同視之仁可革帝號錫以虎
符總理大理郡閩威楚統矢會川建昌騰越諸郡撫卹已
附之民招集未降之國鄉其勉之

按段氏後理國自段正清復國起宋哲宗丙子
紹聖三年訖南宋理宗癸丑實佑元年傳八世
共一百五十七年

總計段氏大理後理二國傳二十二世共三百零十五年

卷之三

三

三

增訂南詔野史下卷

明四庫新都楊 慎升菴編輯

大清湖南武陵胡 蔚羨門訂正

段氏總管除天定賢王段興智受封總管七年外起段信苜日即段實訖段

世共襲十二世段實名信苜日

段實於南宋理宗辛酉景定二年蒙古世祖之申統二年

入朝於世祖襲總管賜虎符領大理威楚鄯闡統矢會川

建昌騰越等城自萬戶以下皆受節制南宋理宗癸亥景

定四年為世祖申統四年蒙古設大理都元帥府命昔撒

南詔野史 下卷

昔總制鬼國大理兩路理宗田子景定五年爲世祖平元
元年妖僧舍利威結威楚統久部闡及三十七繼部叛實
討之人破於威楚統久安甯等處又破釋多羅十餘萬衆
於洱河海口南宋度宗丁卯威楚三年蒙古世祖至元四
年以皇第五子忽哥赤爲雲南三鎮大理至元五年忽哥
赤受命與安南國王討山城以臨南宋度宗咸淳六年世
祖至元七年置大理路軍民總管府南宋度宗辛未咸淳
七年爲蒙古世祖至元八年冬十一月世祖改國號曰大
元用土忽司赤爲元帥寶和丁所殺元伐金齒縹甸降之

分大理三十七蠻部爲南北中三路遣阿魯忒兒宣撫大理詔諭諸蠻南宋度宗甲戌咸淳十年元世祖至元十一年封宗室脫忽魯爲雲南王命雲南行省平章政事賽典赤建雲南各衙門妖僧舍利威復叛實遣石買等詭爲商賈執贄往見挺矛縱殺之梟首於市元世祖賜實白金及金織紋衣南宋恭宗丙子德佑二年元世祖至元十三年授實爲大理等處宣撫使緬甸叛犯永昌元命納速刺丁賽典赤之長子伐之破砦三百囚天暑還師復命諸王相後封延安王吾答兒右丞太卜泰政也罕的斤伐緬招討使怯烈先驅

造舟於阿若阿禾兩江進拔江頭太公二城金齒烏蒙皆
降南宋帝昀庚辰祥興二年春二月爲元世祖忽必烈之
至元十七年宋亡元人主中國以忽哥赤之子也先帖木
兒爲雲南王命忙兀魯徂八百媳婦納敗忽都帖木兒兵
詔思播土官田楊二處兵助討之命徂緬官悉聽雲南王
節制至元辛巳十八年實率子同慶入覲元祖嘉其忠晉
大理威楚金齒等處宣慰使都元帥陞爵復拜爲雲南諸
路行中書省參知政事出阿慶宿衛東宮至元壬午十九
年實受勅迎徂緬帥於金齒納卒詔以其弟忠爲大理宣

慰使兼管軍民萬戶府贈實爲武定公實任職二十二年
段忠 實之弟

段忠元世祖癸未至元二十年襲是年忠隨元帥潤木
征苾部兩林蠻及會川等處破賊立功元授忠爲鄯開節
賜虎符元置邦牙宣慰司於蒲甘城命雲南王也先帖木
兒率招討使怯烈總兵三千往鎮之忠奉雲南王命伐武
定冬十二月忠卒以實之子阿慶爲大理金齒等處宣慰
使都元帥佩金虎符封宣武將軍晉鎮國上將軍尙公主
遣歸復授雲南行省叅政忠任職一年

段慶即阿實之子

段慶元世祖甲申至元二十一年襲至元二十五年以雲

南王也先帖木兒移鎮大理進封營王至元二十七年冬

十月封皇孫甘刺麻為梁王鎮雲南至元二十九年改封

梁王甘刺麻為營王鎮北邊至元三十年封甘刺麻之子

松山鎮雲南至元甲午三十一年世祖崩孫鐵木耳立是

為成宗成宗丙申元貞二年置徹里路即中里軍民宣慰使司令與

八百大牙相制秋八酋叛命也先不花征之成宗己亥大

德三年雲南水西土官宋隆濟叛貴州知州張懷德戰死

雲南行省麻九兒討之追殺賊首撒月斬首五百級慶奉
勅征交趾平之入朝帶僧左黎同往適成宗病手疽甚黎
以法水洗之立愈帝欲試其術乃掘地窖令八人潛其中
擊鼓佯云有怪召黎治之黎行法頃之不聞鼓聲啟窖視
之則八人已死帝敬其法封爲國師大德四年緬人僧哥
倫作亂緬酋執其兄阿散哥也尋釋去阿散乃率其黨殺
酋酋次子奔憇京師詔遣薛超兀兒率行省兵討之大德
五年金齒八百叛不輸糧殺官吏元命右丞劉深哈刺帶
鄭祐等征之劉深協求水西土婦節金三千兩馬三千匹

土官宋隆濟遂叛圍深等於窮谷中梁王潤閣率兵救解
 之冬雲南地大震御史陳天祥諫伐西南夷不報大德七
 年罷征八百免右丞劉深官收符印左丞相哈刺哈孫
 深徼名首豐喪師辱國勸帝誅深遂殺之深即往以兵備
 南宋帝昂於謝女峽者大德八年立平雲南碑於點蒼山
 順元宣撫宋阿重獲其叛叔宋隆濟朝命陞職賜衣一襲
 滇池有蛟化少年淫婦女有神僧趙伽羅者命黑胡神擒
 之至噴水見形斬之神即土主也成宗丙午大德十年羅
 雄土官阿那籠少叛據越州今在曲靖府南六十里本唐之悅州其川名魯望命

右丞汪惟能討之追至曲靖斬那龍少是年慶卒弟正襲慶任職四十三年

段正 慶之弟

段正元成宗丁未大德十一年襲正招蒙化山中生爨人籍元授正爲泰政仍大理軍民總管晉甯建盤龍寺有神僧覺照者段氏族人號蓮峯遊東山見龍潭景繼幽勝乃咒龍令徙龍去水洞建寺其地蔚按蓮峯僧於順帝武宗海山戊申至大元年雷益烏蒙地大震三日竝出至大二年三月梁王松山有風疾詔封皇第七子西平王與魯赤

之孫老的代鎮雲南仁宗愛育黎拔力八達王子皇慶元年詔罷征八百里慶癸丑二年冬十月學士李孟奏准開科三年一試時九成殿生芝天下共取士三百名每榜雲南取五名內蒙古二名塞目二名漢人一名以八月二十日初場二十三日次場二十六日三場仁宗乙卯延祐二年十一月封武宗子和世珠為周王出鎮雲南仁宗丙辰延祐三年正卒慶子隆襲正任職十年

段隆 慶之子

段隆元仁宗丁巳延祐四年襲元授隆為大理軍民總管

延祐己未六年雲南行省奏夷俗凡土官無子即以妻代
管請聽之詔曰可延祐庚申七年封甘刺麻孫王禪爲雲
南王英宗碩德八喇癸亥至治三年進封王禪爲梁王封
其子帖木兒不花爲雲南王是年八月諸王按梯不花索
羅月魯鐵木兒等及御史大夫鐵失弑帝於南坡行幄九
月泰定帝也孫鐵木兒即位十二月流諸王月魯鐵木兒
於雲南泰定四年洱河有水怪牛豬形短項金睛興水爲
患大理一道人向隆取黃金百鎰隆與之乃以金爲索沉
於河怪即日徙於浪穹甯河按六詔靈源記云甯河無底

明宣德間有漁人李應捕魚網得金索旋得旋斷一漁者
誠之曰可止矣應貪甚儘曳之索將窮驚其怪風浪陡作
應並舟俱溺至今爲患文宗圖帖睦爾庚午至順元年以
豫王阿忒思納失里出鎮雲南諸王禿堅據雲南叛殺廉
訪使自稱雲南王元詔樞密帖木兒討之發朵甘思等處
兵分道進至四川建昌羅羅斯權尋甸府官曲朮集義兵
討禿堅敗賊伯忽於馬龍進至金馬山擒之是年隆以老
退閒子俊襲隆任職十四年

段俊 隆之子

段俊元文宗辛未至順二年襲元授俊爲雲南行省平章
烏撒部奏雲南驛輸征甚苦願屬四川奏下叅政賈敦熙
議之是年俊卒族弟義襲俊任職一年

段義 俊之族弟

段義元文宗壬申至順三年襲朝命止授爲承務郎蒙化
州知州是年阿容禾叛於中慶路義助兵討平之以功陞
叅政九月烏蒙土官祿余寇順元雲南行省遣都事那海
奉詔往諭授余爲叅政冬十一月雲南行省奏國馬每月
上寅日給鹽飲之無病因伯忽叛鹽不給馬多死詔四川

以鹽給之是年義卒隆子光襲義任職一年

段光 隆之子

段光元順帝妥權帖睦爾癸酉元統元年襲朝命止授爲承務郎蒙化州知州番兵作亂孟州判官李生等守白崖值高蓬新敗番兵乘勝長驅破河尾關光率兵大敗之斬馘無算河水盡赤爲之不流得戰馬甲仗數千光賦凱旋詩曰雨鎖金門百里城神州花木管絃聲齊天蒼嶽泰雲峻界地榆河射月明梵宇三千朝唄朗招提八百夜香清恒沙善果心無異何患愚夷治不平元統二年光以先與

梁王把匝刺兀爾密孛羅因分域構隙至是遣張希矯楊

生張連等發兵攻梁王不勝士卒多死希矯等遁歸順帝

至元元年梁王侵大理光自督兵與戰於昆彌山即今大理府趙

州南之定西嶺梁王大敗凱還侍翰楊天甫作長壽仙曲上光云

蒙氏鍾王氣駕馭萬乘唐南龍光對北金鎖東洱水朝西

點蒼四面固金湯江綠春楊柳岸清古雪霜屏障龍吟梅

破王竹林鶴立菊舒黃四季景如粧此生誠慶幸有眼睹

明王光大喜設宴謝之順帝辛巳至正元年玉案山生小

赤犬羣走如飛段雄正曰此天狗星所化大兵壓境之兆

經二年方絕又下鐵雨山石民屋俱穿人值之多擊死梁
王刺殺段氏臣高蓬先是光令蓬督兵羅那關梁王使人
暗招之蓬不從答之詩云寄語下番梁王翁檄書何苦招
高蓬身爲五嶽嵩山主智過六丁縮地公鐵甲鐵盔持鐵
槊花鞍花索馭花驄但揮眼前黃石陣孤雲擊破幾千重
梁王忌之乃重賂蓬庖人刺殺之順帝甲申至正四年光
卒弟功襲光任職十二年

段功 光之弟

段功元順帝乙酉至正五年襲朝命止授爲承務郎蒙化

州知州至正六年木邦夷思可叛元命河南叅政賈敦熙
督師會雲南路兵討之以功爲前鋒屢戰克捷叙功
爲大理總管尋陞叅政至正癸巳十三年紅巾賊潘人建
昌勞掠雲南邊地阿次失里討平之至正十五年二月元
竄太師脫脫於雲南中書右丞哈麻矯詔殺脫脫於阿輕乞之地
陷之也十二月左丞相哈麻矯詔殺脫脫於阿輕乞之地
時年四十二歲天下冤之兩日相盪是年梁王宮中有怪
左右啟王曰盤龍寺僧蓮峯能驅邪王禮請至行法怪息
王謝留宮中供養至夜密問之曰今中原紛亂後事如

何楷曰二十年後祚盡矣至期明師果南下至正十六年
黑井有毒龍興水溢井損民居蓮峰建寺書鐵符沉井中
害息又甯州有虎啣人蓮峰灑淨水驅虎遠去明日虎果
去七月元以四川廉訪使蒲機雲爲雲南諸路廉訪使至
正癸卯二十三年三月紅巾賊明玉珍率其黨李之蘇同
弟明二等將兵三萬攻雲南入金馬山梁王把匝剌瓦爾
密奔楚雄四月梁王發中慶至石碑村紅巾入城梁王聞
報感而自咏云野無青草有黃塵道側仍多戰死人觸目
傷心無限事雞山還似舊時春隨命陝西秦政車力帖木

與非之擒明二於時四方乘機竊發羣盜滿山功乃謀於
外將楊智字淵海者同稽於卜卜告吉又得子宗子秀兵
至功遂從梁王進兵呂合敗紅巾於關灘江紅巾收合餘
燬再戰殺段氏之驍將鐵萬戶又有江心莊人楊勝力戰
死梁王爲文祭之曰生於江心爲我門戶我舊不識用備
其數能衛社稷春秋與之惟忠惟烈爾則處之曠遠重於
生生必有死之者識者有幾願氣作山河魂歸蒼海
英傑復生以保我之國齋祭畢而哭一軍感泣是夜紅巾
屯古田寺功令人焚寺紅巾亂以鐵騎擣之死者大半追

至回疆關又大破之嗣將謝得攻安甯功力戰殺千人謝
得奔中慶於夜功譔者拾得一書乃明玉珍母寄珍書云
自爾去後老母平安征雲南務要得之兵糧不足隨後發
來不可輕回功閱書令楊智易其辭曰自爾去後老母不
安臣下亂法又聞中國人馬人界非止一處爾須急回遲
則難保大夏天統元年太后平安書遂募亡命者實書往
有打金箔人陳惠願行惟慮老母在功許養其母惠遂往
玉珍得書揮之去令回報迨夜玉珍旋軍功追攝至七星
關大破其衆梁王回中慶奏陞功爲雲南行省平章以主

陶禧妻之一日王與禧宴酣禧歌金指環云將星挺生扶
寶闕寶闕金枝接玉葉靈輝徹南北東西皓皓中天光
月玉交金印大如斗猶唐貴主結配偶父子永壽同碧
豪傑長作擎天手功火始梁王府嫡妻高夫人在大理作
詞寄功云風捲殘雲九霄冉冉逐龍池無偶水雲一片綠
寂寞倚屏幃春雨紛紛促蜀錦半間鴛鴦獨自宿珊瑚
冷淚滴針穿目好難禁將軍一去無度身與影立影與身
獨盼將軍只恐樂極生悲冤鬼哭至正二十四年春功還
大理至洱海金雞廟夫人遣人適來報生子功喜作歌曰

去時野火通山赤凱歌回奏梁王憚自冬抵此又陽春時
 物變遷今又昔歸來草色綠無數桃花正穠柳苞絮杜鵑
 啼處日如年聲聲只促人歸去至正二十五年功思新婚
 欲往梁王所員外楊智於僻間題詩留功張希矯亦上書
 留行功曰寶劍豈埋荒土物耶矯苦留不已功怒流矯於
 順州順州前明屬鶴慶府今裁在永北屬遂與夫人別倍
 道至中慶梁王疑之私議曰平章此來得無有吞金馬嘔
 碧雞之心其下有妬功者復讒搆之王與阿濫謀欲以孔
 雀膽毒功濫私洩之願與西歸今功周防功不信是年滇

大旱人言定遠有禪僧連延通瑜伽秘密教能降龍役鬼
啓梁王王遣人迎至僧設壇祈雨咒畢鉢中出一小蛇遂
大雨王喜酬以金帛辭役鬼荷擔行空而去順帝丙午至
正二十六年春中原盜竄起臨安庶訪使支渭興三懇休
梁王不允遣使金閭慰賜羔羊渭興自咏曰年高才薄秦
清流欲挂朝冠不自由且喜壯懷無訴諜從教行道有鳴
騶故園花木無由見何日干戈定得休九十春光還欲暮
放懷聊與醉金甌重午節梁王宮門外觀射柳隨侍文武
賜宴支渭興詩賀曰平地如席草如茵少年將軍酒半醺

朱儀馬穿

人影過綠楊枝逐箭鋒分旌旗色映宮前尾鼓

角聲飄海

上雲何日鯨鯢俱授首普天假武共修文七月

梁王借功

東寺講經至通濟橋功馬逸王乘機令番將掖

殺之阿裨

聞之慟哭曰昨燈下吾猶言雲南施宗施秀二

人以胭花

殞命奈何不信今果遇害矣命侍女錦被包之

以上禮歛

送歸大理作詩輓之云吾家住在雁門深一片

間雲到滇

海心懸明月照青天青天不語今三載黃嵩厯

亂蒼山秋

誤我一生踏裡彩華言錦被也吐嚙吐嚙段阿奴施

宗施秀同

奴及雲片波潏不見人押不蘆花華言起死靈草也顏

色改肉屏

華言駱駝也

獨坐細思量

華言松林也

風滿灑

功喪既行阿蓋遂不食死以殉焉其家臣員外楊智淵海

聞而亦死之智臨死詩曰半戰功名百戰身不堪今日總

紅塵死生自古皆由命禍福於今豈怨人蝴蝶夢殘滇海

月杜鵑啼破點蒼春哀憐永訣雲南土絮酒還教灑淚頻

明洪武間都督馮誠經功墓亦步原韻題詩吊之曰田橫五百劍孤身轉眼關山半委塵北闕玉樓召客記南滇粉

壁說詩人蒼山夜黑雲遮月金馬天寒鳥功死長子寶自

稱平章立於大理功任職二十二年

段寶 功之子

段實於元順帝丙午至正二十六年八月因父功爲梁王
所害遂自稱平章立於大理是年梁王開科取士以支潤
興主試事梁王復聽讒誅劬段族梁段旣結仇數數構兵
鶴慶知事楊昇調和二家自金雞廟分界南屬梁王北屬
段氏力勸息兵百姓稍寧至正丁未二十七年四月梁王
生日羣臣稱賀王宴於昆明池上省憲官獻詩曰賢君添
筭宴嘉賓幄殿先施巨海濱萬里瞻天開錦繡一川芳草
踏麒麟笙歌暖送金杯酒錯仗寬圍玉珮人醉飽百官咸
稽首願王高壽過千春中慶路土主廟地梁王重修立碑

紀事

先是至正十二年廟爲耆民楊光所修至二十三年紅巾賊入滇陷中慶燬民居廟亦被焚

梁王

欲并段氏遣人刺寶弗得又令平章矢刺七攻大理皆不克乃遣使通好奏抄寶爲雲南右丞以和之紅巾復入滇梁王命叔鐵木的罕魯勅借兵於寶寶答書曰殺虎母還餒虎子分狙柴自許狙公假途滅虢獻壁吞虞金印玉書設釣魚之香餌繡閣艷女備拚雉之網羅況平章已死只遺一奴一嫠奴可配阿穉妃嫠可配華黎氏二事許諾當信大兵不然金馬山換作點蒼山昆明海改作西洱海兵來矣書後又附一詩云烽火狼煙信不符驪山一舉任枝

梧平章柱掛紅羅帳員外空題粉壁 圖鳳去岐山祥兆隱
麟戕大野瑞光無自從界限鴻溝後 成敗興亡不屬吾梁
王讀而深恨之 元年明太祖取燕京 元順帝北遁元亡明
太祖戊申洪武元年梁王復通好於寶辭甚卑遜寶許之
和時有蠻舍興者自元江攻入鄯闡王懼欲出奔寶以唇
齒之故率兵救之擊走舍興王德寶陞爲武定公勅曰段
氏歸附而來忠勤懋著父子秉忠征討克捷乃於戎馬倥
偬之中干戈紛擾之際不第遠朝且兼平亂宜示至優之
數以彰匡濟之勲茲特陞寶爲武定公仍總管大理軍民

府爾其不負初心永保世爵以光大爾赤城於無窮宣光
元年勅云云宣光乃故元順帝太子立於應昌年號也太
祖洪武辛亥四年寶降於太祖上奏云臣聞有天下者爲
天下之主有列土者爲列土之君卑臣寶雖隔萬里之遙
每切中原之向大理有二帝三皇之後一方九姓之傳漢
晉六朝以來大蒙國受封於前唐殘唐五季而終二理國
遷守於兩宋臣祖思平等恪共藩服貢禮屢修於中土華
風遠暢於邊隅迨至故元不尙仁義專事暴殘順帝已遁
北方梁王猶稱鄯闡邇聞明主奉天承運御極南京中原

太平邊徼寧又意者中國有聖人履堯舜之正統陋漢唐之淺圖天時人事然也或命臣依漢唐故例歲貢天朝或倣元代職名俾守舊土庶深谷回暘幽巖撫日八方溱德六合同春垂憐邊境救卹一方欲修進貢恐觸明威合待事體之定專候聖旨之頒謹此專差段貞王伯鵬馳奏以聞太祖詔諭答之洪武五年寶女兒名美娜小名僧奴又各寶姑者迺建昌土官謝黎先是先朝編一旗至是將嫁以旗付寶囑曰母常語我云爾父爲王所害必當報仇淮望爾輩長大我聞母言故繡此旗已五年矣今我嫁至

夫家收拾建昌東川軍馬飛報若到女急來應慎勿違焉
 臨行又以二詩別寶云珊瑚鈎起出深閨滿目潸然淚濕
 衣冰鑑銀臺前長大金枝玉葉下芳菲鳥飛先走頻來往
 桂秀梅香不暫移惆悵同胞未忍別應知恨重點蒼低何
 彼穠兮花正紅香車獨去洱河東鴻飛雪岫難經目風刺
 霜林易割胸雲白天高連水遠月新春疊與秋重一作閨
裡繡旗
冤父魄天邊淚珠恰似迴霄雨千里關山幾處逢一作須
知恨重
管山小回首洪武辛酉十四年四月國中有巫女歌曰莫
卷云千萬重道君爲山海主山嶽笑諧諧園中花謝千萬
 朵別有明主

西晉書卷之九
來勳曰寶卒子明襲寶任職十四年

授明寶之子

授明曰太祖辛酉洪武十四年四月襲梁王授明爲宣慰使九月明太祖命潁川侯傅友德列侯曹正王弼金朝興都督郭英張銓等率師三十萬征雲南帝出餞於龍江友德至湖廣分遣都督胡海洋陳相等領兵五萬由四川永寧趨烏撒友德等率大軍由辰沅趨貴州進攻普定擒土酋安瓚諸苗蠻犵狁聞風迎降十二月傅友德等兵至普安攻下之進至曲靖先遣梁王把師刺九爾富遣其司徒

平章達里麻將精兵十餘萬屯曲靖以拒明師沐英曰彼
謂我師疲於深入未有虞心乃可破也友德然之遂倍道
進師將至白石江忽大霧四塞衝霧及江而上頃之霧霧
則兩軍相望達里麻見之大驚以爲神軍飛至擁軍陣於
南岸沐英分遣一軍潛流潛渡出其陣後吹銅角樹旗幟
爲疑兵山谷間達里麻急撤陣後軍以禦之岍上軍陣亂
友德等趣師濟江一湧而渡旣濟整列進戰敵衆披靡生
擒達里麻橫屍十餘里俘其衆二萬人友德悉慰遣之友
德進擊烏撒分遣沐英等趣雲南梁王聞達里麻敗棄城

走晉甯州忽忽納岩尋入滇池島中先縊其妃自飲藥不

死投水死之父老收葬雲南城西三十里淨土山土人立

廟妙音寺側後至嘉靖間拆廟材修社學乃因舊址爲小寺祀之雲南右邊觀音保

以城降英等入城秋毫無犯收梁王金印並符信圖籍安

撫其民友德亦自由靖循格孤山而北以應雲南之兵時

元右丞實卜聞胡海洋等進自永甯乃聚兵赤水河以拒

之海洋等造木筏夜半濟河而友德亦至實卜遁去友德

令將士於烏撒築城版鋪方具蠻衆復合斬首三千餘級

餘衆潰散遂城烏撒得七星關以通畢節又克可渡河於

是東川烏蒙茫部諸蠻震懼望風降附先是洪武壬子五年正月帝遣翰林待制王禕行祭政吳雲持詔諭雲南梁王令奉版圖來歸梁王初不從後有降意至洪武六年十二月會元太子愛猷識里達剌立於漢北使侍郎脫脫微餉於雲南脫脫覘知梁王有二心因以危言偪王殺使臣以絕其念王遂殺禕父老收屍葬地藏寺北吳雲奉使時會梁王遣鐵知院等二十人使沙漠爲邊將所獲帝乃釋二十人令與雲俱行至沙塘口二十人謀曰吾等奉使不達被執而還罪必死乃說雲令胡服編髮詐爲元使又偪

令改制書其給梁王雲不從以死自誓亦被害梁王遣人

收雲屍葬給孤獨寺及事聞帝震怒故有是役按王禕字子克浙江

金華府義烏縣人建文時賜謚文節承樂登極凡建文設

施盡革遂削禕謚後至正統中義烏縣丞劉傑奏請加奉

使雲南死節臣恤典禕賜謚文忠吳雲字友雲江蘇常州

府宜興縣人至治中贈謚忠節並祀雲南勅賜為二忠

祠是年冬十二月明卒叔世襲明任職一年

段世寶之弟明之叔

段氏明太祖壬戌洪武十五年襲二月世聞鄩圍破梁王

已死又以沐英等兵略尋甸臨安澂江元江楚雄洱海次

第皆下進逼大理乃遣使致書請依唐宋故事奉正朔為

外臣友德不聽答書諭令速降凡三致書世怒遂遣都使
張元亨州判李洪赴軍前下戰書畧云鄧關危甚登天大
理險倍投海英如漢武昔戰僅置益州雄若胡元設官止
於中慶取之易而守之難莫若依吾請乞册封定爲進貢
始爲良策吾實武人不通經史前代得失則屢聞也恭惟
麾下振耀皇威功不亞於孔明才克比於方叔滌山川之
舊染歷代所未有也況吾與爾旣無殺父之仇又無財債
之怨無故交戰真乃不祥爾屯威楚彼處之民有何罪焉
若耗人之食是絕其命取人之財是剗其心據人妻女是

亂人倫則吾之應不得已也爰念爾等皆中國之人其中豈無一二達士得此何益不得何損西南之地號爲不毛易動難安今春氣漸暄煙瘴漸起不須戒爾四五月間雨霖河汎爾糧盡氣散十散九死形如鬼魅色如黑漆欲活不能爾之進退狼狽矣莫若乘此天晴地乾早尋活路寧作中原鬼莫作邊地魂爾宜圖之後理國段世頓首書後

繼一詩云長驅虎旅勢威宣深入不毛取累殘漢武故營旂影滅唐宗遺壘角聲寒乃今天下平猶易自古雲南守獨難擬欲華夷歸一統經細度量必須寬友德英等覽書

大怒拘其使左副將軍蘇玉等率師逕進兵至品甸世恃
田菴和尙有術列兵五萬扼下關沐英自將攻之不克乃
命王弼率兵出洱水之東趨上關英以兵綴下關爲犄角
勢別遣胡海洋將一軍夜渡從石門間繞道出點蒼山後
緣崖而上張旗幟連明英先驅渡河斬關而入海洋之師
亦從山而下腹背夾攻世衆驚潰拔其城世就擒並執明
之二子直仁直義時二月二十三日也於是沐英等分兵
以鶴慶麗江破石門關蕩金齒所有摩些和泥車里品緬
等部相率歸附又略建昌故元平章月普帖木兒降闡二

南各土官冠帶及誥勅使任本州知州等官四月
 東川苾部諸蠻復叛傅友德沐英會兵進討斬首三
 萬餘級諸蠻來降雲南悉平以烏撒烏蒙苾部地近四川
 分隸之九月土官楊百等叛糾眾至二十萬攻雲南城都
 督謝熊指揮馮誠嬰城固守沐英自烏撒移兵討之斬首
 六萬餘級擒四千餘人諸部悉定洪武癸亥十六年二月
 故元有丞普顏篤同土酋高大一作天據佛光按
此皆用佛光山山半有洞可容萬人又名女關昔諸葛武侯曾擒孟獲於此在大理府浪穹縣東二十里進先
 不花叛據鄧川州傅友德率鄭英討平之又定蒙化州過

金沙江攻北勝府今永北廳擒故元平章隔生於是麗江府拒

津等州皆平前後斬首一萬三千級蠻民降者四十萬戶

帝遣耿炳文諭傅友德藍玉等班師沐英留鎮雲南別命

列侯王志仇成張龍芬赴尋甸各府繕城池立屯堡安輯

人民是年械送世并明之二子苴仁苴義赴京世臨行以

詩別故人楊朝彥云雄兵一日破重關父子流離瞬息間

別後欲知相憶處錦江流水綠潺潺洪武甲子十七年四

月傅友德等班師至京論平雲南功進封傅友德爲穎國

公胡海洋東川侯陳桓普定侯張瑄鶴慶侯藍玉仇成王

彌張龍等並賜鐵券子孫世襲吳復金朝興先卒俱授世襲侯爵鐵券加祿並同餘陞職賜金帛有差以世苴仁苴義見帝帝誅其頭自諭苴仁苴義及世曰爾祖寶昔年曾有降表朕不忍廢乃授苴仁官雁門衛鎮撫賜名歸仁苴義爲武昌衛鎮撫賜名歸義世任職一年段氏之世土至此而絕帝又封其族段保爲雲龍州土知州

按段氏襲總管十二世起商宋理宗辛酉景定二年爲蒙古世祖中統二年訖明太祖壬戌洪武十五年共一百二十二年

南詔歷代各官

張元漢元帝時守 張翕東漢明帝時守 鄭純同時

王追東漢順帝時守 王伉後漢時永昌郡丞 呂凱同

時永昌郡功曹 前有文齊吳霸陳立後有張亮劉寵犍

爲蜀時出東詔書者勳績 李毅晉惠帝光熙元年爲

寧州刺史後明達五苓夷反時病卒其女秀有父才領

州事至懷帝時贈少府謚威侯 王遜東晉明帝大甯元

年爲晉甯守華夷畏服夷叛死之州人以中子堅領州事

官至平西安南將軍

南詔歷代鄉賢附元朝進士

漢盛覽字通葉榆今大理府太和縣人受學司馬相如著賦心

四卷同時葉榆張叔大資高顯書過目成誦俗不知學叔

每病之間司馬相如至若水尉按水經注若水南經雲南郡之遂火縣縣廢在今大理

府賓川州城東北一百里古稱自門置於漢時今為金沙江巡檢司地逐負笈往從之受經

歸教鄉人 隗叔通葉榆人性至孝母好飲江水通日入

江取水維艱灘中忽出平石涉取甚便人謂之孝子石

東漢許叔一作重明人明帝時入中國受五經歸為本郡

教授 尹珍字遵真平夔人相帝時入中國負笈從許慎

受經學選教鄉人 唐尹仇 寬葉榆人 德宗貞元間爲

氏清平官入朝陳地圖貢方物 惠拜爲左散騎常侍封高

溪郡侯 張志成昆明人文 宗太和間入蜀學王羲之草

書歸教國人 元王昇昆明人 曲靖宣慰副使學政各時

段文瑞澂江人讀書盡孝 詔旌其門任至臨安總管

楊惠楚雄人孝母感神詔旌其門 張景雲昆明人仕至

臨安經歷 陳寶平燹人仕 至尙書尹貢南寧人仕至尙

書以上三人皆德政各時 元朝進士王楫李近仁段天

祥李天佑李郁五人皆三甲 同進士出身

南詔各種蠻夷

六十條

白民

有阿白白兒子民家子等各白國之後即滇中之土著婦女出門携傘障面謂之避嫌宴客切肉拌蒜名曰食生餘同漢人女鑲邊衣以銀花銀吊為飾

蒲人

即古百濮周書所謂微盧彭濮也後世為蒲質黑烏音男子清布裹頭衣套頭衣膝繫黑藤婦人挽髮為髻腦後戴青綠磁珠花布圍腰短裙繫海貳十數圍帶刀弩長牌不

畏深淵或浮以渡婚娶長幼舞蹈吹蘆笙爲孔雀舞婿家
立標竿上懸綵繡荷包中貯五穀銀錢等物兩家男婦大
小爭緣取之以得者爲勝又有野蒲普蠻樸子蠻等類性
尤克悍男子以布二幅結於左脇另用布一幅合縫挂身
以紅布搭右肩蔽腰以下今順甯府多此種

棘人

一名百夷又名罷夷性耐暑熱居多在棘下本瀾滄江外
夷人有水旱二種水棘夷近水好浴薙後髮蓄前髮盤髻
如瓢故又名瓢頭棘夷旱棘夷山居耕獵又名漢棘夷男

青布裹頭簪花婦女不施胭脂粉自然白皙盤髮辨紅綠包頭飾以五綵線鬚衣五色衣桶裙繡邊其俗賤為貴男頭目妻數百人庶民亦數十耕織貿易皆婦人任之凡婚娶男女相悅而議聘一成匹配不肅而嚴如夫婦不睦聽夫付之一物為憑然後改適有邪術能使男子千里不忘其法不外傳也

猓獠

猓蠻盧鹿之裔猓獠其訛音也以五月為春信鬼術巫巫有大 皤拜禱白馬之號卜用雄鷄兩髀骨骨有細竅刺

以竹簽視多寡向背之勢以定吉凶其部長妻曰耐得頭
士曰直可每歲六月廿四日名火把節燃松炬照村砦田
廬男椎髻鑷鬚耳環佩刀婦披髮短衣桶裙披羊皮

白獮

一名撒馬都即西蠻白蠻知讀書能文字古音清便
漢人見尊長披羊皮故嫁女授羊皮一張短衣革履胸挂
花包婦人花衣桶裙青布蒙頭飾以海貝錫鈴

黑獮

即東蠻鳥蠻其祝以鈴其占以草男挽髮貫耳披氍佩刀

婦人貴者衣套頭衣方領如井字無襟帶白頭罩下長曳
地尺許披黑羊皮飾以鈴索

乾獾羅

以山居得名每食插筋飯中仰天跪拜為報本好勇喜鬥
殺人償以財服飾同黑獾羅婦人頭挂一羊毛筐行住紐

毛為羅以織

海獾羅

一名獾羅以種水田得名蓋土人以水為海以平田為
塙也居家儉樸知讀書服飾如漢人婦如白獾羅

妙獮獮

多土官之裔有營長官奴火頭等稱男挽髮以耳婦人桶裙無袴穿套頭衣前不拚脛後長曳地衣邊火燄彎曲如旂尾居茅舍中堂作火爐父子婦姑圍爐而卧又有一種戴鵲帽者名獮落蠻白布裹脛者曰白脚獮獮

葛獮獮

一名大頭獮獮男以青布丈許裹髮爲大頭女戴布花線簪婚嫁步行婦避伯不避翁亦有頂盔擐甲乘馬佩刀以劫搶爲生者然居家尊卑有序會食以跪爲敬

阿者獠獠

男女皆耳環手釧穿衣短袴披羊皮婚娶婿親負女以歸

阿者獠獠

性殘好獵多蓄牛羊每歲設官房一所婚嫁並集其中男
短衣女長衣俱裹頭貫耳出入帶刀弩

阿者獠獠

耕種射獵爲生男短衣木屐女長裙跣足

撒米獠獠

居山耕瘠負薪近水捕魚自給面多黧黑男挽髮如鬆毛

褐被毡佩短刀女披青布單短裙長袴又有骨兀老烏撒
完洒泥阿蝎阿係等類衣飾風俗畧同

老牯猓獾

即羅漢又名羅午羅武男披髮貫耳披毳佩刀穿火草布
衣或辨髮垂肩飾以海貝砵磑穿火草布裙無床幃被褥

以

松毛箱
地而卧

猓黑

蒲蠻別種擇叢篁深處結茅而居蜂蟲鼠蛤無所不食以
蕎稗爲上品又有大猓黑小猓黑巖居野處猿猴同類

普特

以漁爲業舟不盈丈而炊爨牲畜資生之具無不咸備泗水出沒口銜手捉皆巨魚也今雲南府省城西碧雞山下多有此種

地羊鬼

亦棘人類也短髮黃睛奸狡嗜利與人相仇能行妖術以木石易人心腎或以一帛繫衣後變形爲象馬猪羊猫犬等物稍畏懼之卽爲所魅入人腹中食五臟或潛至人家偷竊財物食嬰兒知者一手捉之一手痛毆必復爲人奪

其帶糜之彼必以家貲之半勾脫或有娶其女者夫每出必問歸期卽餌以毒如期而歸更以藥解否則毒發而死交易失信及私窺其要女者必毒之此種元江州爲甚

窩泥

有和泥幹泥哈泥路粥等名黑白兩種風俗畧同男戴麥稊帽穿火草布衣耳環跣足婦女辮髮數結海貝雜珠盤旋爲髻套衣桶裙善養豬其豬小耳短身長不過三十觔肉肥膈名窩泥豬婚用媒妁路遇野獸則返而他求嫁則以紅藤束膝爲識勤生畜用每積貝一百二十索爲一窖

臨死囑其子曰積貝若干汝取其窖餘留我為來生用死則以雌雄雞各一殉又有一種名糯比與此同其生者名哥泥亦名瓦黑好勇尙鬪能咒人使病

阿昌

一名峨昌男短衣披布單女長衣無袴腰纏紅藤占用竹三十三枝畧如筮儀嗜酒覓禽獸豕生噉之舊俗兄死弟妻嫂後有羅拔砦百夫長早正死其妻方艾自誓不失節餓而死其風遂革又有小阿昌其俗畧同

阿成

男短衣女桶裙以樹皮代瓦婚用牛羊至女家以水潑女足爲定

比直

夔夷別種男耳環華服女白悅束髮纏疊如仰螺構榘而居近水極寒猶浴喪尙緋夫死妻不再嫁名曰鬼妻又有白布纏足者名曰脚夔夷亦名孔荅齒齒文身髡者名光頭夔夷額上黥刺月牙紋蓋習車里之俗所謂雕題也

黑舖

亦名黑普俗同

窩泥形容鰲黑怕見漢人裔山羊作竹器

一刃床几櫪杙 備極精巧

黑乾夷

男推髻麻衣耳環垂肩女以毛褐細帶編如飾單首飾以

海貝種樂衣領亦然婚配男吹盧笙女彈口琴唱和調悅

先野合後媒妁

山蘇

男披髮跣足女椎髻蒙頭語似鳥音形如猿猴潛居深山

種蕎麻或工或獵夷中之最苦者

車蘇

亦名扯蘇傍巖 臨水男短衣皮履女長裙無袴種蕎稗績

線爲業以羊毛 占晴雨

喇雞

亦名喇記黑布 帽白衫好樓居孟春作土主會客至掘鼠

及蝦蟆爲敬其 在交趾者男善鎗女善織多充交兵又有

白喇雞男女俱 穿五色氍毹食山蟲水蛇等物

喇五

亦曰喇烏又曰 喇魯男如擺夷女如窩泥構樓臨水而居

上人下畜名曰 掌房其在騰越州者食巨蟒毒蟲或取蜂

糟食之

僕喇

男插雞毛女裹

首巾皆披羊皮衣不洗濯婚配先野合每

採蒙肚花

蒙肚人生

花樹皮如鮮能毒景東廳今不產矣

欲人醉死則醉採欲人

狂死則狂採以

毒人又一種在玉壽山者名馬喇

哈喇

男女黑色不知

盥櫛婦女紅黑籐纏腰數十圍產子以竹

兜盛之負於肩

又有古喇杜喇色黑尤甚言語不通略似

人形而已

曼喇

兇悍好獵居山巔戶不正出迎市閭門不留餘粟

卡喇

亦曰卡腊男穿耳挽髮佩短刀女短衣無袴脛著彩色摺
袴聚族而居耕種鬻薪

卡隋

亦名卡高性頑鈍喜歌舞男女多野合婚娶通媒妁之曰
議聘金多至數百娶後子孫猶有代祖父償聘金者

卡瓦

西言里身 一 夕
多在順甯永昌二郡辣蒜江外貌配性惡獵人以祭商賈
出騰越州入木邦者必經其地呼爲卡利瓦有生熟二種
生者劫掠熟者保路

西番

卽土番亦名巴苴居金沙江邊性悍戾善弩男女辮髮白
絡不知櫛流男以籐纏左肘披毳毳毳暑熱不脫女以海
貝磔磔磁珠飾於項又有野西番更不可制

古宗

一名猪踪西番別種皆辮髮白縉男戴紅纓穿毳毳挂銅

鈴佩刀女飾以珊瑚銀泡披脂瓦被單皆穿烏拉韉經年
一櫛櫛必牲祭春夏種稻釋秋冬趕牛馬取牛羊乳酥調
油茶而食名曰餼飽又有小古宗喜獵飲酒餘畧同

果蔥

冠青而脫耳環踏履衣尙素聘用牛貧不能具者傭女家

三年

苦蔥

面醜男麻衣短袴女短衣桶裙亦有衣袴相連者耕山採
藥爲生所佩環手繩自幼至老不釋死以殉

摩娑

烏蠻別種性消樸烏音男薙髮戴帽長領布衣女高髻或
 戴黑漆尖帽短衣長裙畜牛羊產射香同類仇殺婦女登
 場一勸即止歲暮殺牛羊相邀一客不至為恥今有讀書
 入泮者

力娑

即獐獐衣麻披氍毹居穴處利刀毒矢刻不離身登山捷
 若猿猴以上和蜜死飢得野獸即生食尤善弩每令其婦
 負小木盾前行自後射之申盾而不傷婦以此制服西番

野力髮披髮插羽尤兇悍

遮髮

男女皆穿耳挽髮喜華彩衣盤旋蔽體每飲食必精潔而長於弓弩尤善鳥銃

錫髮子

自而養流入環眼鳥隊散髮纏藤耳帶大環首插雞羽無衣袴腹下以麻布一幅圍之負弩佩刀喊聲如犬又有結髮耳帶象牙大環紅布圍頭衣半身衫袒右臂亦其類也

毋雞

亦作野猴形醜惡婦女尤甚椎髻插羽佩刀負弩獵食猿
但見人有蓄思盜先用雞骨卜吉則往否則止

巫祭

亦名木察束髮耳環披氍佩刀執木弩藥矢獵取禽獸婦
女皂布蒙頭飾以海貝長裙細褶至二十餘幅前後無

袂名曰桶裙

漫目

男女皆麻衣俗披羊皮以五月爲止月性好飲男女皆同
男吹簫笙女吹口琴歡飲竟日過此則終歲忍饑野菜充

腹而已

土人

思絮襖佩刀背女披氍毛腰束皮索釧則繫縛之婚姻以
刀甲爲聘披髮見舅姑有爭者告人沸湯投物以手捉之
曲則糜爛直者無恙

儂人

儂智高部落之裔男束髮短衣女短衣密扣腰纏紅裹肚
性克狡濳齒出入佩刀長技在銃

沙人

越析夷也又名蒙犛男辨髮長衣女以挑花白布蒙頭腰
 圍紅布出入佩刀耕田射獵所居掌房喪服用紅祭肉棄
 不食又有黑沙人白沙人聘用牛既婚之夕男女不同室
 及回女家有婿方歸

獠人

男束髮披氍女短衣露腹纏紅藤腰繫沙羅布裙上短下長

男女同耕

狛人

男纏頭跣足女青布纏頭畧如僧帽綴以海貝彩布衣裙

着大尖鞋搆樓而居甘犬嗜鼠又有羅網表谷登照喇兀
等類頑良不一衣飾風俗畧同

怒人

居永昌怒江內外其江深險四序皆燠赤地生煙每二月
瘴氣騰空兩隄草頭交結不開名交頭瘴男子向冬山瘦
剛狠好殺射獵或採山連爲生鮮及市書婦人披髮紅藤
勒首每年貢麂皮二十張山驢皮十張黃蠟八十觔麻布
三十度以代賦稅

徠人

麗江府鶴慶州大雪山外男女披髮樹葉爲衣耳穿七孔
墜以木環與怒人接壤畏怒人不敢越界

野人

永昌界外枯無室廬宿於樹顛赤髮黃睛首戴骨圈插雉
羽手足腹背纏紅藤以幅布或樹皮拵下體執勾刀大刃
捕禽獸蛇蟲生食之逢人卽殺

老撾

南掌國夷類戴藤篾黑漆帽寬二尺許短衣無袴用襍色
布一疋從膝下兜繞圍結胸前各打抄子婦女耳貫大黑

漆圈

塞以
野花

列密

卽利米刀耕火種精射獵得鼠雀生畝之男篋帽皂衣女
辮髮赤足出外披花布以蔽其身

喇嘛

麗江鶴慶多有之來自西藏招本境摩
髮為徒有紅黃二
教紅弱黃強氍帽偏衫各如其色

苗子

三苗之後有九種黔省最多流人滇中
者惟仲家花苗而

巳束髮耳環未婚者縛楮皮於額或插雞毛女布冠套頭
衣袖裙皆用五絲桃花布爲之每歲孟春跳月男吹簫笙
女振鈴唱和並肩舞蹈終日不倦或以絲爲毬視所歡者
擲之暮則同歸比况乃散然後試如館序擊銅鼓吹唢叭
聚賽神書吳惟數十字及六十花甲子詞餘不同

上猿

其屬本在黔蜀粵西之交流人滇中男首裹青布白衣領
綴紅布一方婦人冠紅巾衣花袖性粗犷好蠱魔之術其
蠱夜飛如星光芒搖曳射入窓櫺觸者病

· 交人

安南國之類男簪笠蕉扇衣裳楚楚婦女面貌頗雅手貫
牙釧長衣長裙以紅帕蒙頭髮被髮鞞鞋讀詩書尚禮儀
婚喪之事俱倣中國

緬人

緬甸國流入者有老婦則老猛別雍會普幹擺古得楞子
等類長於烏銃其少藥用麥麵傅之迅疾無聲又有緬目
者稱爲莽紀斷髮文身漆齒穿耳蟒衣跣足頭帶紅緞一
六性喜花草

南詔古蹟

王母山

大理府城西北三里許點蒼山觀音山一名觀音山在天理府城

西三里許自北而南綿亘百餘里高六十里橫列如屏內

抱如弛弓即漢書所謂邪龍雲南山似扶風太乙之狀是

也山有十九峯中和一峯各中和之北為觀音應樂雪

人蘭峯三陽鶴雲白雪蓮花五臺蒼琅雲并十一峯中和

之南為龍泉玉局馬龍聖應佛頂馬耳斜陽七峯共十九

峯十九峯之下有十八溪中和峯下為中溪中溪之北為

桃溪梅溪隱仙雙鶴白石靈泉錦溪芒湧陽溪萬花霞移

十一溪中溪之南為綠玉龍溪清碧莫殘葶蕩南陽六溪

共為十八溪左支約十畝世傳王母曾降於此前按有明萬建

祠祀之

爨王碑

雲南府省城十五里碑文云昆明隋西爨王之墓碑成都閻邱均撰文蜀人賈餘紉書丹

鐵橋

麗江府城西北三百里癸巨津州北一百三十里州本唐

時羅婆九賧地橋跨金沙江隋文帝開皇間所置蔚按唐德宗貞

元十年南詔王異牟尋襲擊吐番戰於神川取鐵橋等十六城即此是

盟石

蒙化廳城北二十里路傍建甯國張樂進求欲護國於蒙

戶言里身
三三
細奴邏邏曰如果我應爲君斫石劍人斫之劍果入石三寸名曰盟石

古鏡州城

大理府雲南縣地城西北十里唐時所置頌夷郎等六縣

址尙存

地符

大理府趙州白崖石上有篆文赤如丹砂蒙氏以爲地符禁人踐汚一云在今雲南縣西三甲

鳳凰臺

大理府浪穹縣北二百步昔施浪詔施望欠築下有白沙井亦望欠也

觀音大士石刻

永北廳城東有觀音大士石刻於此

轉角莊

大理府城南二十里南詔蒙閣邏鳳有女欲爲擇配女曰擇配非天婚也我欲倒坐牛背任牛所之不問貧富貴賤牛入之家則嫁之鳳勉從其請至一委巷牛側其角而入見一老媪問媪有子否曰有一子往樵矣女卽拜媪爲姑

內言里口 外

嫁其子令報鳳鳳大怒絕女一日婿問女曰首飾是何物
所製女曰金也婿曰吾樵處是物甚多頃之我歸集金為
女遂懇請讌鳳鳳使人難之曰汝能作金橋銀路吾當來
汝女遂作以迎鳳鳳歎曰信天婿也遂名其地曰轆角莊
言牛入隘巷角如轆轤轉也

蒙舍城

蒙化廳城北唐玄宗戊子天寶七年勅置陽瓜州於此封
閣邏鳳之子鳳伽異為刺史

南詔德化碑

大理府城南太和村古城閣邏鳳叛唐歸吐蕃立碑國門
外明不得已之故清平官鄭回撰文唐流寓御史杜光庭
書丹

雲南府省城

唐代宗乙巳永泰元年鳳伽異築至明太祖壬戌洪武十
五年修周九里三分高二丈九尺二寸共六門南曰麗正
門樓曰近曰大東門曰威和樓曰殷春小東門曰敷澤樓
曰壁光北門拱辰樓曰眺京大西門曰寶成樓曰拓邊小
西門曰威遠樓曰康阜

優曇花

雲南府省城土主廟南詔蒙氏時有僧菩提巴波一名大
又法師自西天竺來以所攜念珠九子種左右樹高數丈
枝葉扶疎每歲四月花開如蓮有十二瓣遇閏多一瓣今
存西一樹尙茂

鹽井

滇中共四十處惟楚雄前姚州之白井楚雄縣之黑井琅
井爲佳蒙氏時洞庭龍女牧羊於此羊忽入地掘之鹽水
出故名白羊井今稱白井若崇琅二井因黑牛與狼舐地

知鹽故名以狼爲琅取音同也

神石

楚雄府南安州石高十餘丈土人每歲以金箔貼其頂有
禱輒應蒙異奉封爲南嶽

白崖城

大理府趙州東六十里蠻語謂州爲臉南詔有十臉此卽
白崖臉也

穿心塔

雲南府省城外官渡昔有螺精爲患建塔鎮之市有碑蒙

氏摩訶羅薩會盟立

靈會寺

大理府城北喜州院旁村蒙氏征摩些渡金沙江一木自
水中逆流異而取之造成千光如來佛置於彼中藍婆寺
忽大雨浹辰村民煙火盡滅惟此佛前燈不滅軍中乃得
火因迎像遷大理建寺奉之寺有古梅一株鐵幹橫花
千層作紅玉色相傳蒙氏時所植故人呼爲唐梅寺

石佛

靈真籠卽今雲南府宜良縣靈真寺蒙氏開創立

五華樓

大理府城內滇王蒙豐佑建方廣五里高百尺上可容萬人下可建五丈旗蒙古太弟忽必烈征大理曾駐兵樓前重修後遭兵火始廢今城中譙樓曰五華姑存其名其廢址約在城之中央耳

高河一名馮河

大理府點蒼山玉局峯頂之南世傳觀音大士放黑龍於

此饒春夏居溫湯今龍尾關西溫泉秋冬居雪山蒙豐佑遣軍將

晟君瀕山為池導山泉洩流為川灌田數萬源民得耕種

之利是爲時河一名馮河巖壁聳削潭
爲之深淵莫測水面有落葉鳥輒啣云

圓通洞

雲南府省城昆明縣治之西北懸翠山蒙氏時建寺內有
圓通洞後至元代有蛟爲患僧蓮峯行法鎮之李源道有
碑紀其事

古城

雲南府省城東南詔蒙隆慶築與其子舜化貞者

香巖

大理府點蒼山中和峯之半其地草木皆香世傳為釋伽佛苦修之地又名香石巖

金馬碧雞

雲南府省城外二山東為金馬西為碧雞周時西天天竺

摩竭國阿育王生三子長扶邦次宏德三至德一名驪王

有神馬其色如金三子爭欲之王令縱馬以轡私授至德

下令曰獲者與之至德部眾追至東山以轡收得馬至

德即止焉故今名山為金馬扶邦宏德部眾繼往聞至德

已得馬二人乃屯於西山時山有碧鳳土人不識呼為碧

大理府志卷之六

四十三

雞一人亦謂止焉故今名山爲碧雞阿育王念滇遠恐三
子不獲道遺其舅氏神明者統兵以迎將歸哀牢夷阻道
三子遂不得返既歿扶邦爲碧雞山神公德爲巖頭山神
至德爲金馬山神漢宣帝聽方士言遣諫大夫王褒求金
馬碧雞之神褒未至滇至焉中望祭而後交於二神曰
持節使王褒謹拜南崖敬禮金精神馬碧雞若之雞處南之
荒深谿回谷非土之鄉歸來歸來漢德無疆廣乎唐虞澤
配三皇黃龍見兮白虎仁歸歸來歸來可以爲倫歸兮翔
兮何事南荒也後至南詔大蒙國王異牟尋時封金馬碧

雞二神為景帝

羅刹封石

點蒼山五臺之上陽一作羊溪谷口有方石如樓狀世傳

觀音大士閉羅刹於此蔚按羅刹即漢書所謂雲南邪龍也又名戔魔石蔚按

大理為古妙音國本屬天竺國水居陸之半為邪龍所據是為羅刹好其人張敬者為巫祝羅刹憑之一口有老僧

至西來主敬家僧即觀音大士也託言欲求片地藏修敬以告刹刹問所欲僧曰但欲吾袈裟一展犬一跳之地利

許諾僧曰合止符券遂就水岸上書券石間於是袈裟一展犬一跳已盡其地羅刹怒悔盟而去僧再鐵止之日別

有勝地居汝內於點蒼山之陽溪化金屋一區刹壽移其屬人焉而山封矣僧乃鑿河尾洩水是為天生橋至今人

以西洱河赤又島為大士地券云又按西洱河一名西珙河一名昆瀾也一名瀾海即古葉榆水也水經注曰罷谷

言里身

一

口

之山洱水出焉源出大理府浪穹縣北十五里罷谷山下
 經浪穹各寧河至蒲陀崆各蒲陀江又名蒲桃江又一源
 出麗江府鶴慶州會蒲陀江入大理府鄧州界分爲羅
 時江瀾苴佉江怒地江俱南流入上洱河池至大理府東
 名西洱河形如月生五日抱珥之狀河之首尾抱點蒼山
 雲弄斜陽二峰之足虛其腹納十八溪之水廣二十里長
 六倍之中有亦文金梭玉几三島又西南行府城南龍尾
 關扼之水乃洞天生橋而下趨迴繞點蒼山之背合蒙化
 聽漾漚江之水注
 瀾滄江而入南海

天生橋

大理府城南三十里龍尾關之西南五里許即大士鑿洞
 山谷使洱水下趨處也下斷上連深壑絕壑石梁跨之僅
 度一人兩崖激水濺珠宛如梅萼人呼爲不謝梅橋北有

崙嶂名一線天

鶴拓

大士既洩洱水其地林藪蔽翳人莫敢入有二鶴日往來
河岸人跡之而入鏟利榛蕪乃得平土而居今大理府城
南舊建有雙鶴橋蓋誌其異

金坡

大理府賓川州城南二十五里地名賓居有仁慈大王廟
洱水伏流而出於廟下廟北坡上有上馬石臺名金坡大
王即張敬佐大士收羅刹者

盟祠

點蒼山中和峯之麓世傳三月十五日大士與羅刹盟於此故建祠祀之一名觀音市至今三月街商賈百貨集焉

竹王祠

臨安府通海縣漢有女子浣衣見有三節竹流來足間有聲破竹得兒長雄諸夷以竹爲姓捐破竹於野成林後因於竹中爲祠

玉案山

大理府城東洱河之東山漢司馬相如至此上疏請開益

州司馬遷亦曾至此其崖間刻字云此水可當兵十萬昔

人空有客三千

蔚疑此為唐南詔閣邏鳳所為

婦負石

大理府城南十五里陽和舖

今為觀音塘

世傳漢兵至境大士

化為老婦以稻草索糜一大石負之而趨漢兵見之吐舌

相誠勿露刃因以其地為葉榆置吏焉

石現在觀音寺內

漢使臣廟

雲南府省城西三十里進耳山

蘭津橋

景東廳城西蘭滄江

蔚按即黑水也源出吐蕃鹿石山本名鹿滄流入滇境首過麗江府今廢

蘭州故名蘭滄後訛

名瀾滄今又訛為浪滄白麗江流經

大理府雲龍州流東

南過永昌府蒙化廳順甯府景東廳

元江州入交趾達南

海山海經曰西岸峭壁飛泉俯映江

洱海西流入於洛故

又名洛水

水地勢險絕以鐵索繫南北為橋東漢明帝時建

天威逕

大理府城南龍尾關之西為達永昌大道後漢諸葛武侯

七擒孟獲獲心服曰公天威也南人不復反矣故名此地

為天威逕

蔚按交州記安南至邕州海多潛石運道不通唐節度使高駢鑿開五涇涇有青石不能治繼

而震碎之涇始通因名天威涇與此名同而涇徑字異乃

今大理郡誌載高駢天威徑詩云豺狼坑盡却朝天戰馬

休嘶瘴嶺邊歸路險巖今坦蕩一條千里直如絃以涇作
經高駢曾爲嶺南節度使破南詔復安南未嘗至滇是詩
當屬安南之涇無疑非
大理之涇也郡誌似悞

畫卦臺

點蒼山龍泉峯下武侯屯兵此處草中得伏羲像因作八
卦臺祀之士人以為祭天因又名爲祭天臺

諸葛碑二

一雲南府省城東二里舊漢營一不詳其處按碑文云碑

若踏蠻爲漢奴蔚考此碑在大理府趙州之白崖即武侯紀功鐵柱滇志皆載之然蔚親至鐵柱處

鐵柱空存

無此七字

尚召子也

下卷

四七

諸葛營

永昌府城南一土阜周三十餘丈高六尺雖遇盛潦阜隨水上下不沒俗稱武侯旗臺

九隆山

永昌府城南山有王氣武侯掘斷之

諸葛若

大理府鄧州東三十里即豪豬洞南山頂有石牆遺址下有龍潭石壁上龍形日月星辰之文人馬揮霍之狀層見叠出如雕刻然昔武侯擒孟獲於銀坑洞即此

孟獲巖

雲南府嵩明州楊林驛搖鈴山

五臺峰

點蒼山北來第三峰也漢使李平甯見有王氣掘斷之甯

雷震死

菁華洞

大理府雲南縣八里許漢時出一鹿兩頭絕佳

風雷洞

臨安府阿迷州建甯國張氏時洞有風雷聲聞百里

天女城

雲南晉甯州晉時甯州刺史李毅女秀築

滇池神馬

晉甯州東晉孝武帝己丑太元十四年甯州守費統奏滇民董聽見池中有黑白二馬出入故老言神馬也出與馬交生駒池中日行千里按滇池周三百餘里史云源廣末狹有似倒流故曰滇滇顛也

盟誓碑

曲靖府北十五里大理國段思平與三十七蠻部會盟於

此地

萬箭樹

永昌府哀牢山北段氏因濮蠻出沒於此射其樹以厭之

箭鏃如蝟

石乳崖

點蒼山蓮花峯下芒湧溪上有滴乳石大理國段氏時高智昇初生其父棄之於此石滴乳於口得不死遂復收育之

德江城

楚雄府城西北二里後理國段正淳時封高明亮於此後
高量成讓相位居之人化其德故名城曰德江

東西河

雲南府省城外元雲南行省平章政事賽典赤所開東名
曰金汁河西名曰銀汁河

咸陽王墓

雲南府省城東五里賽典赤治滇有功封咸陽王

元梁王宮

雲南府省城東即今之長春觀

一云即今布政司署譙樓猶其故築

雲南府省城北七里廢穀昌縣一名苴蘭城之旁梁王築

梁王避暑宮

雲南府省城西三十里太華山之石羅漢寺舊華亭寺

白塔

雲南府省城外東三里通衢中東嶽廟前乃元時高慶寺塔

元段平章墓

大理府城北門外崇聖一名三塔寺寺旁平章段功也

梁王墓

雲南府省城外進耳山梁王把匝刺瓦爾密之墓

溫泉

雲南府安甯州城外水色如碧玉清鑒手髮滇中共十七泉此爲第一卽唐元宗驪山玉蓮池想亦不及也

風孔

大理府點蒼山北來第七峰也名三陽峰茂原之上風從地孔出夏月過之肌膚如冰郡之多風以此

蝶泉

大理府龍首關之南泉從石腹中湧出旁有蝴蝶花一株

高丈餘夏月花開狀如蝴蝶而蝶脚之蝶與蝶復自尾相啣長垂至地亦奇觀也

天耳山

蒙化廳城北相傳凡人有計度言語雖甚秘山中便有人傳之

龍潭

麗江府西南廣十畝餘深不可測四旁草結如碑履一處則諸處皆動人或近之風雨輒至

仙人坡

臨安府通海縣善口舖每旦有白沙印巨人跡掃之正午
不見次日如故

秀山花

通海縣秀山上有花一株如芍藥由土未能有之俗不識
其名乃呼爲白山菜

火井

臨安府阿迷州田間夜常有光投以竹木則燃

蟠坤神廟

澂江府江川縣東南十里蟠山石巖中明西平侯沐晟征

交趾至此迷路有緋衣白馬人麾騎而前從之得路北還
復見旌旗騶衛列炬千餘張樂入洞得石如人形肖像祀
之廟久廢一日廟址有馬跡大如孟平之愈多土人遂復
其廟

石人

武定州昔有仙人騎驢至此驢見石人忽驚仙人因斬之
今斷石人在焉

香水泉

武定州城南有泉春時則香土人於二三月間祭之汲水

和酒飲能療疾

懸湖

武定州城西北湖方廣五里茂林嘉樹掩映其旁葉落水
面即有小青鳥啣去

神鹿

大理府點蒼山中常有之一身兩頭其形如飛喜食百草
雖草性毒者能解之無常

占鰲

大理府浪穹縣城南二十里鳳羽鄉有石竅中藏一蛇見

頭則插秧早見腹則及時見尾則旱人以占農

鳳棲木

大理府趙州白崖赤水江有古樹一株夭矯參雲相傳昔
曾有鳳棲其上

仙人曬丹石

大理府雲龍州舊州南七里有石高二丈周二十丈其頂
甚平每雨過有赤斑如丹砂拭之愈明

金雞石

雲龍州順盪山石窟中有白石形如雞相傳昔有石龍欲

飛聞石雞鳴遁入巖中今巖下有石龍露其半體鱗甲爪尾皆具

石觀音像

雲龍州雜馬井溫泉北燕子窠絕頂有石觀音像右手拄杖南天然如刻畫

大羅城

大理府賓州州東一里俗呼軍營明孝宗弘治間掘地得碑上有大羅城三字因以名衛

禹王碑二

一在雲南府安甯州法華寺石壁上一在大理府城西南

弘聖寺一名一塔寺前明嘉靖間新都楊莊芥公慎摹衡山幽

巖碑并釋文刻石於此

寫韻樓龍女花

大理府城南聖應峯麓海光寺一名蕩山寺又名感通寺楊莊介公著

六書轉注古音處李元陽中谿侍御題額樓前有龍女花

六瓣中心有金色小如意狀滇中惟此一樹相傳昔有龍

女因聽法悟道化身爲此花云

紀事

明太祖甲子洪武十七年遷中上大姓以實雲南是年雲南始開貢十八年十二月平緬慰僂思倫寇景東二十年思倫復犯景東西平侯流英討之自楚雄至景東每百里置一營率兵屯糧以備蠻寇二十一年正月命潁國公傅友德統番漢大軍征勦雲南諸蠻思倫人寇結砦於摩沙勒今元江府新平縣地犯他即沐英命都指揮甯正平之三月思倫復舉衆三十萬戰衆百餘寇定邊沐英自將精銳三萬人往討之凡十五日方抵其營遣都督馮誠以輕騎三百挑之賊驅萬人乘三十餘象來戰誠殺賊數百人獲一象

而回英曰吾知賊不足破也乃下令多置火銃神機箭分將士爲三行彼衆進則前行之銃箭齊發若衆未退則第二行之銃箭繼之第三行又繼之衆必反走然後以大軍乘之約束既定明曰賊巢驪百衆來戰衆皆披甲背負箭樓若欄楯然兩旁夾大竹筒置鏢鎗其中英命馮誠居前甯正居左湯昭居右兩陣旣交衆爲前列官軍火箭銃礮連發山谷震動渠帥刀斯郎斯郎理中箭死衆背衆皆反走酋昔刺者有勇力殊死戰英登高望之左師少却命左右取帥首來左帥遙見一人拔刀飛騎而下麾衆復前麀

戰移時賊大敗斬首三萬餘級生擒七十四衆餘衆皆死
諸蠻屍相枕籍思倫遁去五月都督張銓以從征東川蠻
有功封永甯侯子孫世襲指揮使九月傅友德等討越州
土目阿資於普安沐英遣都督甯正以兵從斬其渠滿巴
青生擒一千三百餘人阿資降二十三年十一月思倫降
仍命爲平緬宣慰使二十九年四月命都督聶緯討建昌
叛酋月魯帖木兒五月都督俞通淵平蠻回京進封越巂
侯賜鐵券世襲六月西平侯沐英卒上哭之慟輟視朝親
製文遣使祭之追封黔甯王謚昭靖配享太廟仍肖像於

功臣廟英以哭懿文太子過哀失聲嘔血遂得疾而卒年

四十七詔以其喪歸葬江南之觀音山葛按英五子一子

平侯繼鎮雲南卒諡惠襄年二十六無子弟晟嗣征交趾

功封黔國公洪熙時加太傅正統四年討麓川叛酋思任

因部將方政失律自引罪飲藥卒年七十二後追封定遠

王諡忠敬子斌幼弟昂佩印代鎮與靖遠伯王驥討麓川

平之卒年六十七贈定遠伯諡武襄斌襲封黔國公卒年五

十一諡榮康子琮幼以姪璘嗣之卒弟瓚代鎮十五年而

琮始襲黔國公卒年四十七諡武僖無子以瓚之孫都指

揮誠之子崑嗣朝議以崑為西平侯之裔孫當從侯爵守

臣爭之謂南人知黔國公侯之恐為所輕於是崑年十四

拜公爵卒年四十諡莊襄子紹勳襲卒諡端靖子朝輔襲

卒諡恭僖弟朝弼襲弼不守法度屢拒王命隆慶六年詔

削其爵逮入南京錮於西平故第幽死以其子昌祚襲卒

年七十子獻被論除名以獻子啟元襲暴卒子天

波襲死於緬甸年四十三世絕共傳一十六代

九月建

何子好也

下

五

昌土宮月魯帖木兒叛命涼國公藍玉越駕侯俞通淵將
兵討之至遣百戶毛海誘致月魯帖木兒檻送京師遂於
功部州置越駕鎮築城守其地二十六年癸酉雲南始赴
應天鄉試二十七年甲戌雲南始中進士二十八年鎮守
雲南西平侯沐春討越州叛酋阿資斬之諸蠻震服三十
年九月麓川蠻刀幹孟叛遂宣慰使思倫倫奔愬京師詔
沐春爲征南大將軍何福徐凱爲左右副討之三十二年
二月刀幹孟請入貢五月沐春進兵擊麓川先以兵送思
倫於金齒使人諭刀幹孟不從乃遣何福等直擣南甸破

景罕若復擊崆峒砦孟乞降上以其反覆不許何福遂擒孟新之思倫還麓川悉定九月西平侯沐春卒弟晟嗣成祖癸未永樂元年封汝南王朱有勲於大理成祖之姪也丙戌四年七月命成國公朱能佩征南大將軍印西平侯沐晟爲左副將軍新城侯張輔爲右副將軍率豐城侯李彬甯陽伯陳旭等二十五將兵部尚書劉儁叅軍務發兵討安南篡臣黎季犛命沐晟由雲南臨安府蒙自縣入朱能等由廣西思明府憑祥州入先是安南王陳日焜爲其臣黎季犛所弑犛上表竄姓名詐稱陳氏絕嗣求嘗國事

踰年日焜之孫天平至京愬實上遣使詰問犛卑辭乞請
天平還國上遣廣西都督黃中等送天平歸犛伏兵殺天
平中等引還上怒故有是命是年征八百降之雲南大小
古刺王溪的那浪等來貢詔立宣慰長官司先是朝命中
官楊瑄與雲南千戶孟景賢詔諭諸夷古刺因而朝貢丁
亥五年五月沐晟張輔等平安南擒黎季犛黎澄黎蒼黎
芮黎季獵等餘眾悉降得郡四十八縣百八十六戶三百
十二萬五千九百六月改安南爲交趾命督餉尚書黃福
兼管布按二司事都督僉事呂毅掌都使司事分十七府

曰交州北江諒江三江建平新安建昌奉化清化宣化太原鎮蠻諒山新平義安順化升華州五曰宣化嘉興歸北廣威演州統諸州縣六年三月張輔沐晟等振旅還京上交趾地圖東西一千七百六十里南北二千八百里建設軍民大小衙門四百七十有二七月論平交趾功進張輔英國公沐晟贈國公八月交趾蠻簡定反定爲陳氏故官不臣黎氏從軍下安南有功後逃去其黨推爲日南王僭元興慶十二月沐晟率師與簡定戰於生厥江敗績兵部尚書劉儁等死之上命張輔充總兵官清遠侯王友爲副

率師二十萬往征之七年八月命張輔與沐晟合兵討之
至交趾獲簡定檻送京師陳季擴遁去時簡定稱上皇立
季擴爲天越皇帝僭元重光擴蠻人自言陳氏後九年正
月命張輔復往交趾會同黔國公沐晟討捕叛寇雲南始
開科取士十一年十二月張輔等敗賊於愛子江十二年
正月沐晟等至老撾三關獲陳季擴八月伏誅十三年四
月命張輔鎮守交趾仁宗乙巳洪熙元年徙汝南王有勳
於湖廣武岡州爲岷王宣宗丙午宣德元年定雲南取士
中二十名十二月命沐晟爲征南將軍高安達侯柳升等

由雲南分道進討交趾叛賊黎利二年命禮部侍郎李瑄
工部侍郎羅汝敬等冊封陳暲爲安南國王五年八月安
南黎利篡陳暲而自立六年六月遣禮部右侍郎章敞通
政使徐琦齎詔命安南頭目黎利權署國事七年八月土
官刀之雅奏波刷國屢侵請兵討之帝曰遠夷不可勞中
國必兩有不是降詔諭解英宗丁巳正統二年麓川宣慰
使思任叛三年思侵掠騰衝南甸等處上遣刑部主事楊
甯往諭不聽四年五月黔國公沐晟奉命討思任都督方
政違晟節制渡江陷沒上遣使責狀晟曰吾主將失律喪

師罪當死至楚雄飲藥而卒五年廣西府儂人沙人叛沐
昂平之六年正月命定西伯蔣貴征麓川兵部尚書王驥
提督軍務十一月蔣貴王驥進至金齒分兵爲三道夾攻
上江因風縱火焚其營壘斬首五萬餘級賊敗走保險官
軍深入破連環七砦於杉木籠山又破其象陣於馬鞍山
之陰賊死傷者十餘萬思任遁去緬甸王驥移兵討韋郎
羅郎羅者僞廣新王維摩賊也聞王尚書大兵且至賊黨
潰散郎羅走安南驥檄安南追賊安南人懼斬其首並縛
其妻子來獻七年三月麓川班師回京論功封蔣貴定西

侯王驥靖遠伯侯璉楊用俱轉侍郎十月復命王驥蔣貴
征麓川緬甸思任遁俘其妻子而還九年緬甸匿思任十
年築騰衝城十三年王驥敗麓川賊於孟養十四年四月
王驥擒叛苗蟲富檻送京師伏誅景帝景泰三年王驥賞
緬甸孟養地緬人喜乃擒思任妻子時思任已死并斬其
首以獻四年定雲南取士比舊加十名每科額中三十名
憲宗成化十二年雲南鎮守太監錢能差指揮郭英由小
路入交趾求索安南驚駭英回以兵尾之事聞於朝命王
恕撫鎮捕英英投井死恕在鎮月餘疏二十上時錢能有

錦背鸚鵡織金絲入寶籠欲進上怒遣人借觀開籠放去
恐後取求擾民耳十五年巨津州白石山一日中裂半入
於江水溢田廬時屢有邊警孝宗弘治十三年滇三十六
處同日地震命刑部侍郎樊瑩祭境內山川考察文武去
官一千二百五十八員雲南鎮軍叛先是撫臣張誥浚元
賽典赤所開東西二河用省城六衛軍因給月糧稍遲眾
軍譁於撫衙前時有勢豪因宿忿駕言是鄉宦進士韓昂
阻糧眾軍入昂家須臾屋無片瓦以激變論下昂父子於
獄合家冤死十餘人招安畢誅首叛白清等數人而已十

六年春貢院騰蛟起鳳額大風吹去十餘里山上麥移下山時巨津州邊報甚急十八年滇大震遣禮部郎中陳崧祭滇山川武宗正德九年滇大震世宗嘉靖二年緬夷火燒齋金牌官七年冬尋甸土舍安銓叛先是知府馬性魯因徵糧禁銓妻鳳氏於獄裸撻之銓聚眾奪妻襲入府城又構武定土舍鳳朝文陷嵩明楊林阻木密間攻馬龍等處直趨省城藝西北門軍民市舍勢甚張朝命兵部尚書伍文定往討文定至滇銓已就擒十六年因貴州分科雲南取士定中四十名蔚按後於萬曆間撫臣鄒應龍奏准加五名安南國奏稱

貢使不通由莫登庸謀爲不軌阻截道路請討之上遣使
覆勘雲南巡撫汪文盛與黔國公沐朝輔募南蠻刀鮮詢
察莫登庸情罪虛實獲其謀者阮景等八人僞印壹顆僞
大誥一册奏聞上曰登庸篡立僞作大誥罪在不赦其議
討之文盛等以臨安府蒙自縣境外其地名交岡郎交趾
守臣武文淵所在於是移文查勘交趾叛逆原由據文淵
回文云安南國威勇推忠功臣特進輔國大將軍行宣光
都督使司總兵慶陽侯武文淵謹具呈狀爲勘查事嘉靖
十六年三月下旬文淵奉見天朝臨安府大官帖文一道

查勘安南叛逆事由仍示文淵禍福之理向化之方不勝
喜懼恭惟皇帝俞俞陛下尊居九五正位萬方體天地之
心正綱常之道故太官有是帖也文淵敢不悉陳彼莫登
庸者海濱之子祖父以捕魚爲業并弟莫樞前國王黎瑊
錄而用之國王去世國人立黎椅爲王年號光紹登庸謀
爲不軌遂而醜之復立光紹弟黎椿爲王未五年又弑之
暴王屍於棺外篡其位僞號明德未三年兄弟相爭殺其
弟莫樞傳子方瀛改號大正凡八年退於海濱方瀛居龍
編城篡位弑主事益如此本國忠義舊臣如鄭維駿保護

光紹之子黎樾守清化城鄭嶠鄭曉守太原路阮塗守義
安路阮仁庶守廣南路義存故主各提兵靖難職此故也
伏乞大官體朝廷德意奉詞伐罪脩將前項事由陳奏亦
安南服也至於山川道路難易若石門關至歸化府五百
里山路崎嶇歸化至龍編城路頗平坦諒山府至龍編城
六百里俱大路西安府至龍編城一千里崎嶇難行安邦
水洋海道難渡道理悉在天朝版圖不必再言惟忿登庸
父子之奸浮於莽惡南土人民殆甚秦苛文淵祇承本國
出領宣光深有益於天朝恭惟皇帝爺爺陛下德廣亨屯

量洪極渙奮武周伐罪之舉嚴人臣篡弒之誅文淵求以
 報國願為鄉道勅除逆庸正名分之乖違拯生民之塗炭
 內安外撫遐邇共仰於德威大畏小懷蠻貊均霑夫德教
 謹具皇狀伏祈鑒照十八年朝命咸甯侯仇鸞兵部尚書
 毛伯温統兵伐安南十九年安南莫登庸降二十年莫登
 庸降表至京詔改安南國為安南都統使司賜從二品銀

印蔚按安南自黎利復反之後遂為羈縻之國利死子麟

立麟死子濬立濬為庶兄琮所弒琮立黎壽域等殺之

立濬弟灝灝死子暉立暉死子敬立敬死弟暄立阮种殺

暄立顯庶子明明多行不義鄭綏等殺暘立諱諱母妻皆

氏也莫登庸都齋漁人負勇力時時凌波而飛持劍下

刺得巨魚呼諜為樂仕諱封武川伯總水陸諸營尋進

太傅仁國公銷九鼎為兵器自稱興安王謀殺諫圍其宮
 諫走清化登庸乃立諫弟應又弑應而自立嘉靖九年九
 月諫死國人立其子甯登庸襲甯甯老老過登庸以子方
 瀛為大王元僭大正及官軍進討方瀛乃移文雲南鎮臣
 言黎應病篤詔方瀛入宮付邸草命主國事甯乃亂臣阮
 塗之子冒黎姓非諫子也朝廷知其奸偽夫意討之時方
 瀛已死登庸留其孫福海守國與姪莫文明頭目阮如桂
 等四十餘人於嘉靖十九年十一月初三日入關各跣足
 繫脛詣軍門稽首獻所部土地軍民籍選所侵欽州四峒
 境土請奉正朔毛伯温等遂宣說朝廷威德稱制赦之二
 十年四月莫登庸降表至京詔改安南國為安南都統使
 司以莫登庸為安南都統使子孫世襲後至萬曆間黎氏
 復立莫氏竄居高平以黎維潭為都統使相侵害升菴紀事至此
 莫敬用為高平令世守朝貢毋

續紀事

而終

嘉靖三十年元江十舍那儼殺姪奪印戕殺布政徐樾樾
乃江西名儒朝命撫臣石簡討平之三十六年替甸通火
李向陽等以徵糧太急爲辭遂聚眾并糾易門夷以叛號
爲混天大王尋即勦平之三十九年省城無賴段暘等謀
叛暘先以罷吏禁獄久之自稱段平章之後糾合惡少三
十六人倣宋時淮南盜宋江作亂事露收捕之四十二年
武定鳳繼祖叛先是管府邱士婦瞿氏平老男婦索氏當
繼領府事因得罪瞿氏瞿氏遂謀奪印與族姪繼祖因而
仇殺爭官撫滇臣命分守左叅政陳善往理繼祖抗命據

府叛旁掠自民羅次糾東川夷酋攻曲靖尋甸所至播動
 分守食事張澤統兵進勦土舍阿方通賊斷浮橋絕王師
 歸路澤兵敗不屈死之事聞於朝命趙撫呂光海鎮守沐
 朝弼討之擒繼祖誅之改土設流同時死事招安生員楊
 忠等惜未卹錄穆宗壬申隆慶六年隴州岳鳳叛鳳以逃
 民為隴目把久之謀奪主邸陰誘莽寇三宣六慰三宣者隴川南
甸千六慰者緬甸孟養八蠶起百大甸車里木邦老官司屢撫之不聽神宗癸
 酉萬曆元年巡撫鄒應龍討鐵索箐今楚雄府姚州所屬之地赤石崖
 今大理府賓諸叛夷平之九年岳鳳犯姚關在永昌府南二百里時

彗星見西南方光芒燭天識者以爲兵象十年春日無光
月赤如日夜無星辰晝迷煙霧數日方開十一年朝命騰
越遊擊劉綖永昌叅將鄧子龍討岳鳳時帥宗州守蜀人
何珏常破蜀九絲峇立功有膽畧乃單騎入賊巢諭以威
德鎮撫司道協力擣勦遂擒岳鳳父子并土舍罕虔三宣
六慰悉平奏定論功鎮守黔國公沐昌祚陞太保賜一品
服撫臣劉世曾陞侍郎賜一品服各蔭一子司道府牧令
等官各賚銀緞有差劉綖鄧子龍俱陞副總兵官奏捷露
布曰雲南遊擊將軍署都指揮僉事劉綖爲仰仗天威蕩

平巨寇恢復三宣六慰傳露布以報大捷事伏以皇靈丕
振恩威暨及於邊陲天命維新聲教訖通於荒服幸膚功
之克奏占景運之重熙遊夷岳鳳等原以土司部落糞草
賤夫狐媚欺孤謀主奪印雄吞六慰威劫三宣馴至結連
遊黨蠶食諸夷遂爾勾引莽酋憑陵中夏上年謀殺官軍
肆無忌憚近今侵犯內地實屬伺窺蓋謂騰越永昌皆彼
坵隴所在碧雞金馬亦其桑梓故墟是以蜂屯蟻聚謀爲
不滅輒敢鴟笑鸚張志非在小悲孽狐之坵跳梁跋扈恃
狡兔之穴踰伏偷安以爲威弧不射容知天網莫逃本職

奉命以來神飛智湧足蹈心馳自誓與賊勢不俱生恨不
滅此而後朝食爰於萬曆癸未年十一月二十六日橫槊
誓師分哨並進披歷險隘直抵賊巢元惡旣已倒戈就擒
脅從悉皆俯首受縛月射千山喜獲田禽之利風行六詔
載揚霜隼之威惟時大義激於衆心勝氣騰於千里神武
布昭於將校歡聲雷動於九天莫不鼓舞戎行虔恭師律
戈戟連雲直欲靖煙塵於海島鼓鼙動地還期洗甲冑於
天河鬼蜮盡在目中凱旋指諸掌上虎穴笑談平功收不
戰狼煙呼吸定績底咸甯據金沙城蠻哈言有大而非誇

通寶并跨南滇信無行而不利土地充拓者遠近不下數千餘里擄掠奪回者旄倪概計億萬餘人爰相機宜普施措置撫岳鳳而姑縱之欲南人聞風而懷服討蠻幕而隨宥之欲逆黨畏威而懲創招猛密褒其母之慈賢招孟養表其兄之忠憤縛罕氏以復干崖故土納木邦以慰殘蠻歸來誘洞吾之忿爭使之自相屠戮諭阿瓦之款附使之反面仇讐戶賊將於猛統剪點夷之羽翼擒楚婿於孟養去劇寇之瓜牙至於芒市錫箔孟甸遺氓之失業已久則招安之以厚疆域之藩離南甸雷弄達達黔首之顛連尤

極則賑貸之以固騰永之門戶切雲霓之思者望風而嚮
應避水火之厄者禴負而爭先當鋤強戡暴之威存問死
卹傷之惠試兵甫及二月犁埽爲之一空遂使海濱梟雄
咸謂天威莫測遐陬童叟共歌聖壽無疆但念疆宇雖已
廓清莽酋猶然肆大若不亟加勦滅終爲禍根蔓延際可
乘之時而經畧譬若建瓴假彈壓之威以剪除勢如破竹
卽於甲申年二月十一日糾合諸夷軟血剖符定縱連橫
合營進討蓋雖不殺致殺實則以夷功夷財不費而國勢
愈張師不煩而軍聲益振共集堂堂之陣用成赫赫之功

侯蕩平之後另圖改土設流於平定之餘更宜築關建堡
設大將旗鼓以控制要衝立諸司衙門而相爲犄角隨行
屯田之策以足食而財可使富保障堅於未形又練土著
之丁以足兵而力可使強么麼庶幾無患由是雨霽雲開
見隴樹蒼山之色風清亭靜斷羌絃番管之聲而滇南之
安永保萬世無虞矣地方幸甚國家幸甚敬馳露布以聞
萬曆十三年三月十六日奉旨岳鳳罕虔等解赴京八百
車里八百夷以犀象方物來貢是月岳鳳等解至京禮兵
二部奏請獻俘告廟其獻俘儀注內開云禮部儀制清使

司爲仰仗天威計擒元惡恢復疆土恭報西南蕩平以抒
聖懷事奉本部連送該本部題本司案呈奉本部送先准
兵部咨稱雲南鎮撫等官沐昌祚劉世曾等恭報節次擒
斬逆犯首級二千一百三十八名顆及逆賊岳鳳父子等
五名續添莽縻啞曼得皮一名押解到京乞擇日祭告郊
廟宣捷獻俘等因題奉欽依移咨前來該本部照例題請
於本月二十九日早遣官祭告郊廟是日御前宣奏捷音
百官吉服致辭稱賀獻俘另行擇日具儀題請等因奉聖
旨是祭告南郊遣官徐文璧北郊朱邱貞太廟駙馬侯拱

宸各行禮等因欽此欽遵隨行准欽天監手本擇到本年九月初一日辰時吉獻俘等因到司案呈到部臣等謹將獻俘合行儀注開呈上請伏乞聖裁等因萬曆十三年八月二十二日本部尚書魚翰林院學士王等具題二十五日奉聖旨是欽此欽遵擬合通行爲此合就送該司卽行該衙門欽遵施行一前期禮部告示文武百官俱朝服詣午門前行慶賀禮先一日內官設御座於午門樓前楹正中是日早錦衣衛設儀仗於午門前御道之東西教坊司陳大樂於御道之東南西北鴻臚寺設贊禮二人於午門

前東西相向設文武官及諸藩使人等待立位於樓前御道南又東武西相向及刑部獻俘官位於午門前御道東稍南西向設獻俘將校立於午門前御道西稍南東向引禮引文武官東西立獻俘將校引俘列於午門前西邊武班之後上帶服御皇極門鳴鐘聲止鴻臚寺跪奏上乘輿樂作至午門樓上升座樂止鳴鞭訖鴻臚寺官宣奏畢贊獻俘將校引俘至獻俘位北向立俘跪於將校之前刑部官詣樓前申道跪奏云具官臣某奏某官以某處所俘獻請付所司候旨傳下刑部官領旨訖卽同將校押出施

行文武百官入班北向立唱排班班齊致辭官詣中道跪
致辭稱賀訖贊鞠躬樂作五拜三叩頭興樂止鴻臚寺官
跪奏禮畢駕興樂作百官以次退三十五年十一月武定
土酋阿克率鄭舉等作亂直抵省城城外坊市悉被焚劫
索各官印信而去還攻元謀和曲諸城未及一月陷一府
三州四縣尋旬叛目亦應之陷嵩明信楊林官軍拒却之
還攻壽甸陷祿豐官軍四面合擊追至東川盡擒其黨收
回各官印信四十八年雲龍州土知州段翥能爲其族人
段進忠所殺殘裂肢體誣襲其職剽掠無忌大肆猖獗巡

撫沈傲炏授計於分守金滄道彭自新瀾滄兵備道熊鳴
岐密擒之會進忠僞託赴訴由永平間道驟抵大理擁衛
逆眾逼龍尾關而陣名待命而彭自新熊鳴岐等分佈早
定遂命薛中軍周陳二指揮突陣擒斬之釋其脇從事平
改土設流官知州一各夷林養熙宗甲子天啟四年阿昌一各夷林養
中作亂雲龍州知州周憲章計捕斬之先是萬曆四十八
年段進忠之亂養中防護瀾滄渡蘇溪舖等處戰甚力養
中魁梧猛鷲有力善弩可敵百人進忠平後養中恃其勇
力漸露跋扈據官田不納賦結賊黨時出剽掠憲章論散

其黨擒其弟林義節殺之養中遂逃遁潞江外之茶山野
入境內日治兵招集夷黨潛圖襲州治變聞當路檄收其
父兄妻妾禁之憲章曰賊忍悔安知有父兄獨念其妻妾
耳乃釋其妻李氏妾女息使歸家而密購其鄰右等令潛
伺養中歸而擒之養中果眷戀其妾暗招之女息三往而
三阻於熊虎不得達養中遂於三月十三日暮夜潛回至
妾所欲裏糧挾妾去而憲章所購其鄰右李正芳李直設
紹言喇武等已知之十四日黎明急令人報憲章而各藏
兵器密布其屋之四周先令敢勇者段阜成入其家牽制

之女息見早成入大呼養中挺刃出早成遽以木叉扼其頸挂之壁間欲生得之養中刃斷其叉所早成削左耳露骨於是段紹言率喇武並進養中方欲張弩紹言挺格落之養中復刃紹言左臂喇武急奮刃前斫之中養中要害路之地乃斬其首以獻憲章釋其脇從之

國朝大清世祖高皇帝丙戌順治三年冬十二月安南土酋

沙定洲叛陷省城黔國公沐天波奔楚雄賊攻楚雄城不下遣其黨王朔寇大理回民與之暗通由東門水洞入城遂陷先是阿迷州土酋各各聲死其妻萬氏納安

南土司沙定海海不能厭其欲殺之納其弟定洲會黔國
公沐天波調定洲討元謀叛酋吾必奎洲逗遛不進及賊
平洲始至天波檄止之不聽以兵屯省城闕天波府饒富
心動一日託言簡歸入天波府遺襲之天波急出西門士
民見變起倉卒遂擁護陳太夫人走城北普吉村之朝陽
菴焦夫人走金井菴避之兩夫人應被辱是夜俱自焚死
天波奔楚雄洲圍之城不下乃別遣其黨王朔寇陷大理
死者至七千餘人丁亥四年四月流寇孫可望李定國劉
文秀艾能奇等入滇沙定洲遁走八月孫可望等兵破安

寧進祿豐分守金滄道楊畏知拒之祿豐獅子口戰於啟
明橋兵敗被執可望遂鼓行而西據大理城畏知不屈欲
死可望慰留之畏知挾可望令無焚掠淫戮可望悉從之
可望自稱平東王畏知力爭乃去王號稱將軍辛卯八年
五月前明分守金滄道楊畏知罵賊死巳亥十六年

世祖命大將軍信郡王鐸尼伐雲南同平西王吳三桂西討

諸郡軍屯大理龍尾關大理納款撤軍

附明楊莊介公升菴滇南月節詞

十二闕調
寄漁家傲

正月滇南春色早山茶樹樹齊開了艷李天桃都壓倒粧

青衫子也

下卷

二二二

點好園林處處紅雲島 彩架鞦韆騎巷笊冰絲寶料銀

謎小誤馬隨車 天欲曉燈月皎潔雞三唱星回卯

蔚按巷 笊未詳

疑巷字 或有誤

二月滇南春燕 婉美人來去春江暖書玉泉頭無近遠香

運軟遊絲搖曳 楊花轉 沽酒寶釵銀釧滿尋芳爭占新

亭館夷下艷詞 微風舞春日短温系鄉裡歸來晚

三月滇南遊賞 競牡丹芍藥晨粧竟太華華亭芳草逕花

館釘羅天錦地 歌聲應 陌上柳昏花未 青樓十里燈

相映絮舞塵香 風已定沉醉醒提壺又喚 朝興

四月滇南春迤迤盈盈樓上新粧洗八節常如三月裏花
似綺釵頭無日無花藥 杏子單衫鴉色髻共傾浴佛金
盆水拜願靈山催早起爭乞嗣珠絲先報數梁喜

五月滇南煙景別清涼國裡無煩熱雙鶴橋邊人賣雪水
槐陵調梅點蜜和瓊屑 十里湖光晴汎艤江魚海菜鱸
刀切船尾浪花風捲葉涼意快遊仙繞夢蓬萊闕

六月滇南波浪渚水雲鄉裏無煩暑東寺雲生西寺雨奇
峯吐水椿斷處餘霞補滇人謂虹為水椿松炬熒熒響作午星回

令節傳今古玉傘雞蹤初薦荷菱浦蘭舟桂楫喧簫鼓

七月滇南秋已透碧雞金馬新山瘦
擺渡村西南壩口船
放溜松花水發黃昏後
七夕人家
衣暴袖彩雲新月佳
期又院院燵燈如白晝風弄袖刺桐
花底仙裙皺

八月滇南秋可愛紅芳碧樹花仍在
菌圃全無落熊春
莫賽玫瑰綠縷金針錫
屈指中秋
餐沆漑
遊空遠日天
澄派七寶合成銀世界
添興快涼
敲月勝清籟

九月滇南籬菊秀銀香玉露香
盈手
百種千名殊未有
搖
落後橙黃橘綠爲三友
摘得金英來
汎酒西山爽氣當窓
牖
鬢插茱萸歌獻壽
君醉香冰昌宮裏過重九

十月滇南樓暖屋明牕巧釘迎東旭
吐魯麻酒也香春瓮

熱歌一曲酥花乳線浮杯綠
蜀錦吳綾熏夜馥洞房窈

宛懸燈宿掃雪烹茶人似玉
風弄竹霜天曉角寒生粟

冬月滇南雲護野曹溪寺裡梅花也
綠萼黃須香趁馬携

翠竿塢頭沽酒橋頭濕
江上鳴蟾初凍夜漁簑句好真

堪畫青女素娥紛欲下銀霰灑玉鱗
皺遍鴛鴦瓦

臘月滇南娛歲晏家家餌塊雕盤薦
雞骨香馨火未燄栳

榔串紅潮醉類櫻桃綻
苔翠瓊瑜開夜讌百夷枕粲文

衾爛醉為宜春情興懶粧閣畔屠蘇
已識春風面

題大理懷古

南詔對史訂正訖因題大理

胡

蔚蒺門

邪龍鶴拓事荒微遜國蠻風見亦希地上赤文符自現柱

頭金縷鳥能飛九隆浮木神先命三詔

明樓骨不歸

皮邏閣焚

明樓越析詔未至遼賅詔骨已携歸惟浪穹

詔施浪詔蒙舍詔骨皆成灰燼故止云三詔太息虔陀輕

啟侮萬人塚草沒煙霏

其二

陽劍山河戰伐中神川功業儘英雄當時自識尊唐統後

代誰能繼祖風三塔妙因成獨久五臺王氣鑿先窮十三

傳絕紛乘竊白段天教與宋終

南詔野史書後

南詔野史凡五本一曰倪本昆明倪輅撰明史藝文志雜

史類載之凡一卷二曰楊本嘉靖二十九年新都楊慎據

倪本而薈萃成編卽乾隆四十年胡蔚據以訂正者

按姜午生

跋云用修游滇原其世系著為載記阮霞嶼惜其佚脫更
讐之以付剗削考升菴滇載記本于玄峯年運志且載記
非野史姜跋甚明四庫提要謂阮偽託升菴而不知阮僅
據升菴載記而成野史並未卽以野史託之升菴故卷首
僅曰倪輅輯楊慎標目而元聲則自曰刪潤也乃不料阮
本有升庵標目之名世遂謂升庵有作野史之事胡本遂
竟削阮名直題之曰楊慎編輯且序之曰升庵先生之野
史類多志乘所遺蒙段九姓竊土僭號始末尤詳誤阮為
楊斯失之矣胡本流傳最廣遂使承學之士無不以南詔
野史為楊作阮書之臆固不幸矣楊著書萬卷亦豈以此

書之顯為幸耶持升庵序輅之野史原
有蒼萃成書之語今不妨別為楊本耳
三曰阮本馬龍阮

元聲據倪楊本而刪潤之讐刊之四庫存目于史部載記

類

阮本亦有二姜午生所跋之本始于沙壹四
庫存目之本始于星野或傳鈔之小誤也

提要曰元

聲偽作所謂倪輅楊慎皆依託也

按提要之言殊太武斷
明史志原有倪輅南詔

野史一卷何得一筆抹
之而謂皆元聲依託乎

四曰胡本武陵胡蔚據楊本而訂

正之分上下卷即今單行之本五曰王本浪穹王崧得阮

本之傳鈔者數本而參互攷訂勒為一編刊入雲南備徵

志者

樂山先生輯備徵志在道光十一年胡本欠刻何
以未見刻本且無一字及于胡本豈不重其書耶今

所傳惟胡本王本而王本最足徵信蓋樂山通才釐然次

第凡錯簡者注而正之

亦有未註而正之者如馮都督經段功墓詩乃和楊淵海原韵錯簡

于淵海詩之前古蹟中孔廟南詔不知尊孔子以王逸少爲聖人本於元史張立道傳爲王疇五先生所駁亦未訂

正

始于星野終于萬歷十三年與四庫存目之本合倪本

蒼萃于楊楊本刪潤于阮阮本得王之參互攷訂差幸無

憾光緒庚辰滇刻野史竟不取王本而取胡本王本之流

傳遂不如胡本之廣嗜異已夫胡本亦有所長三十七變

部一條六十種人一條足補阮本之闕一也續紀事一篇

文雖淺穉紀明季滇事頗詳二也除新增各條之外大都

本阮氏舊文綱舉目張修飾潤色詩詞敘記歸于雅飭三

也要其失處亦可畧言卷首始南詔之稱不始星野徒淆古本何闕宏恂古蹟增三十餘條而不明言其所增禹王碑一條云明新都楊莊介公慎慕响嘖碑弁釋文刻石於此寫韻樓一條云莊介公著六書轉註古音處李中谿侍御題額胡旣題曰楊慎編輯豈升庵以己之蹟爲古蹟乎紀事一篇原本卽合于歷代源流以下別爲一篇亦殊無謂卷末附升庵月節詞已爲蛇足又附刊己作之大理懷古二律不尤乖著書之體乎嗟乎萬里雄封開闢歷數千載堯典禹貢姑勿附會卽以史記兩漢華陽志唐書元明

史而論一方文獻巍然煥然茲之野史自不可以嚴而繩
顧輕爲增竄不加別白沿謬襲訛恐上誣古人下誤後學
雖沙中有金無從披揀亦可傷也今一二辨其得失如右
後之讀野史者庶有以知源流而別涇渭歟丙辰花朝石
屏袁嘉穀

051

1

020



21101000187908

Handwritten text, possibly a date or reference number, written vertically on the right edge of the page.

Handwritten text, possibly a date or reference number, written vertically on the right edge of the page.

Handwritten text, possibly a date or reference number, written vertically on the right edge of the page.